

**NATIONAL ASSEMBLY OF  
SEYCHELLES**

*Wednesday 28<sup>th</sup> October, 2020*

*The Assembly met at 14.21pm*

*National Anthem*

*Moment of Reflection*

*Mr Speaker in the Chair*

**MR SPEAKER**

Mersi. En bref moman refleksyon silans. Ser Manm Onorab, ser telespektater ki a lekout, bonn apre midi e byenveni pou swiv nou pou nou *Sitting* pou sa apre midi. Mon konnen i tradisyonnèl pou Speaker ganny sa privez annan en pti ladres avan *Sitting* i komanse, me ozordi nou annan en vremen *timetable* sarze.

Alor mon pou fer en pti refleksyon bref e mon a rezerv lo en lot lokazyon petet byento, pou mon kapab partaz en pe refleksyon en pe pli aprofondir.

Premyerman byenveni tou bann Manm Onorab dan nou Lasanble. E nou pe komans en travay devan nou ki pou vremen enportan pou nou pei.

Mon krwar sel refleksyon ki mon anvii fer, se nou rol koman Lasanble. E mon pou

servi zis en term, ki mon krwar i rezim tou sa ki nou ete isi. Nou sa Lasanble nou reprezantan Lepep Seselwa.

Si nou reflexir lo sa term, i dir tou lo sa ki nou devret fer e ki mannyer nou devret fer li. Nou reprezantan Lepep Seselwa, ki Lepep Seselwa i anvii? Lepep Seselwa i anvii ki i konnen ki pe pase dan son pei, ki i konnen ki son Gouvernman pe fer.

Alor nou koman reprezantan Lepep Seselwa, la i la nou rol, pou fer zot konnen, lo tou keksoz ki enportan pou zot. Ki mannyer zot larzan i ganny depanse. Ki program Gouvernman i annan ki konsern lentere pei e zot lentere pou zot. Si nou adres sa bann size i dir antye kisisa ki nou devret fer koman en Lasanble.

Me osi mon'n dir, i osi montre ki mannyer nou devret travay. Nou demann Seselwa travay dir alor nou, nou bezwen travay dir. Nou demann Seselwa pou nou protez drwa e donn loportinite tou Seselwa, alor nou, nou rol se pour fer avanse sa lentere, sa ekspektasyon.

Nou demann ki Seselwa i montre linite, ki i montre respe, ki i montre sa lespri travay ansanm. Alor nou, nou vin legzanp pour sa. Donk mon

krwar si toultan nou gard sa bann keksoz antet, e nou reflexir lo la, i a touzour gid nou dan plizyer mannyer nou pe azir e ki mannyer nou fer pou azir dan lafason ki nou reste legzanp.

Seselwa i oule ki nou zot reprezantan, i reste an kontak avek zot. Ki i al kot zot, ki i ekout zot, e zot oule ki zot lopinyon i ganny reflekte dan sa Lasanble, dan sa ki pase isi. Zot oule ki bann Lalwa ki zot deliber lo la, i ganny fer dan en fason byen, zis pou asir lazistis pou met tou dimoun egal dan nou pei, e pou fer sir ki personn pa par lao Lalwa.

Donk nou, nou bezwen ranpli sa ekspektasyon. Savedir pou nou konn lopinyon Seselwa, pou nou permet Seselwa kontribye dan travay son pei, nou bezwen pran nou parol avek Lepep Seselwa.

Nou komans en travay Lasanble ki pou - mon ekspekte i pou ase entans, e i pou ase difisil, vi ki nou sityasyon i montre ki i annan plizyer size enportan ki nou pou ganny demande pou adrese. Donk annou met nou pare, pou fer sa travay e annou fer li dan sa prensip ki mon'n reflexir lo la.

Avek sa i a reste mon zis pou dir mersi sa Lasanble. E mersi *staff* Lasanble, enkli *staff*

dan biro Speaker, ki'n donn nou en lakey merveye bomaten, koman sa nouvo Lasanble, koman sa 7enm Lasanble.

Annou demann zot pou zot korperasyon e sipor dan travay ki nou pe fer, e an retour annou osi nou ki la koman Manm, koman Lasanble, donn sa korperasyon ki travay Lasanble i mars byen, *smooth* e i nou kapab akonpli nou devwar koman 7enm Lasanble Nasyonal Seselwa.

Avek sa mon a termin la, Madanm Clerk nou pare pou prosede avek *next item*.

### **MADAM CLERK**

Mersi Mr Speaker. Bonn apre *midi a tous*;- anba Lartik 83(1) lo konstitisyon e nou *Standing Orders* 4(3), *The House* i bezwen elekte en nouvo Deputy Speaker, so mon pou envit propozisyon *from the floor* pou bann non ki pe ganny propoze pou nouvo Deputy Speaker.

Onorab Arissol.

### **HON SANDY ARISSOL**

Mersi Madanm Clerk. Bonn apre midi Mr Speaker, tou Manm isi prezan. Mon ti a kontan premyerman Mr Speaker felisit ou ankor enn fwa pou sa nouvo lapwentman, e nou swete ki nou kapab fer en

bon travay pou sa 7enm Lasanble.

Madam Clerk anba *Order 4(4) the procedure for the election of a Deputy Speaker shall be the same as for the election of the Speaker.*

*Alor in Accordance with Article 4(4) of our Standing Orders, I propose Honorable Gervais Henrie as Deputy Speaker, and move that Honorable Gervais do take the Chair of the Assembly as Deputy Speaker. Mersi bokou.*

**MADAM CLERK**

Mersi Onorab Arissol, i annan okenn Manm ki segonn sa Mosyon? Wi, Onorab Phillip Arissol.

**HON PHILLIP ARISSOL**

Mon segonn sa Mosyon.

**MADAM CLERK**

Mersi Onorab Arissol. Eski i annan okenn lezot propozisyon pou sa pozisyon Deputy Speaker?

*Ok, si non, alors mon annan plezir pou anonse ki Onorab Gervais Henrie i nouvo Deputy Speaker Lasanble Nasyonal pou 7enm Lasanble. E mon ava demann Onorab Henrie, nouvo Deputy Speaker pou vin devan pou pran son*

*Oath of Allegiance, devan Speaker Lasanble Nasyonal.*

**HON GERVAIS HENRIE**

*I, Gervais Henrie, do swear that I will be faithful and bear true Allegiance to the Constitution of Seychelles and that I will preserve, protect and defend the Constitution of Seychelles, in the Office of the Deputy Speaker. So help me God.*

**(APPLAUSE)**

**MR SPEAKER**

Prezan nou pou prozed avek eleksyon *Leader of the Opposition, (LOTO).*

*According to Article 84(1) of The Constitution the House must elect a Leader of the Opposition. Only the Members of the opposition side are allowed to vote. Any proposal? Onorab Lemiel.*

**HON SYLVANNE LEMIEL**

Mersi Mr Speaker. Anba Lartik 84(1) nou Konstitisyon, mon ti a kontan propoz Onorab Sebastien Pillay pou vin *Leader* Lopozisyon. Mersi.

**MR SPEAKER**

Mersi Onorab. *Who seconds the proposal? Madam Clerk ou'n note? Onorab Vidot, wi.*

**HON AUDREY VIDOT**

Mosyon i ganny segonde Mr Speaker. Mersi.

**MR SPEAKER**

*Thank you. Any other proposal? Madanm Clerk? Mon deklare Onorab Sebastien Pillay in ganny elekte Leader of the Opposition.*

**(APPLAUSE)**

**MR SPEAKER**

Felisitasyon Onorab Pillay. Prezan nou a prosede avek Eleksyon *Leader of Government Business*.

*According to Article 84(a)(1) of The Constitution, the House must elect a Leader of Government Business. Only the Members of the majority side are allowed to vote. Any proposal? Onorab Clifford Andre proposal, who seconds the proposal?*

**HON CLIFFORD ANDRE**

Mon bezwen lir sa *proposal* Mr Speaker. *I need to read the proposal.*

**MR SPEAKER**

*You need to read the proposal?*

**HON CLIFFORD ANDRE**

*Yes, I need to say an akor avek. Bonn apre midi tou Manm Onorab. Felisitasyon a ou Mr*

Speaker. Felisitasyon Depite Speaker lo zot lapwentman, e osi mon oule felisit *Leader* Lopozisyon Onorab Pillay.

An akor avek Lartik 84(a) Konstitisyon, mon oule propoz Onorab Bernard Georges koman *Leader Government Business* dan 7enm Lasanble. Mersi.

**MR SPEAKER**

*Thank you Onorab. Who seconds the proposal? Onorab Regina Esparon.*

**HON REGINA ESPARON**

Mersi Mr Speaker. Mon ti a kontan segonn nominasyon Onorab Bernard Georges pou pozisyon *Leader* zafer Gouvènmman. Mersi.

**MR SPEAKER**

Mersi. *Any other proposal? Ok, I declare Onorab Bernard Georges is elected Leader of Government Business.* Felisitasyon.

**(APPLAUSE)**

**MR SPEAKER**

Madanm Clerk, *next order* nou pou *proceed* avek *the swearing in of Ms Alexandria Faure as the new Deputy Clerk.* And I'm

*calling on her to take the Oath of Allegiance. Madanm Deputy.*

**MS ALEXANDRIA FAURE**

*I, Alexandria Faure do swear that I will be faithful and bear true Allegiance to the Constitution of Seychelles, and that I will preserve, protect and defend the Constitution of Seychelles, in the Office of the Deputy Clerk. So help me God.*

**(APPLAUSE)**

**MR SPEAKER**

Mersi e felisitasyon a tou bann ki'n ganny elekte. Madanm Clerk nou a *proceed*. Mon pou prezan pas lo Mosyon pou apre midi, e pour sa mon apel *Leader of Government Business* Onorab Bernard Georges pou prezant Mosyon.

**HON BERNARD GEORGES**

Mersi Mr Speaker. Bonn apre midi Mr Speaker, bonn apre midi Mr Deputy Speaker, *Leader* Lopoziyon, tou bann Manm Lasanble Nasyonal, e tou bann dimoun ki pe ekout nou.

Mr Speaker avan ki mon prezant premye Mosyon, permet mwan dir detrwa mo pou *welcome* ou e felisit ou lo ou eleksyon, pou felisit Deputy Speaker lo son eleksyon, pou felisit *Leader* Lopoziyon

Onorab Sebastien Pillay, en koleg long dat dan sa Lasanble koman *Leader* Lopoziyon.

E pour swet zot tou en tre bon *tenure* dan zot Lofis respektif. E mon ti a kontan osi *welcome* tou bann nouvo Manm dan sa Lasanble, e re *welcome* bann Manm ki'n retournen, e bann figir ki nou konnen e ki nou'n travay avek depi detrwa lannen.

Mon mazine ki Onorab *Leader* Lopoziyon e mwan menm, nou ti ava kontan dir detrwa mo. Me parey ou'n fer mon krwar nou ava les sa pou en lot moman, etandonnen ki nou *agenda* apre midi, i tre sarze koman ou'n fer nou rapel.

Mr Speaker lo nou *Order Paper* nou annan nou 13 Mosyon apre midi. Tou sa bann Mosyon i relye avek la probasyon ki Lasanble i bezwen donner anba Konstitisyon, pour lapwentman propoze par Prezidan Larepublik, pour son bann Minis ki pour dan son *Cabinet*.

Tou bann Mosyon i egzaktaman parey, sof non sa Minis ki pe ganny propoze. Alor avek ou permisyon mon a komans avek premye Mosyon lo nou *Order Paper*.

*In accordance with Article 63(1) and 69(2) of the Constitution, the Motion is that*

*this Assembly approves the proposed appointment by the President of the Republic of Mr Naadir Nigel Hamid Hassan to the office of Minister. Mr Speaker I beg to move.*

**MR SPEAKER**

*Thank you. Will a Member second the Motion? Onorab Arissol.*

**HON SANDY ARISSOL**

Mersi Mr Speaker, mon profite pou mon segonn Mosyon anmennen par Onorab Georges. Mersi.

**MR SPEAKER**

*Thank you. Wi Onorab Pillay?*

**HON SEBASTIEN PILLAY**

Mersi Mr Speaker. Mr Speaker lo en pwen prosedir, mon krwar ki i annan en keksoz ki manke ozordi apre midi. Nou'n vwar i annan en seri Mosyon ki lofis Clerk in enform nou, kot pe propoz apwentman pa mwens ki 13 Minis e sa bann seri Mosyon pe pas ozordi. E malerezman Mr Speaker lo mon kote latab, nou pa ankor resevwar okenn CV pou okenn sa bann Minis.

Mon oule rapel Mr Speaker ki i annan en prensip, e en standar ki Lasanble in etabli, dan lafason ki nou pran

bann lapwentman devan Lasanble. E sa standar i konsern lefe ki sak dimoun ki ganny reprezante devan Lasanble, i bezwen vin prezant avek son CV, e apre i pas atraver en prosedir;- en *interview* avek Lasanble, kot apre i a ganny son laprouvasyon.

I malerezman Mr Speaker nou pa ankor ganny sa bann CVs. Mon oule zis *remind* Mr Speaker ki i enportan ki pandan sa konzontir ki nou ladan, ki bann lenstitisyon i gard bann standar ki nou'n etabli.

Yer menm lo televizyon nou'n vwar ki 2 bwat vote in ganny kite dan Stasyon Vote Beau Vallon, e nou pa ankor vwar *Electoral Commission* vin devan, pou li kapab eksplike akoz 2 bwat vote in ganny kite dan Stasyon Vote, Beau Vallon.

E mon konnen Mr Speaker mon bann koleg lo lot kote latab, mon tann zot pe mirmir en pti git, si ti zot ki ti dan pozisyon ki ti'n perdi eleksyon dan sa distrik, zot ti pou premye pou al *raise* okenn *issues* avek sa.

So mon krwar i enportan, ki si nou'n en tabli en standar nou *maintain* sa standar. Nou napa naryen kont Mr Hassan.

Me selman nou ti ava'n kontan ganny son CV pou nou *scrutinize* son CV. E mon konnen ki lot kote latab zot konpran tre byen, akoz bokou zot ti la ler nou ti pran bann *nominee* ki Mr Faure ti prezant devan nou, e nou ti *scrutinize* zot lapwentman e nou ti fer li koumsa.

Alors mon krwar ti ava byen ki Lasanble in etabli en prensip travay. Pa akoz ozordi nou dan en mazorite, ki nou pou sanz sa prensip travay ki'n etabli. Mersi Mr Speaker.

### **MR SPEAKER**

Mersi Onorab Pillay. Mon rekonnèt ou lentervansyon. Mon ti a dir annou kit bann size ki pa konsern sa *issue* ki devan nou, an deor nou diskisyon.

Pou le moman Madanm Clerk mon ti konpran bann CV ti pou ganny distribye avek bann Manm apre midi. Eski sa in ganny fer?

### **MADAM CLERK**

Mr Speaker an se moman as letan nou pe resevwar bann CV, nou pe *print*. An se moman nou annan en bann detrwa *batch* bann CVs ki'n antre ki mon Lofis pe fer le nesese pou zot, pou nou kapab *print*.

Me si i *ok* avek Lasanble, nou kapab kontinyen e as bann

CVs pe antre la, letan pe fini *print* nou kapab distribye touzour avek bann Manm.

### **MR SPEAKER**

Onorab Pillay mon sizere ki nou kontinyen avek sa prosedir, e ki Madanm Deputy Clerk i a asire ki zot ganny sa CV antretan ki nou pe kontinyen avek sa prosedir. Yes, Onorab.

### **HON SEBASTIEN PILLAY**

Mersi Mr Speaker. Mr Speaker mon krwar mon koz pa zis pou mon kote latab, mon koz pou tou Manm dan sa Lasanble, ki'n form par 6enm Lasanble.

Ki nou pou *entame* en seri diskisyon avek en profesyonnel, ki nou pa ankor war son bann kalifikasyon. Ki nou konnen i kalifye, me nou bezwen vwar son bann kalifikasyon.

Zis parey tou bann *nominee* ki ti vin devan Lasanble, pandan 6enm Lasanble pou vin ganny apwente koman Minis.

Mon krwar i nesese e mon krwar i enportan ki nou annan sa dokiman. Mon ti ava sizere Mr Speaker ki, mon konnen letan ou pe koz lo letan pa dan nou faver. Me sa i pa en keksoz ki nou bezwen tay avek. I en keksoz ki nou bezwen pran li byen, akoz nou pe fer sa lo lapar Lepep Seselwa. I en

keksoz, si mon servi en parol ki Onorab Deputy Speaker Onorab Henrie ti servi, i en keksoz akoz zot pou al ganny en O pozisyon dan Gouvernman.

Zot pou al reprezant lenter Lepep dan Gouvernman dan Egzekitiv. Nou pe donn zot en pozisyon tre enportan, i enportan ki nou annan sa lenformasyon, avan nou pran baz kestyonn sa bann dimoun.

E mon krwar ou a konpran ki sa i travay ki Lasanble. E ou menm ou Mr Speaker atraver bann *PPB*, ou ti mansyonnen ki malgre ki si ou *end up* avek en Lasanble ki mazorite *LDS*, nou pou *still* anmenn sa *scrutiny* lo Gouvernman.

Alors mon pe demann *LDS* pou *walk the talk*. Annou anmenn sa *scrutiny* parey nou devret anmenn li, e annou ganny sa bann *CVs*, annou ganny sa bann dokiman pou nou kapab vremen fer nou travay, e fer loner kalifikasyon sa bann dimoun. Mersi Mr Speaker.

### **MR SPEAKER**

Mersi. Onorab Pillay mon sezi ... Mon a pas laparol avek Onorab Georges.

### **HON BERNARD GEORGES**

Mersi Mr Speaker. Mr Speaker mon ti a kontan entervenir a sa moman, pou dir avek Onorab Pillay ki nou konpran tre byen son pozisyon. E i annan parfetman rezon, ki si rol ti ranverse, set egzakteman sa ki nou osi nou ti pou dir, pou bann rezon ki in evoke. Akoz set en prensip ki nou'n etabli.

Mon ti ava kontan fer en propozisyon, ki kapab kekfwa *sort out* sa problem. Nou ti swete ki nou tou nou ti ava'n ganny *CV*, e la se konmela la ki nou pe gannyen.

Alor eski mon kapab sizer en keksoz, avan ki sa premye Minis potansyel i vin devan nou, ki nou fer en *short technical adjournment*, pou dizon 10 minit, ki ava donn tou dimoun letan pou regard sa *CV at least* pou li.

E apre nou ava kapab *catch up* avek lezot anmezir ki nou pe ale. Dan en fason ki ler Mr Hasaan i vin isi, *at least* nou tou nou'n kapab konn en pti pe lo li dapre sa *CV* ki fek ariv la devan nou pou le moman.

So mon pe propoze en *technical adjournment* 5 a 10 minit. Nou tou nou lir vit e nou kapab vwar egzakteman sa ki i pou vin dir.

### **MR SPEAKER**

Tre byen Onorab, mon krwar sa i tre rezonnab, e mon asire ki an mezir nou ale nou pou ganny lezot CV. E pa bliye poudir ou kestyon osi pou bann Minis, pou ed ou eksplor son CV ek son kalifikasyon.

So sa prosedir pa zis lo papye, i osi avek lir verbalman. Donk mon ava aksepte sa propozisyon Onorab Georges e nou ava *adjourn* pou 10 minit, nou a tournen egzakteman 3er. Mersi.

*(Technical adjournment)*

### **MR SPEAKER**

Bon nou ava kontinyen. Zot in ganny bann CV? E nou ava kapab prosede?

### **HON SEBASTIEN PILLAY**

Mr Speaker mon le zis fer ou konpran poudir nou pe ganny en kantite dokiman alafwa, ki nou pou get li pou premye fwa ozordi. Mon pe sey fer ou konpran, sa ki mannyer i ete mon pe sey fer mon bann koleg konpran, ki tou sa bann dokiman pe vin alafwa, nou pe get li ozordi.

Eski nou pe fer en *scrutiny* ki alaoter sa menm fonksyon ki ou'n dir, nou sipoze pe fer pou

reprezant Lepep Seselwa? Sa ki mon pe fer konpran.

### **MR SPEAKER**

Wi. Onorab Pillay parey mon'n dir, mon krwar loportinite pou egzamin sa CV i ava vini anmezir nou enterakte avek sa dimoun, ki ganny nominen pou Minis. I, wi letan i en pe prese, me selman mon krwar i posib pou fer sa. *Ok?* Onorab Georges.

### **HON BERNARD GEORGES**

Mr Speaker mon ti anvi zis fer sorti en pwen. Mon pa oule *expend* sa *polemic*, oubyen menm antre dan en *polemic*. Me CVlontan nou ti gannyen, ler sa Minis potansyel pa ti vin devan nou. E nou ti bezwen travay lo son CV pou laprobasyon.

Ler sa dimoun i vin devan nou, sa i en sa en pratik ki nou'n adopte, akoz en CV li menm pa dir nou tou keksoz. Alor nou kapab fouy en pe plis ler sa dimoun i la. *Obviously* i bon ki nou annan CVe dimoun.

Me ler nou annan sa kandida la devan nou, efektifman en CV i zis donn en pe *background* lo sa kandida *and* nou kapab *scrutinize* sa kandida la ler i devan nou. Mon ti anvi zis dir sa pou nou konpran ki CV i bon. Me sa kandida prezan i meyer. Mersi.

**MR SPEAKER**

Mersi. Wi Onorab Pillay.

**HON SEBASTIEN PILLAY**

Mersi Mr Speaker. Mr Speaker mon pa vwar li koman en *polemic*. Seselwa in vot pou nou Lasanble dan son konpozisyon, akoz nou Lasanble ti dir ek li, ki en travay ki i pou fer i pou baze lo en meritokrasi. Lo en travay *scrutiny* ki pa regard apartenans, ki pa regard lezot keksoz.

Mon pe zis fer konpran poudir dan tou ka kot en dimoun i prezant son lekor pou en travay, sirtou koman en Minis, sirtou koman en Minis dan Gouvernman, eski nou pa krwar i neserer pou nou konn sa dimoun son kalifikasyon ki vini avan? Akoz se sa pratik ki nou ti adopte dan 6em Lasanble.

Pratik sete ki nou ti resevwar sa CV sa dimoun ti vini. *By the time* sa dimoun ti vini, nou ti'n ganny sans demann li kestyon lo bann keksoz ki'n ekri lo son CV.

E i annan Manm ki la anndan i rapel sa tre byen, zot pa kapab dir mwan i pa ti koumsa! Se pour sa rezon ki mon pe fer sa. Mon pa le *drag* sa *polemic*.

So, zis mon le fer sir ki Lepep Seselwa i apresye ki nou bezwen fer en travay ki serye, otour bann dimoun ki pou form par *Cabinet*, ki pou form par Egzekitiv. E ki pou bezwen demen anmenn sa Egzekitiv devan pou delivre pou Lepep Seselwa. Mersi Mr Speaker.

**MR SPEAKER**

Mersi Onorab Pillay. Mon krwar wi i byen pou annan bokou letan, pou repas lo en CV atan. Me selman mon krwar mannyer nou pe fer li, i permet ou ganny *background* sa dimoun. Enn, atraver CV ki ou pe kapab pas lo la. E de, pou elabor okenn pwen avek li an person. So si ou permet mwan nou ava prosede.

Eskiz mwan mon krwar i lareg pou Lasanble antre dan *Committee Stage* pou sa staz ki vini, eski sa i korek? *Ok*. Donk mersi bokou. Nou ava antre dan *Committee Stage*. Byen mon pou demann Mr Hassan ki la avek nou, pou ou fer en bref lentrodiksyon, 2 minit pou prezant son lekor. Apre nou ava pas lo *stage* kestyon. Mr Hassan mon ava envit ou pou komanse.

**MR NAADIR HASSAN**

Mersi Mr Speaker. Bonn apre midi Mr Speaker bann Manm

Onorab e tou manm piblik ki pe regarde.

So, mon apel Naadir Hassan, mon annan 38an. Mon en zanfan Anse Royale. Mon'n ne e grandi e mon ankor reste Anse Royale. E mon kalifikasyon i dan finans e lekonomi. Mon annan en *Degree dan International Business Finance and Economics*.

E mon annan en *Masters dan Banking and Finance*. E mon karyer mon ti komans kot Minister Finans an 2005. Kot mon ti ariv pozisyon *Senior Policy Analyst* e apre mon ti *move* Labank Santral. E Labank Santral mon'n ariv pozisyon *Head of Financial Surveillance* e mon'n *lead* plizyer bann linisyativ.

Mon'n travay dan reform ekonomik 2008. Mon'n travay ek *IMF*;- bann proze pou pei avek *IMF, World Bank, the FATF*. Mon'n osi tenir serten pozisyon rezyonal tel ki *Vis-Chairman SADC Subcommittee for Banking Supervision* e osi *Chairman*.

E sa i, mon'n tenir sa pozisyon ziska an milye 2020. E apre sa 4 mwan pase mon ti *move Cable and Wireless* koman *Chief Digital and Risk Officer*. E i pozisyon ki mon ti pe tenir pou lemoman. Mersi.

### **MR SPEAKER**

Mersi Mr Hassan. Nou pou prezan ouver lasal pour keston. Mon ti ava kontan rekonnèt premye Onorab Woodcock. E mon ti ava demann zot ler zot met zot lanmen anler silvouple, tenir li ziska ler mon kapab donn zot en pti sinyal, an ka ki mon manke.

E la mon rekonnèt Onorab Woodcock, Onorab Vidot e apre Onorab Mondon.

Mon'n perdi en pe lord ki'n soz la alor mon pou pran sa ki annan ki mannyer i ti ete aköz mon pa'n war keler egzaktaman zot lev lanmen. Premye Onorab Aglae, Onorab eskiz mwan. Mon retras premye laba ti Onorab Ghislain *sorry*.

E isi prezan Onorab Vidot so mon a refer sa. Permet mwan. *Ok*, so mon annan Mondon, Aglae, Onorab Aglae, Onorab Vidot e lo sa kote Onorab Cosgrow. *Thank you, ok* mon ava konmans avek sa.

Yes, Onorab Woodcock?

### **HON WAVEL WOODCOCK**

Mersi Mr Speaker. Bonn apre midi. Bonn apre midi tou koleg Onorab e tou dimoun a lekout. Byenveni Mr Hassan, en dimoun ki mon konn tre byen. Annefe nou'n zanmi pou bokou

lannen e nou'n lekol menm letan Politeknik. Mon konn ou konpetans.

Mon kestyon i en pti pe lo laliny ler mon pe get ou CV mon'n war ki ou spesyalizasyon i dan domenn ekonomik, *banking*, finans.

Alor mon kestyon i anvi lenpak *COVID-19* lo nou lekonomi, ki bann nide, bann propozisyon ki ou pou anmennen pou ede tir Sesel dan sa kriz ekonomik ki *COVID-19* in met nou ladan? Mersi bokou.

### **MR NAADIR HASSAN**

Mr Speaker, mersi pou sa kestyon Onorab Woodcock. Mon krwar priyorite ler i konsern kriz ekonomik koze par *COVID-19* se ki, ki mannyer nou *survive* dan sa moman, *ok?*

E ki nou bezwen fer, se ki nou bezwen kontinyen ed lekonomi Sesel dan sa moman kriz. E sa i annan pou fer ek bann biznes, ki pa pe fer tro byen. E nou bezwen fer sir ki sa bann biznes i *survive*.

Akoz i pou annan en letan apre *COVID*. E si biznes pa *survive*, nou *relaunch* nou lekonomi pou pli difisil. So dan mon louvraz ki mon ti fer avan Labank Santral, nou ti etabli bann *mechanism* pou nou soutyen bann biznes dan sa

moman difisil ki zot kapab *survive*. *Ok?*

E sa i bann mezir ki nou bezwen kontinyen fer pou siport bann biznes, e ki zot kapab annan lanplwa dan pei, *ok?* Akoz si nou pa fer sa i annan en problem *unemployment*, sa i pou fer keksoz en pe pli pir.

Me osi lo kote sipor bann dimoun ki'n ganny afekte sa osi nou bezwen regarde kontinyen siport sa bann dimoun.

Me osi i bezwen ganny fer dan en fason ki soutenab pou finans pei. Mon krwar sa i vremen enportan.

Akoz i annan serten kontrent finansyer ki pei i annan. E tou bann mezir ki devret ganny pran i devret ganny pran dan konsiderasyon bann kontrent finansyer. Akoz nou pa le en problem det osi dan fitir, ki nou met lo nou fitir zenerasyon. Mersi.

### **MR SPEAKER**

Mersi. Mr Hassan mon *next* entervenans Onorab Mondon.

### **HON TERENCE MONDON**

Mersi Mr Speaker. Mr Speaker avan mon pou poz mon kestyon, mon rekonnèt dan CV Mr Hassan i annan en forte dan finans, i tre konpetan dan sa domenn.

Alor mon kestyon i vize ver zesyon resours finansyel nou pei, sirtou a sa moman kot nou ete ozordi, si i kapab dir nou, kwa ki li i pe mazin deza i ava kapab fer pou kapab anmenn en pli bon zesyon nou resours finansyel. E an menm tan, ki bann prensip e valer ki pou gid li dan sa latas ki devan li? Mersi Mr Speaker.

### **MR NAADIR HASSAN**

Mersi Mr Speaker. Mersi Onorab pou ou kestyon. Mon krwar i enportan ki parey nou konnen poudir ki an vi sa kriz se larzan ki antre dan kof Gouvernman, i kantite mwens ki i ti ete avan.

E i bezwen en priyorite ki sa larzan i ganny servi dan en fason pli efikas, e ki par egzant bann diferan Minister i bezwen koup *wastage*, travay dan en fason pli efikas e ki nou pa andet pei an plis ki i devret. Sa mon krwar i en keksoz ki primordyal, pou le moman.

E nou bezwen osi regard det pei, sa osi i en keksoz ki enportan. E nou konnen poudir nou annan en *existing debt schedule*. E i osi annan det ki pe akimile, akoz pei pe *run* en Bidze *deficit*. E nou bezwen regarde avek nou bann krediter, ki kalite bann negosyasyon ki nou kapab fer

ki tir en pe presyon lo pei, *in terms of repeyman* det, ki sa i ava *allow* nou pou ed bann biznes e nou pep. Mersi.

### **MR SPEAKER**

Mersi Mr Hassan. Mon rekonnèt Onorab Ghislain.

### **HON CHANTAL GHISLAIN**

Mersi Mr Speaker. Mr Speaker pou konmanse, mon ti ava oule remersye ou pou ganny elekte koman Speaker.

Mon ti ava osi oule remersye Onorab Henrie koman Deputy Speaker. Byensir remersye osi nou *Leader of felisit nou )Leader of Government), Leader of Opposition* dan Lasanble Mr Pillay. E osi Mr Bernard Georges koman *LGB*.

Pou komanse Mr Hassan, Mr Speaker atraver ou kestyon pou Mr Hassan mon ti anvi demann li, eski ler i ti ganny aproz pou li vin Minis, eski i ti ganny aproz dan son kapasite *as en technocrate* ouswa *as en politisyen*?

*And* si wi, eski i realize poudir letan *as long* koman i *swearing in* pou vin en Minis, i fini antre dan sa soulye koman en politisyen e non pa en *technocrate*?

Aprè letan mon dezyenm kestyon Mr Speaker i konsern

lefet ki letan mon pe regard son CV. I annan sa forte *dan* Minister Finans, ki nou pou prezimen ki i pou bezwen definitivman al Minis Finans, eski Mr Hassan ou annan lide antet premyerman la, ki manner nou kapab fer desann pri lavi? *And* mon vwar osi ki ou'n travay *Cable and Wireless* menm si pou en pti peryod letan.

E laba osi mon ti vwar ou bann kalifikasyon ki ou'n travay ladan, eski ou ti letan ou ti laba *Cable and Wireless*, ou ti annan en nide, par egzamp ouswa ou ti annan en fason pou ou dir, be ki fason pou kapab fer desann pri telekominikasyon dan Sesel, ouswa enfliyans desizyon ki ou lakonpanyen ki ou ti pe travay ladan i ete? E si ou ti annan sa, akoz ou pa'n fer li? Mersi Mr Speaker.

### **MR SPEAKER**

Mersi Onorab. Mr Hassan.

### **MR NAADIR HASSAN**

Mersi Mr Speaker, mersi Onorab pou ou kestyon. Lo ou premye kestyon. Non mon pa'n zanmen *involve* dan politik. Mon pa krwar okenn zot in deza vwar mwan dan politik. Mon'n en teknisyen. So mon mazine mon'n bezwen ganny aprobe

koman en teknisyen. *Ok?* E dan mon louvraz ki mon pou fer, se baze lo bann teknikalite. Sa i en pwen for pou mwan.

Lo dezyenm kestyon, Prezidan ki deside ki portfolyo e pou lemoman mon pa kapab komant lo la.

Me solman pou reponn ou kestyon lo kou lavi. Mon krwar i annan en kantite keksoz ki kapab ganny regarde lo kote kou lavi, e i nou bezwen get bann faktor ki afekte kou lavi.

I annan bann faktor parey to lesanz, kwa ki afekte to lesanz, *ok?* I annan bann faktor *in terms of tax*. I annan lezot faktor konpetisyon dan marse.

I annan en kantite diskisyon in ganny fer lo rol *STC*. So tousala i bann e lo menm bann *utilities* parey ou'n nonmen bann telekominikasyon e elektrik, delo, mon krwar tousala i bann eleman ki bezwen ganny regarde.

Assess ki manner nou kapab redwir kou lavi. Me parey nou konnen, pou le moman nou dan kriz *COVID*, kot to lesanz in depresye. E li i pli gran lenpak lo pri lavi. So i annan i bezwen annan en zefor pou stabiliz to lesanz. Mersi.

### **MR SPEAKER**

Mersi Mr Hassan. Onorab Aglae.

**HON EGBERT AGLAE**

Mersi Mr Speaker. Bonn apre midi Mr Hassan e osi mon ti ava kontan felisit le de *Leaders* pou zot eleksyon dan zot pos e osi Depite Speaker. Mr Hassan mon kestyon premyerman, an vi ki ou en *technocrate*, mon ti a kontan demann ou, si dan ou travay, dan ou pos ki dan sa portfolyo ki ou pou ganny met ladan ki tandans, i montre mwan ki i pe riske vize ver finans.

Eski ou pare la ki nou dan en sityasyon *COVID* e ekonomik, ou pou travay dan tout lentegrite e enparsyalite? Menm si politisyen ki lo latet, in vin met serten presyon ki ou santi i pa pou dan benefis sa pep? Sa i enn.

Dezyenmman anvi ki ou bann rol oparavan, ler mon pe gete dan ou *CV* ou, sirtou avek *Cable and Wireless*, kot ou forte i dan stratezi fiskal e Polisi fiskal, eski ou pe mazine la, ki pou annan bann nouvo Polisi ki ou pou vin avek, pou sey zer finans pei, e menm atrakte bann lezot lenvestisman dan finansyel, ki kapab retir nou dan sa sityasyon ki nou ladan? Mersi.

**MR SPEAKER**

Mersi Onorab. Mr Hassan.

**MR NAADIR HASSAN**

Mersi Mr Speaker. Mersi Onorab pou ou kestyon. Lo ou premye kestyon lo enparsyalite, mon krwar si nou analiz kekfw eleksyon, i annan en mesaz kler ki pep Seselwa in anvoye, se ki fodre napa diskriminasyon dan okenn lazans Gouvernman. So sa i en mesaz ki mwan mon'n tann byen kler e i pou en keksoz ki pou for pou mwan.

Lo ou dezyenm kestyon mon pa kapab *comment* lo la, akoz pou le moman mon pa ankor ganny *assign* okenn portfolyo. So, i pa pou apropiye pou mwan *comment* lo sa topik. Mersi.

**MR SPEAKER**

Mersi Mr Hassan Onorab Cosgrow.

**HON WALLACE COSGROW**

Mersi Mr Speaker bonn apre midi tou Onorab. Bonn apre midi Mr Hassan. Mr Hassan parey bann lezot Manm Onorab in dir ler nou pe get ou *CV*, nou war ki ou lekspertiz i dan domenn finans, dan domenn lekonomi.

E mon prezimen me solman parey ou'n dir ou pa ankor ganny apwente e ou pa

konnen kot ou pou ale. Me tandans i montre ki posibilite ou riske al dan bann Sekter Finansyel.

Alors Mr Hassan ler ou pe get nou sityasyon ekonomik ozordi, kot to lesanz in monte, difikilte parmi bann labank petet pou donn, pou pret larzan bann diferan realite ekonomik ki nou pe vwar ozordi an relasyon avek *COVID-19*.

Mon kontan Onorab Woodcock in nonm *COVID-19*, in eksplike ki *COVID-19* in annan en lenpak lo lekonomi ozordi. Si i arive ki ou vin Minis dan Sekter Finans, ki ou krwar i nesese pou nou fer, pou nou asir sa Sekter Finansyel, asir son soustenabilite pou bann prosenn mwan e lannen ki pe vini?

E osi Mr Speaker mon ti ava kontan demann Mr Hassan, n vi en larepons ki i ti'n donner taler. Kot in dir ki i krwar poudir i bezwen annan en rediksyon serten kontrol dan depans Gouvernman.

Eski Mr Hassan dan ou pwennvi personnel, an vi ki i annan en Bidze, en Bidze ki bezwen vin prezant dan Lasanble Nasyonal, eski ou krwar ki sa Bidze i bezwen ganny redwir?

E eski ou krwar dan sa rediksyon nou bezwen koup

bann proze par egzanp proze kapital? E menm mon pou al zistans dir, eski ou krwar nou bezwen revwar osi saler Gouvernman? Mr Speaker. Mersi Mr Speaker. Mersi Mr Hassan.

### **MR SPEAKER**

Mersi Onorab. Mr Hassan.

### **MR NAADIR HASSAN**

Mersi Mr Speaker. Mersi Onorab. Lo parey mon'n dir oparavan, mon pa kapab *comment*, akoz mon pa ankor *assign* en portfolyo. Me mon reponn sa kekyon an zeneral, lo mon leksperyans. Mon krwar i enportan e mon *background* se regilasyon labank, *ok?*

So, mon krwar stabilite finansyer i en eleman enportan. Akoz si napa stabilite finansyer, napa stabilite ekonomik, *ok?* E parey la nou konnen poudir ki problem *COVID*, i kapab annan biznes, dimoun ki pa kapab - i ganny difikilte pou pey son *loan*.

E si zot pa kapab pey zot *loan* i afekte labank. *Ok?* Akoz labank si dimoun pa kapab pey *loan*-. So mon krwar i annan bann mezir ki mwan menm, ler mon ti Labank Santral, ki'n ganny pran ki pe regard sityasyon vreman *closely* e pran bann mezir.

Parey ou *aware* i annan bann *moratorium* ki ganny fer, ki'n ganny fer pou dimoun ed biznes ek piblik ki annan *loan*. E osi i annan bann regilasyon ki Labank Santral in met an plas ki la pou soutyen labank.

I annan bann *credit facility* i annan bann mezir *prudential* osi ki'n ganny pran, parey zot pa kapab pey *dividends* bann keksoz koumsa, ki ranforsi kapital labank.

So sa i bann mezir ki mwan mon konnen ki Labank Santral pe pran bokou, pou tenir sistenm finansyer. Lo kote Bidze ki mon'n dir pli boner se ki, nou bezwen annan en Bidze ki soutenab *ok?* So, mon pa kapab komant plis ki sa, me en Bidze ki soutenab pou pei. Mersi.

### **MR SPEAKER**

Mersi Mr Hassan. Onorab Pillay.

### **HON SEBASTIEN PILLAY**

Mersi Mr Speaker. Bonn apre midi Mr Hassan, byenveni dan Lasanble Nasyonal. Mon oule tou dabor felisit ou lo propozisyon, pou ou vin devan sa Lasanble, pou ou vin Minis. Ki ler mon regard ou *CV* mon war ou en zenn vremen talante, e donn bokou lespwar pou lezot zenn dan nou pei. Ki zot kapab

aspire pou pran bann pli o lofis. Mon kestyon pou ou i baze lo lefe ki ou'n travay dan en domenn ki relye ek labank.

E petet i en kestyon ki ou kapab reponn. Kwa ki si ou ganny apwente, si ou ganny mete dan sa portfolyo Finans, ki ou pou kapab sanze vizavi lafason ki bann labank, en keksoz ki bokou Seselwa in kritik Gouvernman avan pa'n kapab fer, pou fer zot sanz en pe zot bann lapros, zot Polisi? Par egzanp *spread* ki annan lo lentere avek, *spread* ki annan *loan*.

Lentere lo *loan* i vremen o me lentere lo *savings* dimoun, i reste vremen ba. E Seselwa in vwar poudir petet Gouvernman avan, pa'n kapab adres sa problemn so, kwa ki ou pou vin fer ki ou kapab fer diferaman pou fer ki bann labank, bann lenstitisyon finansyel, komersyal, i a kapab *respond* tou sa problemn ki tou Seselwa i fer fas avek? Mersi Mr Speaker.

### **MR SPEAKER**

Mersi Onorab. Mr Hassan.

### **MR NAADIR HASSAN**

Mr Speaker mersi. Onorab mersi pou sa kestyon. Sa *issue* of lentere labank i en *issue* ki ase *complex*, lo mon analiz ki

mon'n fer. Me selman ler ou regarde, se dan nenport ki sekter, en keksoz ki kle dan determinasyon pri so, nou dan en marse lib kot personn pa kapab met fikse pri, se konpetisyon. So nou bezwen met bann mezir an plas ki ankouraz plis konpetisyon ant labank, *ok?* E i annan bann difikilte striktirel, ki ler nou koz konpetisyon, savedir se ki en kliyan i kapab sorti en labank al dan en lot labank. Si i ganny pli bon kondisyon.

Me ozordi i annan serten bann *issues structural*, ki anpes sa arive. I *basically* i tro *costly* pou *move* ou kont labank. Savedir kantmenm en lot labank pe donn ou en meyer to lentere, ou pa kapab bouze ou aköz i annan bann keksoz ki *tie* ou *down*.

So i sa bann keksoz striktirel, ki bezwen ganny adrese. *For example*, ou annan ou en *mortgage protection* ki difisil pou transfer. Ou annan ou bann *charge* ki ou pou bezwen sanze, e anvoy lo en lot. I annan en kou tou sa bann keksoz.

E tou sa bann mezir ki ou bezwen gete, pou tir sa kou pou bouz labank e sa i ava *stimulate* konpetisyon bann labank e *hopefully* pri i ava desann. Mersi.

### **MR SPEAKER**

Mersi. Ou annan en Kestyon Siplemanter mon sipoze. Mon ava permet enn.

### **HON SEBASTIEN PILLAY**

Mersi pou ou lendilzans Mr Speaker, mon vremen apresye. Mr Hassan in dir nou i en landrwa tre konpleks e bokou Seselwa i konplent sa.

Me eski ou kapab dir nou, par egzanp in annan en pratik zis avan eleksyon, kot serten labank dan sa moman difisil ki dimoun i ladan aköz zot pa pe travay, zot annan *loan* i pran en *instalment*, me ler sa dimoun i ganny larzan i pran tou lede *instalment* ansanm!

E ou war en dimoun dan sa letan difisil ki menm i pe ganny led atraver Minister Finans, i pe napa larzan pou li al kot li avek.

So ki mannyer ou koman en dimoun ki koneser ki annan en *knowledge* dan sa sekter, ou krwar ki en Minister Finans oubyen atraver Labank Santral, i kapab adres en sityasyon koumsa, kot si oule, i vin en sityasyon konpleks kot menm labank i dir ek sa dimoun mon pa kapab rann ou larzan.

E zis an pasan Mr Hassan, mon demann ou ou'n lekol dan

lekol Gouvernman oubyen ou'n lekol dan lekol prive?

**MR NAADIR HASSAN**

Mon ti komans lekol Anse Royale. Mon'n ziska segonder 1 Anse Royale. E apre mon ti al Lekol Endependan *from S1 to S5* e apre mon'n al politeknik. Lo ou dezyenm lo ou kestyon ki nou ti pe diskite lo la. Mon krwar en keksoz kle ki pou adres sa *issue*, i annan en Lalwa ki mon mazine ti'n komans diskite ek bann Manm Onorab Genm Lasanble, se i annan en *Consumer Protection Act* spesifikman pou *financial services* ki Labank Santral pe travay lo la.

Mon krwar ler sa Lalwa i vin an efe, i pou *provide* en kantite plis proteksyon pou bann konsonmater. So-

**MR SPEAKER**

Mersi. Onorab Gill.

**HON CHURCHILL GILL**

Mersi Mr Speaker. Bonn apre midi Mr Hassan. Ou'n fer nou tre kler ki lentere, i en size ki ase difisil. Me selman an menm tan osi ou'n dir nou poudir, bann biznes ki dan difikilte ozordi, nou bezwen rod fason pou soutenir zot. E lentere li i enn, en fakter ki i pe fer zot bokou ditor.

Akoz menm si Gouvernman ti anonse ki tou bann dimoun ki annan *loan*, zot pou ganny ziska Desanm, zot pa pou peye, me selman i annan bokou Labank Komersyal ki pa'n swiv sa. Eski ou krwar poudir dan lespri pou kit sa bann biznes a flot, eski ou krwar sa sityasyon lentere, i en keksoz ki petet nou devret adres li ase vitman, si demen ou ganny mete dan en *post finansyel*? Sa i enn.

E mon dezyenm kestyon, se parey nou tou nou konnen, nou bann *imports* pou pei i *outweigh exports*. E dan *COVID-19* nou annan *très peu area* kot nou kapab dir nou kapab anmas deviz. Eski dan ou leksperyans dan finansyel, ou santi ki Sesel si ou ganny apwente dan en *post finansyel*, eski ou santi ki Sesel i annan loportinite, pou anmenn ankor servis finansyel ki a ede *boost up inflow of foreign exchange*? Mersi.

**MR SPEAKER**

Mersi Onorab. Mr Hassan.

**MR NAADIR HASSAN**

Mersi Mr Speaker. Mersi Onorab pou ou kestyon. Lo premye kestyon lentere. Mon krwar poudir ki i annan plizyer fasilite ki, par egzanp ler mon ti

Labank Santral, ki ti met a la porte bann biznes. E sa lentera ti ba, 1.5 pousan.

E osi i annan bann *moratorium* osi ki ganny *provided*, pou ed biznes ki annan problem *cashflow*. E mon krwar osi ki Labank Santral ti redwir to lentera ki li i sarze, ki *then* donn en sinyal ki lentera i devret en serten nivo. Mon pwennvi lo la se ki, dan en lekonomi ki an *distress*, ou bezwen annan en to lentera ki *accommodate* bann biznes. *Ok?*

Lo dezyenm kestyon konsernan bann *forex inflows*. Mon krwar i annan de keksoz enportan ki nou bezwen note dan sa sityasyon, e parey Gouverner Labank Santral in mansyonnen tou le semenn lo televizyon, premye keksoz nou bezwen koup nou demann *foreign exchange*. Akoz kantite *foreign exchange* ki antre, in redwir *significantly*.

So nou bezwen redwir *consumption*, akoz nou enport mazorite keksoz ki nou *consume*. E *by reducing consumption*, nou redwir demann pou *foreign exchange*.

Lo kote *inflows*, mon *view* lo la se ki, e sa i bezwen en mezir *medium term to long term*. Se ki striktir lo nou lekonomi i baze lo *tourism* ki anmenn

mazorite *inflows*. *Ok?* Me selman nou bezwen konmans en legzersis, ki diversifye nou lekonomi ki *whilst tourism* i kapab reste sa sekter ki anmenn plis *inflows*, me i bezwen annan lezot sekter ki kontribye sa.

So i annan plizyer sekter. Lapes, nou annan Sekter Finansyer. Nou menm annan bann sekter ki kapab koman en *substitute*, ki fer nou redwir mwens, parey lagrikiltir. So i bezwen annan *emphasis* lo tousala. So mon krwar *COVID* in montre nou poudir ki, nou bezwen diversifye nou lekonomi dan *medium to long term*. Mersi.

### **MR SPEAKER**

Mersi. Mon annan en pe konsern avek letan. Mon annan 4 dimoun lo mon lalis. Mon pou pas lo sa 4 dimoun, me selman mon pa pe pran okenn non pou lezot kestyon, si ou permet. *Next* Onorab Lemiel.

### **HON SYLVANNE LEMIEL**

Mersi Mr Speaker. Bonn apre midi tou mon bann koleg Manm Onorab. Bonn apre midi Mr Hassan. Mr Speaker mon pe pran en pti pe laparol apre midi. Akoz i fer mwan plezir koman *MNA* Anse Royale pou mwan vwar enn mon zabitan Anse

Royale ki pe ganny nominen, oubyen propoze pou vin Minis dan sa nouvo *Cabinet*.

So felisitasyon Mr Hassan. E mon espere si ou ganny aprouve, ki mon krwar ou pou ganny aprouve pou vin en Minis, ou desarz byen ou responsabilite. Akoz mon konnen ki ou en dimoun ki tre serye.

So, mon kestyon Mr Speaker i al koumsa, Mr Hassan ou pa ankor konnen ou ki portfolyo ou pou gannyen. Me avek sa bagaz finansyel ki ou annan, mon pou demann ou sa kestyon koumsa, mon ti a kontan ganny ou lopinyon lo la, menm si ou pa ankor konnen ki portfolyo ou pou gannyen.

Ozordi, nou annan nou bann biznes, nou annan serten Polisi ki'n ganny mete kot i annan bann biznes, nou annan bann diferan lasistans ki Gouvernman ki'n ale, Gouvernman sortan, in met a dispozisyon bann biznes. In met a dispozisyon bokou dimoun dan lasosyete, pou ed zot en pti pe pou zot kapab rekomanse, oubyen pou zot kapab ganny en pti pe manze pou met lo lasyet.

Eski ou, dan ou pwennvi koman sa dimoun finans, demen arive, demen i arive ou vin en Minis, ou vin Minis

Finans, eski ou pe mazin vin sanz sa bann Polisi? Sa i enn.

Dezyenmman, mon pe regarde ki ou nide lo kote *peg* Dolar? Si nou pe mazin lo kote annan stabilite lo kote ekonomik? Nou pe mazin pri lavi. Ki ou panse lo sa *issue* kote *peg* Dolar? Mersi Mr Speaker.

### **MR SPEAKER**

Mersi Onorab. Mr Hassan.

### **MR NAADIR HASSAN**

Mersi Mr Speaker. Mersi Onorab. Lo premye kestyon, e mon pou reponn li dan en fason zeneral, akoz parey mon'n dir mon pa konnen ki portfolyo. Mon krwar *focus* Gouvernman, parey mon'n dir oparavan i bezwen soutenir pei dan sa letan difisil. E Gouvernman i bezwen kontinyen fer sa. Me parey ankor mon'n mansyonnen, sa i bezwen ganny fer dan en fason responsab. Ki nou pa kapab zis depanse, depanse. *Ok?*

I bezwen ganny fer dan en fason disiplin e *targeted*. *Ok?* Ou bezwen target bann ki bezwen led. Ou pa kapab zis donn nenport ki. I annan dimoun kekfwa ki pa bezwen me selman i pe gannyen. So nou bezwen target sa led ki i vin pli efikas. E sa i enportan akoz pli

Gouvernman i depanse, i annan lenpak ler Gouvernman i depanse;

Enn, ler Gouvernman i depanse i met presyon lo *exchange rate*. I fer *exchange rate* depresye. So sanmenm sa Gouvernman i bezwen *act* dan en fason disiplinen. Akoz ler i depanse i met Roupì dan sistenm. E Roupì ler i annan nou *consume*, nou bezwen enporte. *Ok? So that's why* i enportan sa disiplin.

E dezyenm, i annan *the issue of det*. Si nou pa veve nou det i riske mont tro o, e i pa vin soutenab. E demen i nou fitir zenerasyon ki annan sa *burden* det lo zot. So sanmenm sa ki nou bezwen ede, me dan en fason responsab e disiplinen.

Lo dezyenm kestyon *peg* Dolar. Mon pa konnen si zot mazin en ler Dolar, avan reform 2008 Dolar ti *at en fixed rate*. *Ok?* E ler ou annan en dolar *at a fixed rate*, i pa montre ou ki, i pa ganny enfliyanse *by demann e supply*.

E ou kapab annan 1 Dolar, R1 ki son valer i tro o. E ki i kree? I kree en *black market*. *Ok?* So, mon pa krwar nou le retourn dan en letan *black market*. E i osi *the exchange rate* i en *adjuster* lo kote ki manner nou, nou *consume*. Si nou pe *consume* tro bokou, i

pou monte. So sa i vin en *automatic adjustment* ki kontrol tou. So, mon pa pou an faver *peg* Dolar. Mersi.

### **MR SPEAKER**

Mersi Mr Hassan. Onorab Loze.

### **HON JOHAN LOZE**

Mersi Mr Speaker. Mr Hassan mon pa pou poz ou kestyon an relasyon avek okenn portfolyo. Me *rather* an relasyon avek ou *domaine de compétence* ki mon'n ganny sans *peruse quickly* lo ou CV. Mon'n note enteresaman ki premye kestyon ki ou ti ganny poze par Onorab, ti enn konsernan COVID-19. So, ou larepons ki ou ti donnen, se fer sir ki biznes i *survive*. Sa ti form parti ou larepons.

Me sa en keksoz ki deza pe ganny fer. E in ganny asire par Ladministrasyon Prezidan Faure ki biznes i ganny *survive* ziska *maintenant*. Mon kestyon ki mon anvi poz ou se, kwa ki ou, ou sizere i kapab ganny fer diferaman, pou *achieve* sa ki ou'n dir i devret arive asire ki biznes i *survive*?

Mon dezyenm kestyon ki mon anvi poz ou, ki bann Polisi, stratezi e mezir ki ou personnelman, ou santi i kapab ganny entrodwir pou stabiliz to lesanz? Ki bann Polisi monneter e fiskal *rather* ki ou,

ou santi i devret ganny entrodwir an se moman?

**MR SPEAKER**

Mersi Onorab.

**HON JOHAN LOZE**

Mon ti annan zis en dernyen kestyon. Mon pou napa okenn siplemanter. *Sorry* Mr Speaker.

**MR SPEAKER**

Fer li vit silvouple.

**HON JOHAN LOZE**

Mon ti pe donn li letan note. Mr Hassan, mon anvi demann ou. Eski ou santi ki sistenm finansyel Sesel i stab? E ki nouvo mezir ki ou santi i kapab ganny entrodwir, pou asir kontinite sa stabilite sistenm finansyel Sesel? Mon'n demann ou baze lo ou konpetans. *Thank you very much* Mr Speaker.

**MR SPEAKER**

Mersi. Mr Hassan silvouple.

**MR NAADIR HASSAN**

Mersi Mr Speaker. Mersi Onorab pou kestyon. Mon a pran ou kestyon dernyen premye. Lo sistenm finansyer. Parey mon'n dir mon krwar mon'n reponn sa kestyon avan, se ki i enportan ki i annan en *very close monitoring* lo

sityasyon bann labank. E regarde ki sa ki nou apel bann *non-performing loans* pa *increase* a en nivo ki *jeopardize financial soundness* sa labank.

E sa i annan plizyer mezir ki ganny pran. Parey ti annan sa *moratorium* ki mon'n mansyonnen. I annan bann mezir sa ki nou apel bann *provisioning* ki labank i bezwen fer. *Provisioning* i en larzan ki ou met a kote. Labank Santral i fer bann labank met akote pou bann *loan* ki kapab al, nou apel sa en *non-performing*.

E nou osi, i annan bann mezir ki ou pa les labank pey *dividend* pou sa peryod, ki zot *build* zot kapital. Ki si i annan *loses*, sa kapital i kapab abzorb bann *loses*.

Lo dezyenm kestyon, ou demande lo kote *exchange rate*. *Again*, mon krwar mon'n mansyonn bann mezir kwa ki afekte *exchange rate*. So si ou annan plis Roupie pe tay deryer mwens Dolar, ou *exchange rate* pou depresye. So i bezwen annan bann Polisi fiskal e monneter, ki siport stabilite *exchange rate*. *Ok?* So ler Polisi fiskal ou bezwen *be careful* ki napa tro bokou Roupie ki pe antre dan sistenm ki prezan i kree en demann pou *foreign exchange*. *Ok?*

Lo kote ou trwazyenm kestyon lo *survival* bann biznes. Mon krwar i annan bann plizyer sa ki nou kapab kontinyen ankouraze. E ki mannyer bann labank i kapab kontinyen siport bann biznes, ler i ariv lo zot bann repeyman *loan*. Mon rapel ler nou ti komans sa louvraz se ki, nou pa ti antisipe poudir *COVID* son dire pou sitan long. E ti annan bann mezir ki ti ganny pran pou en dele letan. Parey bann *moratorium*, bann mezir, bann *loan* pou asiste bann biznes.

Me mon krwar poudir ki *given* ki nou war poudir sityasyon *COVID* pa pe amelyore, i annan nesesite pou kontinyen sa bann mezir. Me osi bann mezir parey mon'n dir ki pli targete osi. Mersi.

**MR SPEAKER**

Mersi Mr Hassan. *Ok*. Onorab Hoareau.

**HON JOHN HOAREAU**

Mersi Mr Speaker. Bonn apre midi Mr Speaker. Bonn apre midi Mr Hassan. Mr Hassan anv i ki Fon Pansyon i pli gran Lenstitisyon Finansyel ki annan Sesel ozordi, eski si ou ganny apele koman Minis Finans, ou pou fer ki Fon Pansyon i ganny en regilater?

Par egzanp *Financial Services Authority* oubyen Labank Santral, enn nenport? Pou ki i annan ase *oversight* lo lenvestisman Fon Pansyon. An vi ki ou'n koz lo stabilite finansyel pei. E si Fon Pansyon i pa ganny ase *oversight* i kapab destabiliz finansyel pei. Mersi.

**MR SPEAKER**

Mersi Onorab. Mr Hassan.

**MR NAADIR HASSAN**

Mersi Mr Speaker. Mersi Onorab. Mon larepons sa kestyon i senp. Absoliman. Ler ou get sa ki nou apel *the systemic impact of* Fon Pansyon i vremen en lenstitisyon ki son *asset* i kantite. *So* definitivman i bezwen en regilater. E *whether* sa regilater i Labank Santral or *FSA*, sa i en keksoz ki a ganny determinen. Be selman definitivman larepons se wi. Mersi.

**MR SPEAKER**

Mersi Mr Hassan. Dernyen enterven an i Onorab Uranie. Silvouple.

**HON ROCKY URANIE**

Bonn apre midi Mr Speaker. Bonn apre midi tou Onorab. E byensir bonn apre midi Mr Hassan. Mr Hassan ler mon'n get ou *CV*, *well* tou sa ki lo la

mon war ou, ou tre kalifye. E probableman parey mon pe dir ou kapab ganny mete Minis Finans.

Mon kestyon i se ki, eski ou personnelman ou krwar dan sibvansyon Gouvernman? Si non, aköz? E si wi, aköz?

**MR SPEAKER**

Mersi. Mr Hassan.

**MR NAADIR HASSAN**

Mersi Mr Speaker. Mersi Onorab pou kestyon. Zis pou klarifye, ki ou pe *mean* par sibvansyon Gouvernman? Bann Parastatal ki ou pe *mean*?

**HON ROCKY URANIE**

Bann sibvansyon ki donn bann Parastatal.

**MR NAADIR HASSAN**

Ok mersi. Mon krwar poudir ki *the issue* of sibvansyon i bezwen regarde vremen an detay. Ou pa le sibvansyonn any *agency* ki pa pe ganny *manage properly*, ki prezan i bezwen larzan *tax payer*. So kot i annan en kler nesesite dan lentere Nasyonan pou fer sibvansyon, wi, me selman i pa en *carte blanche*, pou nenport ki sibvansyon. So i bezwen annan en *analysis* profon, pou regarde

aköz okenn lenstitisyon i bezwen en sibvansyon. Mersi.

**MR SPEAKER**

Mersi Mr Hassan. Nou pou termin sesyon kestyon la. Madanm Clerk diriz mwan, pou ozordi eski i korek ki nou *move back*, nou sorti dan Staz Komite pou nou kontinyen? Donk mon a remersye Mr Hassan pou son prezans. E mon a demann li pou fer son depar. E mersi.

***(MR NAADIR HASSAN WAS EXCUSED FROM THE HOUSE)***

**MR SPEAKER**

E nou a retourn dan Staz Lasanble. Mersi bann Onorab pou zot kestyon. Nou ava prezan antre dan staz deba, lo Mosyon *mover* Onorab Georges. Mr Georges ou pran laparol?

**HON BERNARD GEORGES**

Mersi Mr Speaker. Mr Speaker wi, mon ti a kontan dir detrwa mo an faver sa Mosyon, ki mon ti prezante pli boner. Mon krwar apre midi la nou'n viv en moman enteresan. Nou'n vwar en zenn profesyonnel *de carrière* vin devan nou, e defann son karyer, dan domenn finans e lekonomi, dan en fason tre valab.

E parey in ganny dir par *Leader* Lopozisyon pli boner, sa ki nou'n vwar apre midi, set en zenn ki'n kapab montre son konpetans. Parey nou konnen i annan bokou Seselwa tre konpetan. E ki parfwa nou pa valoriz zot mannyer nou ti a kontan.

E mwan personnelman in donn mwan gran satisfaksyon pou vwar, ki la nou vwar en zenn, en teknisyen parey in apel son lekor, pe ganny demande par Prezidan Larepublik, pou asim bann fonksyon tre enportan dan nou prosen Gouvernman.

Sa direksyon ki sa zenn dimoun in donn nou apre midi, set enn ki mon krwar i ava ankadre sa ladministrasyon ki Prezidan Ramkalawan i anvi konsantre lo la, e met an plas pou sa prosen detrwa lannen ki pe swiv.

Mon konnen ki nou tou nou krwar, e i toutafe normal pou nou krwar sa, ki sa Mr Hassan i destinen pou Minis Finans. Apre tou i pa pran en gran *detective* pou nou ariv a en tel solisyon. E i pou ranplas si i ganny apwente dan sa Minister, i pou ranplas Mr Loustau-Lalanne ki'n fer en bon lenpresyon li osi devan sa Lasanble. Me mon krwar ki Mr

Hassan i ava en tre bon sikseser a Mr Loustau-Lalanne.

I anmenn en konpetans diferan. Mr Loustau-Lalanne ti annan en gran konpetans dan tou bann Sekter Gouvernman. Mr Hassan i annan en konpetans limite dan finans. E mon krwar sa vizyon, sa *axe* lo finans, i en keksoz ki tre bon a sa moman.

Mon vwar ki in debrouy li tre byen ler in ganny demande bann size pertinan, ki in dan diskisyon resaman. Tel parey *COVID*, tel parey *STC*, tel parey lentera, tel parey *peg* Dolar eksetera. Tousala se bann keksoz ki pou bezwen aborde si e ler i ganny konfirmen, e apwente avek Prezidan.

Alors avek sa detrwa mo, mon ti a kontan demann avek nou Lasanble apre midi, pou aprouv nominasyon. Ou plito aprouv, wi lapwentman propoze Mr Hassan par Prezidan Larepublik. Mersi Mr Speaker.

### **MR SPEAKER**

Mersi Onorab. Wi *ok* mon a rekonnet trwa, Onorab Pillay, Onorab Aglae, e Onorab Loze. Mersi. Onorab Pillay ou kapab konmanse.

### **HON SEBASTIEN PILLAY**

Mersi Mr Speaker. Mr Speaker mon krwar nou tou koman

Lasanble, nou'n apresye lefe ki sa enteraksyon in permet nou eksplor konpetans Mr Hassan dan diferan konteks. In permet nou eksplor son konpetans an relasyon avek son konprenezon. Son *understanding* si ou le sa Sekter Banker. E bann keksoz ki pe pase.

In permet nou eksplor son konpetans vizavi Sekter Finansyel an zeneral. Nou tou nou pe prezimen avek en CV parey, e avek en konpetans parey, ki i pou vin en Minis Finans. Parey mon'n dir Mr Hassan in montre nou poudir, si en zenn i pran son letid o serye, e i devoue dan sa ki i pe fer, napa naryen ki i pa pou kapab *achieve*. E sa i devret form koman en legzanp pou tou dimoun.

Malgre ki nou, nou reprezant Lopozisyon, nou bezwen osi rekonnèt talan. Koman en Lopozisyon. E kontrerman avek sa ki mon ti war dan 6enm Lasanble, mwan mon pou rekonnèt sa talan. Mon pou rekonnèt sa talan aköz sa dimoun ki'n vin devan nou, in montre nou avek senserite ki i pare pou li al fer sa travay.

E pou nou pa repet lepase, mon pou dir ki mon pou siport lapwentman Mr Hassan. Aköz i en zenn Seselwa, i talante, e i

kapab travay. *At the same time* mon le zis fer en pti *anecdote* an pasan. E mon le *remind* lot kote latab avek 35 zot, zis 3 zot ki'n demann kestyon lo en Minis propoze par zot Gouvernman ozordi apre midi. 3 zot ki'n demann kestyon. E mon ti ekspekte poudir avek en Lasanble 35 zot ti pou annan plis kestyon!

### **MR SPEAKER**

Mr Pillay silvouple.

*(Interruption)*

### **HON SEBASTIEN PILLAY**

Mr Speaker mon pou *remind* ou, i pa tou keksoz ki mon dir ki pou fer bann Manm lo lot kote latab kontan. I mon travay koman *Leader* Lopozisyon, pou *remind* sa bann Manm akfer nou la dan Lasanble.

E mon pa krwar i dan lentere la demokrasi pou ou zis tenny mon *microphone* ler ou tann lot kote mirmire. Si ou war mwan mon'n kas *Standing Orders*, oubyen mon'n al an deor prosedir Lasanble, *then*, ou ava koup mon *microphone*. Mon krwar i enportan Mr Speaker, pou nou realize poudir nou pe viv dan en nouvo letap politik Sesel.

Mr Speaker i annan en lot keksoz enteresan ki nou'n vwar

ozordi apre midi, se lefe ki malgre tou sa batonnen, tou sa kritik ki nou'n lanse anver ansyen Prezidan Faure, mon krwar Mr Hassan in montre ki i annan en kantite bann *Economic Policies* ki ti *sound* ki ti la. E i enportan ki koman en pep, nou realiz travay ki en dimoun in fer pou nou. E nou remerci travay ki en dimoun in fer.

E mwan mon krwar ki *moving forward*, lapros ki nou bezwen pran, ki nou bezwen bann zenn pou pran la relev, i enportan. Me nou bezwen osi fer sir ki ler sa bann zenn pe pran sa relev zot annan sa konpetans ek sa abilite pou zot kapab pran sa relev.

E mwan dan sa konteks parey mon'n dir Mr Speaker, mon pou siport lapwentman Mr Hassan akoz in nobou reponn bann kestyon ki nou'n demann li dan en fason konkret, dan en fason drwat, e dan en fason entelizan. Mersi Mr Speaker.

### **MR SPEAKER**

Mon ti a demann bann Onorab pou *focus* lo deba lo sa Mosyon silvouple. Swivan, Onorab Aglae.

### **HON EGBERT AGLAE**

Mersi Mr Speaker. Mon a fer sir mon reste *within the scope of*

*the Motion*. Mr Speaker mon krwar i enportan ozordi kot sa kote latab ki nou la dan Lopoziyon, kot nou war kot i annan talan, nou apresye.

E Mr Hassan li i en zenn ki mon osi mon'n konn li, parske mon ti reste Anse Royale. E ler mon pe get son bagaz, menm son fanmir zot in touzour dan biznes. E li in *follow the suit* parey Angle i dir. E mon santi, e mon konvenki koman en zenn ki mon bezwen *at least* siport li pou li kapab vin delivre pou pei.

I pa pe vin delivre pou Gouvernman *LDS*, i pe vin delivre pou pep Seselwa. E sa nou bezwen rekonnet. E baze lo sa, mon rekonnet osi ki ozordi i annan en lekip dan Minister Finans. En zenn lekip, ki nou menm nou dan 6enm Lasanble nou'n ganny sans enterakte avek li.

E menm lo nivo Labank Santral kot i annan bann zenn tim dan Finans. E mon krwar Mr Hassan pou fer zistis pou li zwenn sa tim osi. Ki ava annan sa lapros, akoz zot pou preske dan menm kalib, menm laz. E savedir ki fer ki mon vwar ki lantant travay avek sa lekip i ava mars ase byen.

Me mon sel konsern Mr Speaker baze lo sa konpetans ki sa msye i annan, se parey mon

ti konmanse demann li premye keston, lo ki mannyer i pou egzers son enparsyalite dan son travay? An tenir kont ki sityasyon ekonomik i difisil. E i annan bann legzizans deor. I annan bann legzizans atraver promes konpany eleksyon, mon swete ki i pa ganny trennen dan sa bann legzizans eleksyon ki'n ganny met devan par okenn endividi, ki pou sey fors son fason fer ouswa son way.

E pou mwan lo sa, si Mr Hassan i tenir li lo en laliny ferm an term finans, an term Polisi e monneter;- an term redres pei, tir nou dan bann defisit, si i pe fer sa, mwan mon pare pou siport li. E mon pou la pou fer sir ki i travay drwat e egzers mon rol *oversight* koman en Manm Lopoziyon. Mersi.

### **MR SPEAKER**

Mersi Onorab. Onorab Loze.

### **HON JOHAN LOZE**

Mersi Mr Speaker. Mon pou komans par *paraphrase*, pa en sitasyon, me mon pou plito *paraphrase* en keksoz ki'n ganny dir. Lo sa Lasanble nou reprezantan Lepep Seselwa. Lepep Seselwa i anvii konnen ki pe pase dan sa pei. I nou rol pou les zot konnen ki pe pase, Speaker Roger Mancienne, 28

Oktob 2020! Sa i nou rol fondamantal e esansyel. As *prescribed* par nou nouvo Speaker. Mwan mon en Manm Lopoziyon, mon pou kestonnen, mon pou sers lenformasyon, e mon pou enform Lepep Seselwa.

### **MR SPEAKER**

Onorab Loze nou pe diskit konpetans Mr Hassan pou sa lapwentman silvouple. *Get on with it.*

### **HON JOHAN LOZE**

Mr Speaker, ozordi mon santi ki nou Lasanble pa'n vreman fer loner konpetans Mr Hassan. Lafason ki nou'n fer li, nou'n sey pran li e nou'n fer en *rush hatchet job* kot lamazorite Manm Lasanble, pa'n santi la nesesite pou zot fer sa *interview* ki ganny preskrir par Konstitisyon Sesel, ki nou sipoze fer avek bann kandida pou vin Minis.

Se sa nou fonksyon. *Interview*, pa rezete parey serten ti fer dan benm Lasanble. Me pou *interview*, kestonnen konpetans e kalifikasyon sa kandida pou Minis. E ozordi nou'n war enn ki mon kapab dir i en *near perfect candidate*. Nou tou nou'n kapab tonm dakor lo bann keksoz ki in dir. E mwan

mon'n tonm dakor ki li i krwar ki bann Polisi ki ganny *set forward*, par Gouvernman Prezidan Faure vizavi *COVID* ki tre byen.

In nonm nou enn, asire ki bann biznes i *survive*. Ki ti en Polisi Prezidan Faure ki mon krwar pou *carry over* dan Ladministrasyon Prezidan Ramkalawan. E wi mon pou kontinyen *remind* zot, ki zot pa pe fer naryen esansyelman diferan. Zot in aret dir 'Sanzman,' zot pe dir 'Transformasyon.' Mersi Mr Speaker.

### **MR SPEAKER**

Mersi Onorab Loze. An se moman mon ti a kontan, mon krwar mon ti a pas laparol a *mover of the Motion* Onorab Georges. Pou egzers son *Right of Reply*.

### **HON BERNARD GEORGES**

Mersi Mr Speaker. Mr Speaker mon napa gran keksoz pou dir. Mon krwar ki tou sa ki devret ganny dir in ganny dir. E in ganny dir tre byen par entervenans ki'n koz zis avan mwan. *The candidate is a near perfect candidate*. E kekfw sa mo *near* i menm an tro.

Donk, mon ti ava zis *move* ki nou pran en vot e ki nou *endorse* sa kandida Mr Hassan,

ki'n pas devan nou apre midi. Mersi.

### **MR SPEAKER**

Eski sa i bezwen ganny segonde? Pa bezwen ganny segonde. Alors nou a *move to a vote*. *All those in favor?* Lev lanmen silvouple. *Ok* Madanm Clerk. *All those against?* Madanm Clerk ou a donn nou *tally*. Lapwentman Mr Naadir Hassan in ganny aprouve par 32 vot pour, e zero vot kont. Alors mon deklare ki lapwentman Mosyon *Leader of Government Business* in pase. Wi Mr Georges eklersi mwan.

### **HON BERNARD GEORGES**

Mersi Mr Speaker. Mr Speaker mon krwar si mon pa tronpe ki *Standing Orders* i nef. Nou fek mon krwar met sa dan *Standing Orders*. Dezormen nou devret osi kont okenn abstansyon. E Madanm Clerk dan son rikord i ganny demande par *Standing Orders* pou met bann non bann Manm ki'n vot an faver, bann Manm ki'n vot kont, e bann Manm ki dan sa ka napa. E okenn Manm ki *abstain*. *Just for future reference*. Mersi.

### **MR SPEAKER**

Wi, *amend* rikord. Mersi Madanm Clerk. I annan 2 Manm ki'n *abstain*. *Thank you*.

Onorab Georges nou a *move* Mosyon swivan.

**HON BERNARD GEORGES**

Mr Speaker, mersi. Mon vwar ki i 4.08, mon ti ava zis rod en gidans avek ou. Eski nou pou annan en *break*? Oubyen? E si nou pou annan en *break*, eski nou pou annan en *break* la? Oubyen eski nou ava pran ankor *at least* en kandida avan ki nou pran en *break*, si nou pou pran en *break*?

**MR SPEAKER**

Mersi. Mwan mon krwar nou ti devret pran en kandida ankor apre nou a pran en *break*, apre sa.

**HON BERNARD GEORGES**

Mersi Mr Speaker. Mr Speaker dezyenm Mosyon i lir *comme* swivan;

*In accordance with Articles 63(1) and 69(2) of the Constitution, this Assembly approves the proposed appointment by the President of the Republic of Mrs Peggy Antoinette Vidot to the office of Minister.* Mersi Mr Speaker.

**MR SPEAKER**

Tre byen. Nou ava apel Mrs Peggy Vidot. Eski nou annan en dimoun ki segonde? Onorab Gervais Henrie.

**HON GERVAIS HENRIE**

Mosyon i ganny segonde Mr Speaker.

**MR SPEAKER**

Mersi Onorab. Prezan nou ava apel Mrs Peggy Vidot pou *join* nou. Byenveni Mrs Vidot dan Lasanble. Pou konmanse nou pou, eskiz mwan mon'n mank en *step*. En mank labitid. Mon krwar i neserer pou nou pas dan *Committee Stage* pou sa letap ki pe vini.

Mersi. Mrs Vidot pou komanse nou pou demann ou pou fer en lentrodiksyon bref 2 minit silvouple, lo ou lekor e ou kalifikasyon. E apre sa nou a pas lo kestyon. Mrs Vidot.

**MRS PEGGY VIDOT**

Mersi Mr Speaker. Bonn apre midi Mr Speaker. Bonn apre midi tou Manm Lasanble e tou dimoun ki a lekout.

Mon apel Peggy Vidot. Mon'n ne La Digue. Mon'n lekol La Digue dan primer, e dan segonder mon'n vin lekol Mahe. E apre mon lekol mon'n pran en karyer dan Lasante koman en profesyonnel lasante. Mon'n fer *nursing, midwifery, health visiting*. Mon dernyen kalifikasyon se en *Masters in Health Services Management*.

Mon karyer in vreman long, e *varied*. Mon'n travay isi Sesel dan Minister Lasante, dan Lopital Victoria. Dan *Community health* kot mon'n ede pou mon *set up Primary health care*. And pli tar dan *nursing*, kot mon'n diriz *nursing* pou plizyer lannen.

Apré mon'n fer *health planning*. Apré sa mon karyer in anmenn mwan pli lwen. Mon'n al travay dan *Commonwealth Secretariat* Lonn, koman en *Health Advisor*. Kot mon'n travay avek tou pei *Commonwealth*. Avek tou Gouvernman *Commonwealth* pou mwan esey ede pou amelyor *Health Policies*. Espesyalman dan domenn *health worker migration*, ki a sa letan ti vreman en gran problemn.

Apré *Maternal and Child Health, HIV and AIDS and eHealth*. Apré *Non-communicable diseases*. So mon'n travay dan tou sa bann domenn. E dan sa letan mon'n travay osi pa zis avek *Commonwealth Secretariat*. Me mon travay ti fer mwan annan en kantite enteraksyon, kolaborasyon avek diferan Lorganizasyon Enternasyonal. Parey *WHO*, parey *IOM*, parey *CDC*, *UNICEF* e an menm tan travay avek lezot sektor

spesyalman *gender* avek ledikasyon.

Pli tar mon'n retourn Sesel, kan mon ti ganny demande pou retournen pou vin travay, pou ede amelyor servis lasante. Mon'n vin travay dan lasante koman en *Health Advisor* an premye lye. Apré mon ti ganny demande pou mwan al travay lo en reform dan Minister Lasante, pou anmenn li en pe pli modern. E pou kapab arive rezourd serten problemn ki ti annan an se moman.

E pli tar mon'n fer *Principal Secretary* dan Minister Lasante. Kot mon'n osi kapab etablir en *strategic plan* pou lasante. Polisi pou lasante, gran Polisi. Apré 3an dan sa pozisyon lezot bezwen personnel, e ti'n demann mwan pou arete. Me solman mon *involvement* avek lasante in kontinyen.

Mon'n travay koman *Chairperson NAC*. An menm tan mon fer en kantite travay avek *non-government organizations*. Sirtou dan Sesel, me osi dan rezyon kot mon'n *setup* en *College of Nursing* pou *East Central and Southern Africa*. E mon'n *Head* en *International Organization* dan *nursing* pandan 8an, kot osi mon'n anmenn en kantite sanzman.

E sa travay ti ganny rekonnet par mon bann koleg nurse, par donn mwan en *Fellowship in Nursing pou Leadership and Nursing Development*. Mr Speaker mon krwar sa i tou.

**MR SPEAKER**

Mersi Mrs Vidot. Mon rekonnet Onorab Gervais Henrie.

**HON GERVAIS HENRIE**

Mersi Mr Chair. Bonn apre midi tou dimoun. Bonn apre midi Mrs Vidot. Mon pou sit ou, sit en keksoz ki ou ti dir an 2016 apre ki ou ti pran ou retrait.

*“The decision to leave is mine alone. I feel I have contributed my fair share towards the health system in Seychelles. I have been a nurse since I was 18 years old. And the time has come to stop, to be with my family and to do the things i want to do.”*

So, mon premye kestyon i se ki apre 4an, kwa ki pe ankouraz ou, ki pe motiv ou pou retournen e aktivman donn ou pei en koudmen dan servis piblik? E mon pa pe presize dan okenn *ministry* spesifik ki ou pe al ladan. Sa i mon premye kestyon.

E dezyenmman, par lefe ki ou'n deservi dan pozisyon Sekreter Prensipal pou Lasante,

kwa ki ou pou fer diferaman aprezan, si ou ganny konfyete sa responsabilite ministeryel? Mersi.

**MR SPEAKER**

Mersi Onorab. Mrs Vidot.

**MRS PEGGY VIDOT**

Mersi Onorab pou ou kestyon. Mon sipoze nou tou nou pas dan diferan letap dan nou lavi. E annan de ler ki keksoz personnel, ou bezwen pran en pe letan pou travay avek, travay lo la. Pou mwan sa letan ti enportan. Mon ti annan en ser ki ti vreman malad terminal. Mon ti anvi pas bokou letan avek li, avan ki i ti kit nou. E mon ti osi pe ganny mon premye pti zanfan, ki ti bezwen mon latansyon. E sa ti bezwen fer aletranze.

Alors sa sete serten keksoz, ki ti an menm tan primordyal pou mwan dan sa lenterval. Mon'n fer 3an, 4an kot mon'n ganny en sans pou mwan *attend to* mon bann keksoz personnel. E mon vwar mon ankor annan sifizaman kouraz pou ede devlop nou pei. I annan en kantite bezwen, e nou tou nou'n ganny kriye pou anmenn nou kontribisyon.

Mon remerci Sesel koman mon pei, koman mon patri. Ki'n ed mwan pou ariv kot mon'n

ete, e pou fer mwan vin sa dimoun ki mon ete ozordi. Alors mon santi poudir koman en sitwayen Sesel ki kontan son pei, ki ankor annan kouraz pou li kontribye. Si mon kapab kontribye, mon ti ava apresye ganny sa loportinite pou fer li. Mersi.

### **MR SPEAKER**

Mersi Mrs Vidot. Mon annan plizyer dimoun ki'n lev lanmen pou kestyon. Mon ti a kontan demann zot gard zot kestyon bref silvouple. E byensir dan ou kestyon i kapab annan serten komanter. Me *let's stick to the subject* lo Mosyon. *Next* Onorab Roucou.

### **HON CLIVE ROUCOU**

Mersi Mr Speaker. Bonn apre midi tou koleg Onorab. Bonn apre midi Mrs Vidot. Apre ki mon'n get ou CV Mrs Vidot, mon'n vwar ki forte i for dan lasante. E mon anvi pran sa lokazyon pou mwan felisit ou pou ganny propoze, koman en koleg ners. E Mrs Vidot si zanmen ou ganny prezante avek portfolyo Minister Lasante, mon anvi demann ou ki mo lespwar, premyerman ou annan pou bann profesyonnel lasante? E ki ou pou fer spesyal pou re donn konfyans Lepep

Seselwa dan nou servis lasante? Mersi.

### **MR SPEAKER**

Mersi Onorab. Mrs Vidot.

### **MRS PEGGY VIDOT**

Mersi Onorab pou ou kestyon. Bon, lasante i en bezwen tou dimoun. Alors nou tou nou ti a kontan annan en servis lasante, ki reponn a nou bezwen kan i arive. En servis ki a laoter, en servis ki ganny delivre dan en fason ki arive *meet* nou *needs*. E sa i parey ou dir, i ganny fer par profesyonnel.

Nou annan en kantite profesyonnel lasante isi. E mwan mon santi poudir, nou bezwen valoriz nou profesyonnel lasante. E koman nou valoriz zot? I annan en kantite fason fer li. Me i primordyal ki nou kontinyen nou valoriz zot. Nou donn zot sa ki zot bezwen, sirtou dan domenn konesans, dan domenn laptitud, dan domenn leksperyans. Pou zot kapab delivre kan zot ganny rankontre avek bezwen ki devan zot, pou zot kapab delivre a en nivo satisfesan.

Alors se sa mon repons pou koman pou ed nou koleg profesyonnel. E ki sa ki mon ti a kontan vwar, en servis lasante ki reponn a bezwen nou pep

dan en fason ekitab. Dan en fason vreman en nivo akseptab, e en nivo ki pa zis, ki *meet* si ou le, standar enternasyonal. Ki mon santi mon pei i bezwen.

**MR SPEAKER**

Mersi Mrs Vidot. Swivan Onorab Aglae.

**HON EGBERT AGLAE**

Mersi Mr Speaker. Bonn apre midi Mrs Vidot. Mrs Vidot mon premye kestyon i swivan. Etandonnen ki ou forte i relye dan domenn lasante, e lasante i en departman, en Minister ki okip en bann osi gro Bidze pou pei. Swivan lo sa, eski ou pou pare an vi ki enn bann Minister ki'n anba bokou kritik, pou ou kapab ralye sa plis ki 2500 travayer profesyonnel lasante, pou zot kapab delivre lo en standar ase o nivo pou sa pep, kot i konsern lasante?

Dezyenmman, mon ti a kontan demann ou, an vi ki la nou dan sityasyon *COVID-19* sa pandemi, eski ou krwar ki i annan nouvo mezir adisyonnell ki ou santi ki kapab ganny met devan, pou fer sir ki pep Seselwa i ganny eparnye avek sa viris? Mersi.

**MR SPEAKER**

Mersi Onorab. Mrs Vidot.

**MRS PEGGY VIDOT**

Mersi Onorab pou ou kestyon. Ou demann mwan koman, si mon pou kapab ralye sa 2500 travayer lasante, pou zot kapab delivre lo en nivo ki nou espekte zot delivre? Mon sipoze koman en *Manager* ou konnen poudir tou keksoz ki si ou bezwen ganny bon kontribisyon *from* ou travayer, ou bezwen montre zot. Ou bezwen valoriz zot, ou bezwen anmenn zot pou zot santi sa ki zot pe fer i enportan, i ganny valorize. E sa i dan diferan fason. E ki zot ganny apresye.

Apresyasyon pa zis par *Management*. Apresyasyon par zot kliyan, savedir zot bann dimoun ki zot pe travay avek. Avek tou dimoun an zeneral. Mon sipoze la mon ava dir apresyasyon avek nou Nasyon. E alors pou zot fer sa, nou bezwen donn zot bann keksoz ki zot bezwen. Konesans, leksperyans, resours, *tools*, prosedir, tou sa pou zot kapab delivre fason ki zot merit delivre.

Ou'n mansyonn *COVID-19*, si mon santi poudir i annan mezir adisyonnell? *COVID-19* i en maladi ki ankor si ou le pe evolue. E depi Zanvye kot nou'n war in dan sirkilasyon. In annan en kantite keksoz ki'n ganny aksepte poudir nou pou

fer, apre nou ganny dir kekfwa i annan lot fason fer li. E alors i toultan evolue.

Pou demann mwan si i annan keksoz adisyonnèl, i tre probab i annan. Akoz *from* yer, ozordi, par egzantp ozordi i annan nouvel ki si konmela ou'n ganny *COVID-19*, ou *antibodies* pa neseserman reste pou lavi diran. E kekfwa i en pe *short leave*, kekfwa 4 mwan, 6 mwan.

Alors sa i demann toudswit pou ou kapab *strategize*. Pou ou kapab bezwen arive reponn *or address* lafason ki i pe evolue. Nou tou nou konnen, nou ti annan en letan kot nou ti dir *mask* pa neseser, pa tro enportan. Apre nou ganny dir poudir, in ganny dekouver poudir *mask* i enportan. Nou ganny dir tel medikaman i marse, apre nou ganny dir sa tel medikaman pa marse.

Alors pou en dimoun dir poudir napa keksoz adisyonnèl, mon krwar i ava en pe difisil pou dir sa. Me kwa adisyonnèl, nou bezwen vwar ki sa ki evolue. Mersi.

### **MR SPEAKER**

Mersi Mrs Vidot. Onorab Gill.

### **HON CHURCHILL GILL**

Mersi Mr Chair. Mrs Vidot lo ou CV i montre ki ou'n fer tre gran parkour dan *health services*. E nou konnen ozordi Sesel nou pe osi depan lo bann profesyonnel lasante ki sorti deor. E dan ou CV, nou'n vwar ki ou'n menm travay dan bann *college*, kot ou'n bann zenn profesyonnel in kapab devlop zot *skills*.

E dan en fason pou nou redwir sa bann *expatriate* Sesel, eski ou krwar i annan posibilite, ou byen i annan loportinite pou nou kapab o standar nou *Nurse College* oubyen nou *Lekol Nurse*? Kot nou a kapab valoriz li bokou plis. E sa i ava *entice* bann zenn pou swiv sa karyer. E an retour i fer nou koup sa depan lo *expatriate*. Sa i enn.

Apre mon'n vwar ki ou'n osi *manage* Bidze Lasante. Me selman i annan en konsern ki distribisyon *within* Minister Lasante son Bidze, i pa tant pou adekwat pou tou landrwa. Par egzantp la mwan mon sorti Praslin, nou santi ki si sa distribisyon Bidze dan Minister i kapab ganny travay lo la, ganny fer dan en fason adekwat, e i ti ava bokou amelyor bann lekiman e standar servis dan lopital. Akoz parey ou konnen kote *Inner Island* i annan bokou dimoun ki servi sa lopital.

E baze lo ou leksperyans, eski ou krwar poudir desantralizasyon servis e donn li son bann lekiman spesyalize alaoter ozordi, i *the call of the day?* Mersi.

**MR SPEAKER**

Mersi Onorab. Mrs Vidot.

**MRS PEGGY VIDOT**

Mersi Onorab. Mon a pran keston lo, eski nou kapab prodwir nou travayer lasante dan en nonm sifizan pou zwenn bezwen lasante nou pei? Mon krwar ki nou pou annan sirtou dan serten domenn, e sa dan domenn spesyalis. Dan domenn kot nou napa dimoun kekfwa ki'n tro kalifye. Nou pou annan touzour en bezwen pou nou annan en serten *expatriates* dan lasante.

Me ou'n koz spesifikman lo, eski nou pou kapab amelyor nou ledikasyon, ou'n mansyonn *nurse*, pou nou kapab prodwir sifizaman. Mon panse pou nou kapab prodwir *nurse* de bon kalite dan en nonm ki sifizan pou nou bezwen, nou pou bezwen annan ase dimoun ki anvi travay dan sa domenn. Ase dimoun ki annan ase lanvi e osi akademik standar, pou zot ganny antre dan program.

E mon panse *until such time* kan sa i ganny adrese, nou

pou toultan annan en, nou pa pe *train* lakantite ki nou pe kapab *train*, e lo nivo ki nou pe kapab *train*. Mon krwar lo nou *training* in avans en gran kantite. Mon konnen ki letan mon ti *PS*, mon ti diskit avek en liniversite dan Lanmerik pou ed nou *train* nou bann ners. E nou'n *train* en bon pe *nurse* lo nivo Degre, en *Bachelor's Degree, as well as* en bon pe dan *Masters Level*.

So nou kapab *train* nou *nurse*, wi. Bon *at* en nivo ki pou kapab *meet* bezwen nou pep. Me selman fodre nou ava annan sifizaman dimoun avek *academic qualification*, e lanvi. Akoz pa nenport ki, ki e kapab fer *nursing*. Ou bezwen annan en serten lanmour, e en serten lanvi pou ou kapab fer sa profesyon.

An term *distribution*, si ou pe santi poudir *distribution of budget* i ekitab. Mon krwar sa nenport ki landrwa kot ou pe travay dan Lasante, ler, ou pe travay avek diferan group, tou dimoun pou pe argye ki zot bezwen plis dan tel domenn. Dantis i a dir ou i bezwen plis, *Public Health* i a dir ou i bezwen plis. Me solman sa ki mon krwar dan mon persepsyon, distribisyon i pa ase ekitab. Nou konnen poudir nou bezwen met bokou plis lanfaz lo

prevansyon, akòz tretman toultan i pli ser.

Me alors nou bezwen vwar nou Bidze al en pe plis anver prevansyon. Nou konnen parey ou dir ki zil Praslin avek *Inner Islands*, i annan nesesite kekfwa pou nou kapab vwar ki kalite servis ki i pli bezwen. Si desantralizasyon i en stratezi, mon krwar i annan nesesite pou nou kapab desantraliz diferan servis.

E ler nou desantralize, ki i pa en servis ki en pli ba kalite ki pe donner isi Mahe. Me ki nou bezwen fer sir ki nou servis ki nou pe donner, ki La Digue, ki Praslin, i lo menm nivo parey ou dir. Alors nou pou bezwen pe vwar nou vreman pe investir plis pou nou kapab donn sa kalite servis.

### **MR SPEAKER**

Mersi Mrs Vidot. Nou a pas lo Onorab Clifford Andre.

### **HON CLIFFORD ANDRE**

Mersi Mr Speaker. Bonn apre midi tou dimoun. Bonn apre midi Mrs Vidot. Mrs Vidot mon kestyon i baze lo laspe desantralizasyon ki ou'n koz lo la. Ou'n dir Mahe, Praslin ek La Digue. Eski letan ou pe koz desantralizasyon, ou pe mazenin osi pou tir li en pe sa konzasyon anvil, e anmenn li

dan 2 ou 3 lezot rezyon? Sa i premye.

Dezyenm, etandonnen ki ou forte i dan lasante, e i pou en pti pe drol ki ou pa ganny sa portfolyo Lasante. *Unless* i annan en lot dimoun avek menm kapasite ki ou, etandonnen ki ou, ou'n en Seselwa ki'n osi al travay aletranze pou en rezon ou en lot. E la ou pe retourn Sesel avek sa leksperyans pou vin kontribye dan Sekter Gouvernman, ki ou pou fer letan ou ganny apwente, *I mean* ou ganny konfirman Minis e ou ganny en portfolyo. Ki ou pou fer pou ankouraz bann Seselwa ki pe travay aletranze, etann ki en dokter, oubyen en ners?

Akoz ozordi letan nou pe get Sesel, dan lopital nou annan nou bokou etranze, be nou konnen nou annan osi Seselwa osi ki pe travay aletranze. Mersi.

### **MR SPEAKER**

Mersi Onorab. Mrs Vidot.

### **MRS PEGGY VIDOT**

Mersi Onorab. Bon desantralizasyon parey nou dir, i en bezwen. I annan en serten nivo desantralizasyon ki pe ganny fer an se moman. Me nou vwar ki kekfwa bezwen i bokou plis. Alors i neser kekfwa ki

en stratezi pou regarde kwa ki pou desantralize, koman pou fer li, e kan. Si ou pou bezwen pe fer li dan en fason ki i ogmante a la longer di tan. *Or* si ou pe fer tou ansanm, depan lo ki sa ki *available* konmela. Me solman desantralizasyon i esansyel.

Lo pwèn, eski nou kapab tap dan *expertise* bann *diaspora you know* ki nou annan *in health*. Mon krwar i annan en gran bezwen. E mon krwar i posib. Akoz i annan diferan keksoz ki nou kapab vwar. I enn bann travay ki mon ti fer letan mon ti pe travay *Commonwealth*.

I annan posibilite si konmela nou annan en mank en bezwen pou en, dizon en *nurse*. Ki travay dan en servis spesyalize, e i annan *nurse* ki nou konnen ki travay aletranze dan sa servis spesyalize. Nou bezwen *cover* dizon pou ler sa bann ners isi i al vakans, napa rezon akoz nou pa kapab *engage* avek sa bann ners dan *diaspora*, pou dir zot vin pran zot vakans dan sa lenterval.

Nou annan lezot profesyonnel lasante ki e travay dan diferan pei. I napa rezon akoz nou pou annan en diskisyon avek zot. Ki nou kapab konmela tap dan zot ekspertiz, menm ler zot laba.

Pou zot kapab donn nou en serten, en lopinyon. Nou annan en kantite spesyalis dizon *medicine* deor. Nou kapab demann zot pou fer serten konsiltasyon *online*. Akoz *eHealth is, or telemedicine as* parey en pe dimoun i konnen. I en keksoz ki pe devlop vreman vit, e ki ganny servi en kantite.

So, e mon krwar poudir nou annan ase gran group *diaspora* ki pe kapab ed nou. E kekfwa an fezan sa, zot pe vwar nou bezwen. Zot pe konpran ki mannyer zot kapab travay ek nou. Nou kapab ankouraz zot pou zot vini evantyelman. Mersi.

### **MR SPEAKER**

Mersi Mrs Vidot. Onorab John Hoareau.

### **HON JOHN HOAREAU**

Mersi Mr Chair. Mon le dir bonn apre midi Mrs Vidot. Mrs Vidot anba Gouvernman *US*, in annan bokou bann kontra ki'n ganny donnern avek bann lakonpanyen ki pa ti dan lavantaz pei. Eski si ou ganny apele koman Minis pou Lasante, bann kontra parey ki ti ganny donnern avek *AMSA*, eski ou pou fer sir ki ou fer en lodit tou bann diferan kontra ki Minister Lasante i annan koman en priyorite pou ou? E

gete si nou pe ganny *value for money*, pandan sa premye lannen ki ou pe travay dan Minister? Mersi.

**MR SPEAKER**

Mersi Onorab. Mrs Vidot.

**MRS PEGGY VIDOT**

Mersi Onorab. Definitivman mon krwar en stratezi ki tou dimoun letan ou pe antre dan en landrwa travay, ou le vwar ki sa ki ou annan, ki sa ki ou napa. Alors odit i en bezwen. Akoz i ava ed ou vwar kote ki keksoz pe byen ale. Kote keksoz pe mal ale. Me, mon krwar i en prensip *Management* ki a sak fwa ki ou pe devlop en Kontra, ki ou fer sir ki ou pe ganny *value for money*.

E ler ou pe vwar poudir en *existing contract* i posib i pa pe donn ou tou sa ki ou bezwen, Mon krwar i annan en nesesite, en bezwen, en fason fer pou negosye. Akoz ou pa kapab dan en kontra ki ou en perdan. Mon krwar poudir pou tou kontra ou bezwen annan *win-win* lo sak kote. Alors wi mon repons se ki odit i esansyel. I nesese sirtou o debi en travay ki ou pran. E kontra i bezwen ganny *manage* dan en fason ki i anmenn *value for money*. Mersi.

**MR SPEAKER**

Mersi Mrs Vidot. Onorab Cosgrow.

**HON WALLACE COSGROW**

Mersi Mr Speaker. Bonn apre midi Mrs Vidot. Mrs Vidot anvi ki ou ti deza, parey in etabli ou ti deza Sekreter Prensipal pou Lasante, dan Departman Lasante, kwa ki petet ou anvizaze si ou ganny apwente Minis Lasante, anvizaze fer diferaman prezan pou amelyor sistenm *or* servis lasante? En servis ki'n ganny bokou kritike avan, oparavan par bann Onorab ki ti dan Lopozisyon, *LDS*. Kwa ki ou anvizaze fer pou amelyor *or* pou sanz sa servis?

Dezyenm Mr Speaker, Madanm, ki ou panse lo servis lasante primer kominoter? Eski ou krwar sa servis i devret ganny anmenn ankor pli pre avek bann zabitan dan distrik? La mon pe mazin spesifikman par egzanp distrik Port Glaud kot i annan 2 Sant Lasante. Me petet servis i en pti pe rafale. So ki ou panse lo la? E ki ou panse lo anmenn lezot servis, par egzanp en pti pe pli spesyalize dan nivo kominoter? Mersi Mr Speaker. Mersi bokou.

**MR SPEAKER**

Mersi Onorab. Mrs Vidot.

**MRS PEGGY VIDOT**

Mersi Onorab. Ou demann mwan ki sa ki mon anvizaze mon kapab vwar, si konmela i annan en posibilite ki mon annan, mon travay dan lasante? Bon, mon sipoze vizyon ki nou annan pou lasante, se touzour pou amelyor lasante nou pep an zeneral.

E sa i ganny fer par diferan fason. E sak letan i annan son fason ki i pli apropiye. I annan par egzanp, ou bezwen konnen ki sa ki pli prevalan dan ou pei *at any one time*. E *obviously* ou pe met lanfaz lo sa ki bokou pli prevalan, ki pe koz en pli gran risk pou lasante nou pep.

Alors, ki sa ki ou kapab fer? Se vreman adres *issues* ki pe donn ou plis problem *at the time*. E minimiz risk pou dimoun, alors ki zot ava kapab pli ganny lasante. Amelyor servis ki nou kapab *manage* sa bann kondisyon pli byen. E an menm tan, pa zis ler nou pe koz amelyore, nou pe osi koz lo elev standar.

Akoz kekfwa en keksoz ki ou'n dir, i annan en bon pe kritik, sa ki mwan mon pe konpran se kekfwa ki nou annan en serten mekontantman, avek la kalite servis ki nou pe donner. E amelyor kalite servis mon

konnen i kle, i enportan, e ki i bezwen ganny fer. Akoz la nou ava annan mwens problem. Dimoun i ava pli satisfè, e an menm tan zot ava pli an bonn sante.

Wi mon kontan ou'n demann sa kestyon lo lasante primer. Mon konnen lasante primer i en tre bon lapros pou nou kapab arive anmenn lasante pou tou nou pep. E sirtou konmela kot nou pe koz lo *SDGs* ki nou bezwen anmenn lasante. Ki tou dimoun i bezwen annan akse avek lasante.

Mon krwar poudir an term zeografikman, nou annan *access* pou lasante. Nenport ki kwen Sesel ki nou pe reste, kekfwa menm bann zil elwanye. Me i annan en sistenm an plas ki mon konpran nou kapab donn zot en pe swen primer. Me sa ki nou napa kekfwa ase, se sa kalite servis. *Quality of care* dan sa bann sant, sa bann swen sant servis primer.

E sa i enportan. Si nou pou kapab arive anmenn e lev lasante nou pep, nou bezwen komans kot i enportan. E sa se dan kominote, kot lakour, kot lekòl, kot landrwa travay, kot *Health Centre*. E la i rezon ki nou bezwen fer li. Mersi.

**MR SPEAKER**

Mersi Mrs Vidot. *Next* ki lo mon lalis i Onorab Rosie Bistoquet.

### **HON ROSIE BISTOQUET**

Mersi Mr Speaker. Tou bann Manm Onorab, Mr Speaker, espesyalman Mrs Vidot bonn apre midi. E letan mon pe regard mon kestyon ki mon ti pou demande, in ganny demande par tou lezot Manm. Alors mon pa pou *go back*, mon pa pou refer lo sa bann kestyon. I annan enn ki mon krwar sa nou bezwen touse.

Avan mon komanse mon pou dir Mrs Vidot, ki Mrs Vidot i en dimoun ki lontan mon konn li. I en *nurse* parey mon menm, i en zanmi. E i en *midwife*, i en koleg, i ti en koleg. E mon konnen i ti en *lecturer* kot *NIHSS* kot Lekol Lasante. Apre i annan plis ki 45an ki i annan leksperyans. E mon konn li apepre dan 40an apepre koumsa. E sa i fer zot konnen, mon ti a kontan fer zot konnen ki mon konn son abilite.

I annan en kantite abilite, sirtou dan lasante. E mon doute ki petet ou pou pran sa portfolyo Lasante ki mon ti a byen kontan. I ti a en bon manda pou ou, nou ti kapab travay ansanm. E an plis ki sa ki mon'n rekonnèt dan ou CV e mon ti form par ladan, ee sa reform ki ti ganny fer dan

lasante an 2013. E sa i ti swiv par devlopman de Polisi Nasyonal. E sa i ti *National Health Policy* avek sa stratezi.

E mon krwar la ou'n vin *at the opportune time*. Akoz sa dernyen *Policy* 2016/2020 in fini ekspire depi 2020, depi komansman sa lannen. E mon konnen petet sa reform, evalyasyon pa ankor ganny fer. E ansanm letan ou ava fer en evalyasyon avek sa *2 Policy* ...

### **MR SPEAKER**

*Proceed* avek ou kestyon Mrs Bistoquet.

### **HON ROSIE BISTOQUET**

... mon annan 2 kestyon. Sirtou lo sityasyon lasante konmela, eski bann profesyonnel lasante ki mon konnen zot devret ganny plis devlope, akoz sityasyon ki manner i ete konmela, nou war bann zeneralizasyon.

Eski sa spesyalizasyon i form parti ou program? Akoz nou konn sityasyon kot nou annan maladi ki'n ogmante, bann ki'n releve. Par egzamp nou annan Laveret, Larouzol, nou annan *COVID* la konmela. Nou annan bann ners, en kantite ners ki'n *retired*. Nou annan en kantite bann zenn ners ki'n kite. So ki ou pou anmennen dan sa nouvo devlopman?

E, an menm tan, ti annan en program kot bann ners ti fer lasante kominote. E ki ou panse lo la? Si i annan pou annan *revampment*? Ouswa si i annan nouvo striktir ki ou pe propoze si ou vin Minis Lasante? Mersi.

### **MRS PEGGY VIDOT**

Mersi Onorab. Mon pa ankor konnen ki portfolyo Prezidan pou aporsyon mwan si konmela mon ganny apwente. Me koman en profesyonnel dan lasante mon deza annan serten pwennvi e mon a kapab reponn ou dan sa fason. Mon krwar ki lasante i evolye de zour an zour, lannen a lannen.

Alors si konmela en dimoun in zwenn, in fer son letid dan lasante, ki i *nurse*, ki en *public health officer*, ki i *medical engineer*, *whatever*, si in fer son letid 10an pase, i tre probab poudir i nepli kouran. Alors i esansyel pou nenport ki dimoun, ki pe travay avek *Human Resources* dan sistenm lasante, ki nou zwenn bezwen sa bann travayer. Pou zot kapab perform alaoter ki nou bezwen.

I annan diferan fason fer li konmela. Nou pa bezwen fer tou dimoun al aletranze, nou kapab anmenn dimoun isi. Me avek *COVID* i vin *even* pli difisil.

Me i annan en kantite letid ki *online*. Alor pou mwan, *continuing professional development* i esansyel. E i bezwen annan vremen byen etablir dan servis lasante. Ou'n demann mwan lo sa pwen. E mon krwar poudir si nou fer sa, *then* nou fer sir poudir nou gard dimoun kouraman.

E definitivman koman en Minister, zot bezwen annan en Polisi ek *strategic plan*. E si sa son *timeframe* in fini pase, i bezwen ganny revwar, e i bezwen ganny redevlope. Akoz dimoun i bezwen konnen ki zot pe travay *towards*, *otherwise* travay pa pe kapab ganny byen delivre. E evalyasyon i vin difisil. Mersi.

### **MR SPEAKER**

Mersi Onorab Lemiel.

### **HON SYLVANNE LEMIEL**

Mersi Mr Speaker. Bonn apre midi Mrs Vidot. Mon ti a kontan demann Mrs Vidot, demen i arive ou vin Minis. Ou vin Minis Lasante. Ozordi nou tann konplent ki i annan bokou gaspiyaz, latizann, nou sou, nou ale nou al rod konze dokter, pa pe al travay.

Eski ou pe mazin, demen i arive ou vin Minis. Eski ou krwar ki en *fee*, ou Gouvernman pe mazin

entrodwir en *fee* ki bann dimoun i peye, petet pou koup en pe lo bann gaspiyaz ki ozordi nou pe vwar i annan lo latizann? E apre sa labi ki bann dimoun i zis al kot dokter pou ganny en konze?

Dezyenmman, nou tou nou konnen poudir Anse Royale in toultan ganny promet en *Outpatient Clinic*. So petet i boner la pou mwan kapab demann sa koman mon pe mazin en poudir si ou vin Minis Lasante. Petet si ou pou konsider sa koman en priyorite? Akoz *as you know* Anse Royale i enn sa distrik ki nou annan en lopital ki ozordi i fermen, pa pe kapab servi. I pe ganny dir poudir i en Sant Izolasyon pou bann dimoun avek *COVID*.

So, eski letan arive ki si ou ganny apwente Minis, ou pe mazin ki Anse Royale i kapab ganny son *Outpatient Clinic*, i liber sa lopital, ki i vin en lopital li menm? E ki zot Sant Izolasyon i ganny fer. Konmsi ki ou travay en pe lo sa bann proze ki deza la. Ki Gouvernman sortan in kit deryer la, ki nou *speed up* en pti pe sa bann prosedir. E ki nou ganny nou landrwa.

E apre an menm tan, nou pe regard lo desantralizasyon servis. Nou annan bokou

dimoun dyaliz Anse Royale. So nou bann dimoun osi pe demande, zot dir profite demann ou, ki letan ou la, akoz zot in fini krwar, zot in fini vwar ou pe vin Minis Lasante. E alors i dir demann ou si ou pe mazin pou desantraliz sa servis dyaliz, osi dan Lopital Anse Royale a lavenir? Mersi.

### **MRS PEGGY VIDOT**

Mersi. Ou'n demann mwan diferan kestyon. E mon a esey reponn. Si mon manke ou ava *remind* mwan ki sa ki fodre mon reponn. Ou'n koz lo *wastage*, mon panse poudir nou bezwen a tou pwen koupe kot i ava annan *wastage*. E *instill* plis *efficiency*, konmsa ki nou *eliminate wastage as much as possible*.

I annan diferan fason fer li. E mon krwar poudir avek bann diferan *Heads* dan diferan Sekter Minister Lasante, i en keksoz ki ou pe kapab travay lo la. E menm en keksoz parey entrodwir en *quality assurance* program. Sa i ava ede dan en kantite fason pou nou ogarde si nou pe fer keksoz *right first time round*, alors ki nou elimin en pe sa bann *wastage*, fer li an dezyenm fwa, an trwazyenm fwa.

An menm tan, ou'n demann, ou pe dir poudir i

annan *wastage* lo latizann e lo tou keksoz. Dimoun zeneralman zot al kot dokter zot pa kapab, pa zot ki donn zot lekor latizann. I en dokter ki fer en preskripsyon. E alors ki dokter i santi poudir i pa bezwen donn en preskripsyon, aköz i pa neser, mon krwar i pou bezwen, sa dokter i pou bezwen li vin pli *accountable* lo kan ki i donner, kwa ki i donner. E montre poudir i ti bezwen donner. Alors sa i ava koup en pe. Aköz pasyan si zot pe zete, se savedir ki zot pa ti vreman bezwen. E sa i ava *address* ou *kestyon wastage ek efficiency*.

An term si pou annan en *fee*. Ou'n demande si entrodwir *fee* i a koup lo *wastage*? Mon sipoze annan diferan *schools of thoughts* lo la. E mon pa santi poudir an se moman ki nou annan ase levidans pou montre nou poudir entrodiksyon *of a fee* pou koup *wastage*. Me i keksoz ki pe kapab ganny vwar, ganny regarde si i annan merit. Me an menm tan prenon kont poudir nou Konstitisyon i fer referans avek *free primary health care*. Alors nou bezwen kantmenm respekte nou Konstitisyon.

An term si nou pou annan en *outpatient* Anse Royale. Si nou pou liber Lopital Anse

Royale, mon panse in annan en kantite rezon aköz administrasyon Lasante in pran sa bann desizyon. Si ou demann mwan si mon pou *reverse* sa? San konnen pou ki rezon zot in fer, mon pa kapab dir ou wi ou non. Me selman nou pou bezwen regard rezon, zistifikasyon, neserite, e si i bezwen ganny *reverse*, bon en desizyon i ganny pran pou *reverse*.

Me si pa bezwen aköz i annan bezwen, e ki mon panse poudir, e ler zot in pran sa desizyon, zot in bezwen pran li lo serten levidans ki zot annan *at the moment in time*. I pa savedir ki sa levidans i ankor valid. I posib ki nou bezwen revwar sa levidans. Me i pou dan sa fason ki nou ava pe regarde. E menm keksoz ki mon'n mansyonnen taler lo desantralizasyon.

Desantralizasyon i en bezwen. E an menm tan ou bezwen regarde ki sa ki bezwen ganny desantralize. E koman pou fer li. Aköz mon pa santi poudir si nou desantralize zis *for the sake of* desantralize. Dizon si nou napa ase resours pou nou donn dimoun Anse Royale bon dyaliz dan Anse Royale. Mon pa panse nou merit fer li. Aköz mon panse ki ler nou desantralize, nou

bezwen asire ki tou servis i o kalite ki nou sitwayen i bezwen. Mersi.

### **MR SPEAKER**

Mersi bokou. Nou pe apros 5er, me selman nou dan milye sa sesyon demann kestyon. E mon pa santi ki nou kapab *break at this point*. So pasyans nou pou bezwen fini avek sa ki nou pe fer e apre nou a soz... Mon a zis note ki mon annan 10 dimoun lo mon lalis deza, ki i pou en pe soz. So ankor enn fwa si zot kapab fer zot kestyon pli bref, pli *to the point*. I ava ed nou bouze.

E apre petet mon pa konnen si sa leksplikasyon i apropiye, petet zot in war mwan pe anvoy enn de pti note kot Onorab Georges. Sa se selman pou mwan klarifye prosedir, lo serten pti pwen an mezir nou ale. Donk mersi bokou. E *next*, swivan Onorab Pillay.

### **HON SEBASTIEN PILLAY**

Mersi Mr Speaker. Mr Speaker dan tou sa bann kestyon ki Mrs Vidot in reponn, i premye kestyon ki'n ganny demande ki mon pa tro, tro satisfè ek sa larepons ki mon'n gannyen. Premye kestyon ki ou ti ganny demande, ou ti ganny demande

se ki ou ti okip en *post* tre o, PS pou Lasante sa letan.

E ou ti sorti, aköz ou ti dir ou pe al konsantre lo lavi famiyal, eksetera. Ou pe retournen a en moman kot, ou pe vin retourn dan en Minister Lasante ki pe fer fas avek pandemik COVID-19 ki bezwen *manage* pandemik COVID-19. Ki'n annan bokou kritik lo lafason ki servis i ganny donnen, sirtou par bann Manm lo kote Gouvernman ozordi.

In annan bokou kritik *from* bann kad *nursing* ki zot pa pe ganny gete byen. Kontrerman in annan bokou kritik par bann kad *Allied Services, Allied Health Services* ki'n dir poudir zot in get zis ners, e zot pa'n get zot. E tousala pa'n kontan ki mannyer Gouvernman in fer.

E ou'n annan kritik *from* bann zenn dokter ki'n kalifye ki santi ki poudir zot lapey pa pe monte parey, avek kantite travay ki zot fer aköz lamazorite zot ki fer tou *on-call*. Mon krwar ou konn sa tre byen avek lefe ki ou'n dan Minister Lasante.

Alors mon pou demann ou senserman Mrs Vidot, eski ou pou kapab, ou santi personnelman ou pou kapab tenir sa presyon ki vin avek en Minis Lasante? Premyerman enn.

Dezyenmman, tenir sa kritik konsiderab ki vin avek et en Minis Lasante, parey ou'n vwar in arive dan lepase? E mon konnen ou'n santi ou'n war ou bann predeser, pas atraver sa bann sityasyon. Oubyen eski nou pa pou tande ankor enn fwa ki ou pou donn nou en let, e ou pou dir nou poudir ou pe ale akoz ou bezwen, ou pe, i annan presyon oubyen keksoz koumsa?

E zis en dernyen bout sa keston ki mon le ou klarifye pou nou, eski ou santi poudir ozordi par egzant bann dimoun ki'n al swiv tretman a aletranze, zot devret pe ganny *refund* zot larzan ki zot in peye, pou zot al swiv tretman aletranze? Akoz sa ti en size enportan dan bann Deba Prezidansyel, ki nou'n vwar resaman. Mersi Mr Speaker.

### **MR SPEAKER**

Mersi Onorab. Wi Mrs Vidot.

### **MRS PEGGY VIDOT**

Mersi Onorab. Onorab letan ki mon ti demisyonnen dan servis lasante, mon'n ti'n ganny 63an. Ti'n ariv ler pou pran, *according to* sa ou kapab pran ou retret. Mon ti annan parey mon'n dir serten desizyon kle ki ti enportan, pou mwan a sa moman. E i ti annan osi

nesesite, pou mwan kapab egzers sa ki mon santi mon ti pli bezwen *attend to*.

I pa savedir poudir mon pa pe kapab pran kritik, mon pa pe kapab *handle* kritik, akoz mon'n fer sa tou mon lavi. Tou mon lavi ki mon dan Lasante, mon'n *handle* tou sa bann dimoun. Tou sa bann travayer ki pa'n satisfè ek diferan keksoz. Lafason ki dimoun in kritik Lasante. E mon santi poudir i keksoz ki mon kapab tenir.

Alors pou mwan, sa si dizon mon ganny apwente pou pran portfolyo Lasante, mon santi kritik i partou dan lavi. I dan Lasante, i dan Ledikasyon, i dan Servis Sosyal, i partou. Me definitivman kekfwà in annan bokou pou lasante. Me i pa keksoz ki ou pa pe kapab. Akoz serten kritik i bon, i ed ou pou vwar, i ed ou pou arete pou vwar akoz i annan sa kritik, e koman ou kapab aranz li. Alors i pa neserman toultan en move keksoz. Me i annan fason fer li osi.

An term *overseas treatment*, mon konnen poudir 6enm Lasanble ti aprouv en Lalwa lo *overseas treatments*. Ki sa, koman zot pou fer li, koman zot pou *handle* bann *appeal*. E sa in pase, e mon konpran ki sa pe ganny

enplimante. Selman parey ou dir, eski i annan nesesite pou nou *refund* dimoun ki al servis swen medikal aletranze, e ki ler i retournen i ganny *refund*? Mon pa kapab *go against* Lalwa Sesel, me mon annan en *belief* personnel koman en dimoun.

Si konmela en dimoun in al en servis lasante, akoz i annan larzan in al deor, e ki ler i retournen, keksoz kekfwa ki ti'n kapab ganny fer isi, i pe demande zis akoz li in anvi al deor i pe demann *refund*. Mon demann kestyon, eski i ekitab? Eski tou dimoun i kapab al fer sa? Eski en sistenm pou kapab soutenir en sistenm koumsa?

Si en dimoun i servi nou servis lasante, ki an plizyer repriz i pa'n ganny en *diagnosis*, i pa'n ganny en tretman, e ki in deside pou li ale, in retournen in ganny en tretman. I bezwen kekfwa kontinyen sa tretman. Eski annan en nesesite pou nou vwar si son ka i esansyel, i byen e ki nou bezwen ed li, asiste li?

Si nou dir swen medikal i a la porte tou Seselwa, mon krwar nou kapab reponn sa kestyon dan en fason kekfwa afirmativ. Me alors sa ki selman ki nou bezwen pe vwar, ki nou napa en sistenm ki benefisyen serten dimoun ki anvi pran son tretman en landrwa, me ki nou

annan en sistenm ki ekitab. Ki si ou pa'n kapab ganny en swen isi, e ki ou'n kapab arive ale, e sa swen pa ti *available* isi, e ki ou kapab kekfwa ganny en rekour pou ou ganny asiste. Sa i mon repons.

E parey mon dir i mon *belief and*, me i annan en Lalwa an plas. E sa Lalwa in ganny fer par diferan dimoun ki konn byen Lalwa ki'n pase. E pou dan sa fason in met en *Appeals Committee* an plas, ki kapab *handle* sa bann diferan keksoz lo bezwen en *refund or not*. Mersi.

### **MR SPEAKER**

Mersi. Onorab Loze.

### **HON JOHAN LOZE**

Mersi Mr Speaker. Mrs Vidot ou predeser dan son kapasite koman Minis Lasante, i ti pe *adhere to a very strict Policy of zero lenterferans politik dan travay, bann profesyonnel lasante*. E sa ti tre vizib dan zesyon sa kriz *COVID*. La lemonn pe re plonz dan plen milye sa pandemi.

Mon zis anvi konn ou pwennvi personnel e senser lo sa, eski ou personnelman ou krwar ki pa devret annan okenn form lenterferans politik avek bann profesyonnel lasante, letan zot pe desarz zot bann

fonksyon antan ki bann profesyonnel? Mersi madanm. *Thank you*, Mr Speaker.

**MRS PEGGY VIDOT**

Mersi Onorab pou kestyon. Tou profesyonnel lasante letan zot pe komans zot karyer, dan diferan fason zot *pledge* pou zot delivre lo en baz ki zot pa vremen anmenn okenn diskriminasyon, kont diferan group dimoun ki enkli *political affiliation of* en dimoun.

Alors lefe ki tou *professional* lasante i *pledge* sa, mon krwar koman en *health professional* ki mwan osi mon'n fer sa, alors i mon panse, i mon *belief* ki sa i esansyel. Me selman, parey ou dir, nou dan en kriz, in ganny dir poudir nou dan en *health emergency*. Dan en *health emergency the Commissioner of Health* i pran *leadership*, dan ki sa ki pei i bezwen. E mon santi poudir i devwar tou *leadership* lasante kan sa i arive, ki ou donn sa Komisyoner Lasante son *full* responsabilite, pou li *lead* sa *health emergency*. Mersi.

**MR SPEAKER**

Mersi Mrs Vidot. En leklersisman? Siplemanter ...

**HON JOHAN LOZE**

Yes, Mr Speaker en leklersisman.

**MR SPEAKER**

Ok mon a permet ou. Vitman silvouple.

**HON JOHAN LOZE**

Mon santi ki mon kestyon pa'n ganny reponn a 100poursan. Sa ki mon anvi konnen Mrs Vidot, eski ou ...? Ou'n reponn *from* pwennvi responsabilite sa profesyonnel lasante. Mwan ki mon pe kestyonn ou lo la plito, se politisyen. Zot eksprim tou sord kalite lopinyon vizavi travay bann profesyonnel lasante. Zot enterfer, zot le zwe avek keksoz, aranz keksoz. Fer dan zot fason ki zot *layman's opinion* i dir zot keksoz i devret ete.

Eski ou koman en profesyonnel lasante, ou santi ki mwan en politisyen ki pa'n formen dan ou domenn, mon devret annan okenn *péjorative* pou enterfer dan ou fonksyonnman profesyonnel toulezour? E okenn profesyonnel lasante, eski i devret lenterferans sorti kot okenn politisyen dan zot fonksyon profesyonnel? Mersi.

**MRS PEGGY VIDOT**

Ou'n demann mwan ki mon panse lo la. E mon repons sete

ki mwan koman en profesyonnel lasante, mwan osi mon'n pran sa *pledge*. E si mon'n pran sa *pledge* mon bezwen respekte sa ki mon'n fer, e sa i mon *belief*. Alors sa koman en profesyonnel lasante.

**(APPLAUSE)**

**MR SPEAKER**

Ok. Mersi Mrs Vidot. Entervenans swivan Onorab Adelaide.

**HON FRANCOIS ADELAIDE**

Mersi Mr Chair. Bonn apre midi zot tou. Bonn apre midi Mrs Vidot. Mrs Vidot ozordi dan sa Gouvernman, problem se ki dimoun pa kapab pran desizyon. E se sa rezon ki ou war nou dan sa sityasyon ozordi. E nou war.....

*(laughter)*

**HON FRANCOIS ADELAIDE**

(avan *sorry*,) avan wi, wi.

**MR SPEAKER**

Silvouple.

**HON FRANCOIS ADELAIDE**

... *ok*? Se pou sa rezon ki ou war nou dan sa problem ozordi. *Ok*? So, mon pe demann ou, eski ou koman sa madanm ki ou pe tante la pou vin Minis,

eski ou en dimoun ki kapab pran desizyon vitman? Ki *firm*, e ou responsab ou desizyon ki ou pran?

Akoz mon pe demann ou sa? Akoz ozordi dan nou Gouvernman ki nou ladan la, nou le dimoun ki kapab pran desizyon e fer keksoz pou nou Nasyon. Mersi.

**MR SPEAKER**

Mersi Onorab. Mrs Vidot, wi.

**MRS PEGGY VIDOT**

Mersi Onorab. Onorab, si ou ogard dizon mon parkour profesyonnel, mon'n dan en kantite pozisyon kot desizyon in bezwen ganny pran, desizyon difisil. Desizyon ki bezwen ganny pran vit. Ki isi lokalman, nasyonanman, enternasyonanman, e mon krwar mon'n kapab fer li. Sankwa mon pa ti pou'n kapab delivre. Alors mon panse repons pou ou kekyon, se wi.

**MR SPEAKER**

Mersi Mrs Vidot. Onorab Michel Roucou.

**HON MICHEL ROUCOU**

Mersi Mr Speaker. Bonswar tou Onorab. Bonswar tou zabitan Mont Fleuri ki a lekout. Mr Speaker mon kekyon pou Mrs Vidot, i si an ka i ganny sa

portfolyo pou Minister Lasante, ki son Minister pou fer pou ankouraz plis zenn pou zwenn *nursing*? E ki son Minister pou fer pou ankouraz bann ki'n kite dan *nursing* pou *rejoin nursing* ankor? Mersi.

**MR SPEAKER**

Mersi Onorab. Mrs Vidot.

**MRS PEGGY VIDOT**

Mersi Onorab pou ou kestyon. Mon krwar ki ou kestyon i spesifikman lo *nursing*. Me mon panse poudir bezwen pou travayer lasante i pli gran ki zis pou *nursing*. E mon santi poudir i annan en kantite keksoz ki nou kapab pe fer, pou ankouraz dimoun vin pran sa bann profesyon dan lasante, e sirtou *nursing*.

Me parey mon'n dir, pou en dimoun kapab pran en profesyon dan *nursing*, i bezwen annan sa lanvi. E pou kapab devlop sa lanvi, se i pou bezwen pe regarde poudir sa ners kefwa kot i travay, i en landrwa ki byen. Sa ners i fer byen son travay. I bezwen annan si ou le en pti pe *role models*. E sa mon krwar ki i esansyel ki nou devlop li en pe, dan nou pei, pou nou kapab atir dimoun dan *nursing*.

An menm tan, zot kapab anvi vin *nurse*, solman zot napa

sa *academic* bagaz pou zot antre direkteman. Mon konpran poudir Lekol Lasante in etabli letan ki mon ti *PS*, i en keksoz ki mon ti pouse, etabli en program ki pou kapab anmenn zot lo nivo, konmsa letan zot in ariv sa nivo, zot kapab *join* sa letid pou zot vinners. Ou si non lezot travayer dan lasante. Mon krwar sa i enportan.

Me definitivman, nou pou bezwen pe kefwa en keksoz en pe pli gran, pou nou kapab fer travay profesyonnel dan lasante en pe pli vizib. Ki dimoun i santi poudir zot anvi zwenn nou. An menm tan retir en kantite lafreyer e *myth*. Akoz pou en kantite dimoun kefwa travay avek dimoun malad. Travay avek serten keksoz ki zot vwar en pti pe efreyan, i *put zot off*. E kefwa nou kapab en pti pe *demystify* sa bann kalite keksoz, pou ed dimoun pou war en travay dan lasante bokou pli ankourazan. E bokou pli atiran. Mersi.

**MR SPEAKER**

Mersi Mrs Vidot. Onorab Naddy Zialor.

**HON NADDY ZIALOR**

Mr Speaker bann kestyon ki mon ti pou demande in fini

ganny kouver par Mrs Vidot.  
Mersi.

**MR SPEAKER**

Mersi. Swivan Onorab Georges Romain.

**HON GEORGES ROMAIN**

Mersi Mr Speaker. Bonn apre midi Mrs Vidot. Mon ti ava kontan konnen ki ou plan lo kote *overseas treatment*? Tan ki nou konnen bokou dimoun i al deor pou al trete. I enkli Gouvernman i anvoye, oubyen dimoun lo zot menm zot al prive. Nou konnen i kout bokou lo pei, e alors ki mon ti a kontan konnen ki ou pou fer, si ou vin Minis Lasante pou kapab redwir sa kou? Mersi.

**MR SPEAKER**

Mersi Onorab. Mrs Vidot.

**MRS PEGGY VIDOT**

Nou realize poudir kalite maladi ki nou pe annan isi Sesel, i demann serten servis ki kekfwa plis spesyalize ki nou deza annan isi. Koman en pti pei nou pa pou kapab annan tou spesyalite ki ou bezwen dan servis lasante. Mon krwar i en keksoz ki nou pa pe kapab pou 100mil dimoun, mwens ki 100mil dimoun. Nou pa pou kapab annan tou sa bann *super specialist*.

Me selman, i pa savedir ki akoz nou napa sirplas, ki nou pa kapab ganny zot servis. Mon krwar keksoz in evolye en kantite dan lasante. En spesyalis i kapab pe asiz an *Allemagne*, e pe fer en konsiltasyon avek en pasyan isi. Ki i fer ki i ava kapab anpes sa pasyan sorti isi al laba. E sirtou si nou, nou spesyalis i pe travay an kolaborasyon. Mon krwar ki i en keksoz ki nou pou bezwen eksplor bokou plis. Kekfwa nou bezwen investi dan serten lekipman ki pou permet nou fer pli byen sa.

Napa rezon par egzanp, akoz nou pa pe kapab anvoy nou bann zimaz *MRI*, pou ganny en lot lopinyon kot en lopital pli spesyalize, dan diferan parti lemonn, ki nou kapab fer li dan sa fason. Menm si mon'n dir sa, mon santi poudir keksoz ki nou bezwen fer plis pou nou koup nou kou lo *overseas treatment*, se premyerman prevansyon.

Lamazorite, en kantite maladi ki nou pe anvoy deor i kapab ganny anpese, devlope, si nou annan an plas en bon stratezi prevansyon. Alors sa kekfwa i pou premye keksoz. Ler nou anpese.

Si nou'n arive nou pa'n kapab anpese, me ki nou detekte boner. Akoz ler nou detekte boner, nou napa en

kantite konplikasyon. E i posib kekfwa ki nou kapab *manage* sa isi dan en serten fason. Me alors a detekte maladi boner, *improve* nou kolaborasyon avek landrwa ki nou deza pe travay avek. E rod plis landrwa kot nou kapab ganny plis spesyalis, e devlop nou *eHealth* or *telemedicine* en pe plis. Mersi.

**MR SPEAKER**

Mersi Mrs Vidot. Onorab Chantal Ghislain.

**HON CHANTAL GHISLAIN**

Mersi Mr Speaker. Bonn apre midi Mrs Vidot. Mon kontan en lot Digwaz i la, mersi. Mr Speaker mon kestyon pou Mrs Vidot i annan pou fer avek letan i ti *PS*. Mon ti a voudre konnen konmsi ki bann difikilte dizon, ou ti'n vwar Minister Lasante antye ouswa bann lasante antye, ti pe fer fas avek? *And* si sa bann keksoz in amelyore ouswa in deteryore?

E dan sa lespas 4an ki ou pa'n dan lasante, ler ou'n retournen, eski ou vwar i ankor parey ouswa sa bann keksoz in amelyore ouswa in deteryore? Mon ti anvi konn sa.

E apre mon dezyenm kestyon Mrs Vidot, koman en profesyonnel lasante, ler ou pou sermante pou ou vin en Minis definitivman ou pou vin en

politisyen. E koman sa profesyonnel lasante e koman sa politisyen, eski personnelman dizon par egzantp, ou pou enterfer dan bann lezot desizyon ki bann lezot profesyonnel lasante, dizon i pran? Mersi.

**MR SPEAKER**

Mersi Onorab. Mrs Vidot wi.

**MRS PEGGY VIDOT**

Mersi Onorab pou ou kestyon. Ou demann mwan ki gran problemn ti annan letan ki mon ti *PS*? Bon, mon panse lo diferan nivo. Par egzantp si nou pran kalite maladi, mon krwar poudir nou annan en fason avek *COVID-19*. Me osi avek keksoz parey *HIV AIDS*, ek *Hepatitis C*, nou'n war si ou le en *resurgence of* maladi afektyez, *infectious diseases*.

Nou ti annan osi en kantite *non-communicable diseases*. E mon pa santi poudir kekfwa, tou sa in fini ale. E letan ou pe ogard bann *statistics*, i paret mwan poudir *if anything* ki zot in monte. *Ok?* Nou ti annan problemn toultan, problemn resours. Problemn Resours Imen. Nou pa'n zanmen annan tou dimoun ki nou ti bezwen. E an nonm ek *skills* ki nou bezwen, dan

landrwa kot nou ti bezwen annan zot.

Alors, be mon panse poudir dan sa bann dernyen lannen, in annan en kantite *recruitment* sirtou lo kote *overseas nurses*. E an menm tan, nou'n annan en kantite zenn dokter Seselwa ki'n retournen. So, mon panse poudir kekfwa sa in kapab amelyor en pe. Me anvi ki mon pa'n fer en *assessment of* lasante. Akoz mon pa konnen kot mon pe al travay, mon pa pe kapab reponn ou, pou dir sa in amelyore swa i pa'n amelyore. Me solman i vizib ki i annan plis.

An term bann proze. Bann Sant Lasante dan bann distrik, lopital, mon santi poudir. Or mon vwar poudir kekfwa i ankor annan en gran bezwen. Mon konnen poudir koman en Digwa, in en keksoz ki toultan dimoun La Digue pe demande si zot pou ganny en lopital. E mon krwar, nou pa ankor arive fer li. Me taler Mrs Lemiel ti pe koz lo *outpatient*, ki depi dan mon letan mon konnen poudir ti la. E mon war poudir nou pa ankor kapab arive fer li.

So, lo sa pwen mon santi poudir i annan keksoz kekfwa ki'n amelyore, me solman i annan en kantite keksoz, en kantite defi ki ankor avek nou.

Ou dir mwan si konmela mon ganny sermante pou vin en Minis, i en *political post*. Eski koman en dimoun ki en *health professional* ek en politisyen mon pou enterfer? Taler mon'n reponn poudir koman en *professional* ou'n fer serten *pledges*.

E mon bezwen *believe* dan sa ki mon'n fer. E ki nou le dir par enterfere? Sa mo i gran, i kapab ganny enterprete diferaman. Me selman kot en desizyon ki'n pran, i annan zistifikasyon akoz sa desizyon in ganny pran, ou pa kapab zis dir akoz ou en politisyen ou vini ou sanze. Sa i ava mon repons. Mersi.

### **MR SPEAKER**

Mersi Mrs Vidot. Onorab Philip Monthy.

### **HON PHILIP MONTHY**

Mersi Mr Speaker. Bonn apre midi tou Manm Onorab. Bonn apre mid Mrs Vidot. Bonn apre midi Mr Speaker. E bonn apre midi tou zabitan Cascade ki pe swiv sesyon Lasanble ozordi.

Mrs Vidot dan ou prezantasyon taler ou'n koz lo en reform ki ou ti partisip ladan pou rann sistenm lasante pli modern. Mon kestyon se, eski i byen pou nou dir ki la an se moman ler ou pe koze, Sesel i

annan en sistenm lasante ki modern? E si ou, ou ganny donnen sa portfolyo Lasante, eski i annan okenn *area* dan domenn lasante ki ou santi i en priyorite ki devret ganny modernize ankor?

E la ler mon pe poz sa kestyon, mon mazin ti annan en proze pou digitalize *file* bann pasyan, ki mon pa konnen si sa in ganny realize. Donk, eski sa i en proze ki ou anvizaze antreprann? Mersi.

**MR SPEAKER**

Mersi Onorab. Wi Mrs Vidot.

**MRS PEGGY VIDOT**

Mersi Onorab. Ou dir mwan si i annan nesesite pou nou refer serten ankor reform? Sa ki ti modern 4an pase, ou pa pe kapab dir poudir ozordi i modern. I ti modern pou 4an pase, me mon sipoze letan ou pe fer keksoz koumsa ou regard en pe pli lwen. Mon sipoze i ankor annan en kantite keksoz ladan ki ankor ase relevan.

E si i annan nesesite pou nou revwar serten lezot fasilite *or areas*, ki bezwen ganny re modernize, mon panse poudir *health* i toultan en *involving things*. Sa ki nou ti tret dizon en maladi avek 2an pase, in nepli kekfw kouran konmela.

E nou bezwen sanze. Alors toultan pou annan nesesite pou kontinyen regarde, analize e fer reform kot i bezwen pou fer servis lasante vin pli performan, e pli *meet needs of* nou popilasyon. Alors pou sa rezon i posib ki i annan sa. *Sorry* mon'n mank ou trwazyenm kestyon.

**HON PHILIP MONTHY**

I annan sa size *digitalize file* bann pasyan ki en pe letan mon'n swiv Lasanble mon'n tann koz lo la. Me mon pa'n zanmen tann dir poudir sa in fini fer, oubyen in ganny realize. Donk, eski sa i en priyorite pou ou? Mersi.

**MRS PEGGY VIDOT**

Wi en *Health Information System* i en priyorite. I ti en priyorite kan mon ti kit servis lasante an 2003 pou mwan al aletranze. Mon ti retournen an 2012 i ankor en priyorite. E la mon konpran poudir nou'n bouz en pti pe avek. Nou'n devlop en kontra avek en *firm* ki pou fer li. E mon konpran poudir en *MOU* in fini ganny sinyen.

Me i definitivman en gran priyorite. E en bezwen ki nou ti annan en bon pe letan avan. Me pou diferan rezon i pa'n materyalize, me mon konpran

la keksoz pe ganny met an plas pou li. E i en keksoz ki definitivman i esansyel, e ganny bezwen pou se par nenport ki dimoun ki vin dan lasante.

**MR SPEAKER**

Mersi Mrs Vidot. Onorab Regina Esparon.

**HON REGINA ESPARON**

Mersi Mr Speaker. Mr Speaker mon ti a kontan demann Mrs Vidot, avek sa gran bagaz ki i annan dan lasante, si i ganny donnen portfolyo Minister Lasante, kwa ki i pou fer pou konsidere ki program *methadone* bann adikt i ganny konsidere anba en program Minister Lasante avek bon sirveyans olye anba APDAR parey i ete ozordi? Mersi.

**MR SPEAKER**

Mersi Onorab. Mrs Vidot.

**MRS PEGGY VIDOT**

Bon, adiksyon i en, si ou le en keksoz ki bezwen ganny *manage* dan en serten fason spesifikman pou adres li. In annan en Polisi ki'n retir sa servis dan lasante pou met li anba en group spesyal ki pou revwar sa, pou *manage* sa adiksyon. Mon panse poudir pou nenport ki, ki pe asize la ki pa'n vwar bezwen aköz ti

bezwen fer li koumsa. Koman i pe ale, si i pe byen fer, ou sinon si i pa pe byen fer. San sa bann lenformasyon, en dimoun pa pe kapab zis dir poudir nou a tir li la, nou a met li la.

Mon krwar pou nenport ki servis, i bezwen en evalyasyon pou ou kapab kolekte sa kalite levidans pou ou form ou desizyon. Alors si i en keksoz ki bezwen ganny evalye, mon panse Gouvernman i ava evalye li, e ler nou ava annan tou lenformasyon. Mon panse en desizyon kote i asiz pli byen, si avek en servis spesyalize zis pou adiksyon. Si i sipoze vin dan Minister Lasante, ou sinon si i sipoze al en lot landrwa. Mersi.

**MR SPEAKER**

Mersi Mrs Vidot. Onorab Desheila Bastienne.

**HON DESHEILA BASTIENNE**

Mersi Mr Speaker. Bonswar tou Onorab. Bonswar Mrs Vidot. Mr Speaker mon kestyon ti en pti pe dan laliny lo menm kote ki Onorab Lemiel ti pe refer avek Mrs Vidot taler. Lo menm fonksyon lopital Anse Royale. Me de menm mon ava kontinyen avek mon kestyon.

E pou mwan dan distrik Perseverance i annan en gran lopital, ki ler ou gete depi son

louvertir i pa'n ganny servi totalman dan lentere zabitan Perseverance.

Ozordi i pe ganny servi koman en fasilite karantenn. Perseverance i en gran distrik, anefe i separ an de. Mrs Vidot si ou ganny sa portfolyo Minister Lasante, eski ou pou revwar fonksyon sa lopital, kot i ava plis dan lentere zabitan Perseverance. Mersi.

**MR SPEAKER**

Mersi Onorab. Wi, Mrs Vidot.

**MRS PEGGY VIDOT**

Mersi Onorab. An se moman nou dan en sityasyon kot nou'n ganny deklare poudir i annan en *health emergency*. Dapre mon konpran Lalwa dan en *health emergency* i donn Komisyoner Lasante sa lotorite, pou li pran nenport ki lenstitisyon, *building* pou deservi bezwen a sa moman.

E la koman nou ankor dan sa sityasyon *health emergency*, i enportan pou vwar ki Konmisyoner in vwar sa letablisman, sa *building* koman landrwa kekfwa ki pli bon ki nou annan an se moman, pou servi li dan sa fason.

Me selman parey ou dir, eski i annan bezwen pou nou ofer servis lasante pli pre avek bann zabitan Perseverance?

Mon krwar i enn bann keksoz letan mon ti travay dan lasante avan, Ki nou dir nou sey anmenn servis lasante pli pre posib avek sa landrwa kot dimoun pe reste. E alors mon pa santi, mon pa krwar poudir sa Polisi in sanze.

E definitivman an vi ki i annan en bezwen pou Perseverance, *whoever* i Minis Lasante i merit vwar poudir i pe anmenn li pli pre, si i annan nesosite an term kantite dimoun, e son zeografi. Mersi.

**MR SPEAKER**

Mersi Mrs Vidot. Onorab Uranie.

**HON ROCKY URANIE**

Bonswar Mrs Vidot. Parey mon koleg Chantal in dir, mon byen kontan pou war en Digwaz la. Bon, ler mon'n get ou portfolyo mon vwar ki ou vreman annan pou fer avek lasante. E ler nou pe gete byensir nou, nou pe vwar ou pe anvizaze ganny mete koman Minis Lasante.

E i annan en *outcry* La Digue la, kot bann Digwa pe swete, pe kriye, pe demande, pe enplor ou, pou zot ganny zot nouvo lopital. E mwan mon anvi konnen, vi ki mwan mon dan *US*, e Gouvernman, ler ou gete *LDS* ki in met ou la, e nou pe rode prezan si vreman ou

pou pouse pou fer Digwa gannyan sa lopital? Sirtou pou desantraliz en pe parey nou ti pe dir. E koup lo gaspiyaz kot Digwa i bezwen sirkile.

**MR SPEAKER**

Mersi. Mrs Vidot, wi.

**MRS PEGGY VIDOT**

Mersi Onorab. Mon panse poudir sa ki mon ti konnen letan mon ti la, proze Lopital La Digue ti deza en keksoz ki ti'n ganny aksepte. E ki ti pe ganny finanse. Akoz i pa ankor fer, mon pa konnen. Me solman mon realize poudir in annan diferan keksoz. Par egzanp an se moman bann *capital projects* pa pe kapab ganny fer.

Me mon krwar bann fasilite lasante i bezwen ganny fer kot i annan son bezwen. E si Lopital La Digue i enn ki en priyorite, *according to* mannyer in ganny konsevwar. Pou nenport ki fasilite ki bezwen ganny *build* si i priyorite, mon krwar nou devwar koman, si konmela mon dan en servis lasante Minister Lasante, ki nou pou pouse pou fer li. Me tou keksoz ki annan priyorite, e ki i annan resours pou fer, mon krwar i merit ganny fer.

**MR SPEAKER**

Mersi bokou Mrs Vidot. A sa pwen nou'n ariv a lafen lalis kestyon. E mon pou demann. Pardon eski zot in lev lanmen avan, oubyen kwa?

**HON AUDREY VIDOT**

Mr Chair avek ou permisyon mon annan en *matter of privilege*. I fer de repriz ki mwan avek mon koleg Onorab la pou Point Larue, nou'n lev lanmen. E nou pa'n ganny sans pou nou kapab demann kestyon.

**MR SPEAKER**

*Ok* mersi bokou. En problem ki mon annan se ki, en kantite dimoun i lev lanmen ansanm. E mon pa touzour ganny lord. Mon pou permet sa de kestyon. Mersi. Zis an lespri magnaminite. Alors Mrs Vidot silvouple poz ou kestyon.

**HON AUDREY VIDOT**

Mersi Mr Chair. Bonn apre midi tou Manm Onorab. Tou manm piblik ki a lekout. Mrs Vidot bonn apre midi. mon kestyon i *comme* swivan; ou nivo ledikasyon e leksperyans dan Gouvernman sortan *US*, ou'n kontribye bokou dan sa Minister letan ou'n okip bann pozisyon kle. Alors, eski ou rekonnet e aksepte ki Sesel i annan en meyer sistenm

lasante malgre bann limitasyon e kritik?

*LDS* in anmenn en kanpany ver sanzman dan sistenm gouvènanans *US*. Alors, eski ou annan lentansyon sanz bann Polisi ki ou'n donn lanmen met an plas, ler ou'n *PS* dan Gouvènanman sortan?

Oubyen ou pou batir lo sa bann bon Polisi ki Gouvènanman *LDS* in vin zwenn? E eski ou pli krwar ki bann sanzman *LDS* in anmennen dan kanpany '*DANNY OUT*', i fer plis sans, ki sa bann ki ou, ou'n donn lanmen etabli oparavan? Mersi.

**MR SPEAKER**

Onorab Vidot mon a fer remarke ki ou kestyon napa bokou pou fer avek konpetans Mrs Vidot.

*(laughter)*

**MR SPEAKER**

Me selman mon a demann Mrs Peggy Vidot pou adrese kantmenm.

**MRS PEGGY VIDOT**

Mersi Onorab. Mon sipoze mon'n sanse akòz mon'n travay avek diferan Gouvènanman. E dan mon parkour mon'n vwar en kantite swen servis lasante. E prensipalman dan en kantite

bann Leta Pti Zil ki dan Karaib, ou sinon dan *Pacific*, an menmtan dan Losean Endyen.

Mon a dir poudir Sesel i annan en servis lasante ki baze lo en lapros, ki vreman byen. E ki Sesel i annan en servis, e in etabli en *network health* fasilite ki anmenn lasante pre avek son sitwayen.

Selman mon krwar mon ava ezite pou mwan dir poudir, i meyer dan lemonn. Akòz i annan en kantite pei, en pe avek menm kalite karakteristik ki nou, ki annan tre bon sistenm. Pa dir poudir pou nou pa bon. Me pou nou i servi nou, me i pa neserman kapab ganny klasifye koman meyer.

An term ki Polisi, i vre ki parey i dir dan mon CV, ki mon'n travay letan mon ti *PS* pou etabli Polisi pou Lasante. E ki Polisi si mon pou sanz sa ki mon krwar i la, polisi letan ou'n etabli li, mon krwar i esansyel ki ou kontinyen *monitor*. Pou ogarde si i pe reponn ou bezwen a moman kot i bezwen.

E si Polisi ki nou'n etabli 2015, ti pou vin 2016-2020, i bezwen ganny revize pou anmenn pli bon servis. Pou amelyor servis, e pou si ou le ankadre tou sa ki bezwen. Par egzanp en Polisi pou bezwen ganny sanze, akòz nou pe

anmenn en sistenm *Health Information* dan lasante. I pou bezwen pe adres sa, dan en fason ki manner keksoz pou ganny fer.

So Polisi i bezwen si ou le toultan *meet* bezwen sa Nasyon. Alors, me i pa zis ganny sanze akoz i bezwen ganny sanze. Me i ganny sanze akoz i annan *need* pou sanze. Sa se mon pwennvi. Mersi.

**MR SPEAKER**

Mersi Mrs Vidot. Ou annan en siplemanter lo menm size? Lo size konpetans Mrs Vidot silvouple. Wi *ok*.

**HON AUDREY VIDOT**

Mon ti le zis dir ou mersi, akoz mon kestyon, ek konpetans ou'n kapab reponn. Mersi.

**MR SPEAKER**

Mersi Onorab. Onorab Conrad Gabriel.

**HON CONRAD GABRIEL**

Mersi Mr Speaker. Bonswar tou koleg Onorab. E bonswar spesyal tou zabitan Point Larue. Vi ki en bon pe kestyon in preski fini ganny elabore, mon annan en pti propozisyon Mrs Vidot, oubyen en sizesyon.

Vi ki zabitan Point Larue pe vyei, popilasyon pe vyei. E i annan bokou presyon lo *Health*

*Clinic* Anse Aux Pins, mon ti ava apresye senserman enplor ou Minister, pou get dan posibilite pou nou distrik ganny en *Health Centre*. Mon'n aprann avek Mrs Bistoquet la, ki i annan bon lantant zot de. I ti ava fer li pli fasil pou Gouvernman pran sa sizesyon or propozisyon met *onboard*, pou benefis dimoun dan mon distrik. So, vi ki kestyon in fini pase. Se sa mon sizesyon pou ou. Mon a dir ou mersi bokou.

**MR SPEAKER**

Mersi. Mrs Vidot. Mon a permet ou en dernyen parol lo son sizesyon.

**MRS PEGGY VIDOT**

Mon a dir Onorab, mersi pou son sizesyon. E ki bezwen lasante, i pou tou kous popilasyon i merit ganny toultan byen adrese. Mersi pou ou sizesyon.

**MR SPEAKER**

Mersi. Nou'n ariv a lafen sesyon kestyon. Mon a dir Mrs Vidot en gran mersi pou son letan. E mon a demann li pou fer son depar silvouple. Mersi.

***(MRS PEGGY VIDOT WAS EXCUSED FROM THE HOUSE)***

**MR SPEAKER**

Ok, avan nou pas lo sesyon deba. Permet mwan en pti kestyon prosedir, eski i permet pran en *adjournment at this point*, oubyen nou devret kontinyen avek deba? Vi ki sa i en lot staz, nou'n fini arive. Kapab? Ok si nou kapab, mon ava *adjourn* pou 15 minit. E nou ava retournen 15 minit, ok. Mersi bokou.

***(BREAK)***

**MR SPEAKER**

Nou pe retourn dan Staz Lasanble alor. Mersi bokou. Mon a demann Onorab Georges pou pran laparol.

**HON BERNARD GEORGES**

Mersi Mr Speaker. Mr Speaker mon rezerv mon drwa a sa moman pou fer en *Right of Reply*, apre ki okenn Manm ki ti a kontan koz lo mon Mosyon. Mon napa naryen pou dir plis ki sa lo mon Mosyon pou le moman. Me mon ava sertennman pran en pti *Right of Reply at the end*. Mersi.

**MR SPEAKER**

Mersi. Ok, nou ava komans avek Onorab Gervais Henrie.

**GERVAIS HENRIE**

Mersi Mr Speaker. Ankor enn fwa bonn apre midi tou dimoun, sirtou tou dimoun dan distrik Mont Buxton. Mon pou tre bref. I annan 2 pwen ki'n sorti dan prezantasyon Mrs Vidot, ki mon krwar akoz i merit sipor 7enm Lasanble Nasyonal dan son nominasyon.

Premyerman i en Seselwa ki nou vwar in sorti dan retret, e in dir nou dan larepons lo mon kestyon, ki i santi i ankor for, i ankor annan pou kontribye, i en Seselwaz byen kalifye dan servis piblik.

Mon pa konnen ki portfolyo ki i pe al fer, me i annan en bagaz leksperyans ki alor i santi dan sa moman en nouvo Gouvernman i bezwen son sipor, e in volontye pou vin devan pou donn en koudmen.

E pour sa nou bezwen salye li e nou bezwen siport sa bann kalite lantouzyazm, e linisyativ par lapar bann endividi dan nou pei.

Dezyenmman lo larepons en lot kestyon, mon krwar ti Onorab Andre ki'n demann li sa kestyon, lo kestyon bann Seselwa ki aletranze. E in reponn dan en fason ki nou toultan *welcome* lekspertiz talan tou Seselwa atraver lemonn.

E sa 2 keksoz in tous mwan, akoz i repann tenm

ouswa slogan kanpanyan Gouvernman parti *LDS*, 'Sesel pour tou son zanfan', tou Seselwa nenport landrwa kot ou ete dan lemonn ou annan en par pou kontribye dan devlopman nou pei.

E enn bann premye lapel ki Prezidan Wavel Ramkalawan ti fer, apre son viktwar kot Biro Komisyon Eleksyon, zisteman pou etann son lanmen avek tou Seselwa atraver lemonn, e osi dan Sesel pour nou dezormen pran en kiltir travay. Tan ki ou konnen ki ou kapab kontribye, vin devan e donn en koudmen Sesel pour ki nou kontinyen avanse. Alor zis lo sa 2 pwen ki'n leve mon pou donn li tou mon sipor dan son nominasyon. Mersi Mr Speaker.

### **MR SPEAKER**

Mersi Onorab Henrie. Onorab Aglae.

### **HON EGBERT AGLAE**

Mersi Mr Speaker. Mr Speaker ler mon'n ekoute bann repons ki Mrs Vidot in reponn, e osi ler mon'n regard son CV ki mon'n war i en CV ki ase plen an term leksperyans.

Kot premyerman ler in komanse an '77 mon'n war ki in al enstriker *nursing* kot apre in pran karyer koman en *Principal Nursing Officer*, apre '87, nou'n

war ki in vin en Direkter pou *Nursing* Lopital, '95 kot in pran en *post* kot Direkter *Health Planning*.

Mr Speaker apre ki in kite in ale an 2003 kot in al zwenn Sekretarya *Commonwealth*, ki'n tournen koman en *Special Advisor* 2012 e 2013 in vin *PS*.

Mr Speaker ki fer mon war poudir in zwe en rol ase enportan, kot i konsern devlopman *nursing* pou Sesel e menm anmenn serten kontribisyon aletranze.

Mr Speaker malgre tou sa, sa Minister, i en Minister ki vremen annan bokou pou fer. I en Minister ki anba bokou kritik si i pou ganny *allocate* sa portfolyo e i demann en dimoun pli for ankor ki sa ki mwan mon pe get devan mwan.

E mon santi poudir ki avek lapiy sa departman si i pou pran sa portfolyo, i pou bezwen annan en lantant pli o nivo. Mon dir sa akoz dan sa Minister i napa zis *nursing*, i annan domenn farmasetik, nou annan osi bann *staff non-core* Minister Lasante ki souvandfwa pe kit deryer, ki bezwen ganny gete pou kapab fer sa Minister fonksyonnen li osi.

Nou annan osi sa tandans ki zis ners ek dokter ki ganny valorize, ki nou bezwen merit

kas sa kalite lasenn dan sa Minister.

E osi nou annan en Lekol *Nursing* ki annan en latas pou revwar lafason striktirasyon sa lekol, eski i pou reste anba Minister Ledikasyon, ouswa i pou retourn avek Minister Lasante pou kapab annan en *property oversight*?

So Mr Speaker nou'n vwar poudir malgre i annan sa konpetans, i pou annan bokou travay ki pou bezwen pe al sey akonpli. E kot i konsern *Community Health Nursing* nou bann fasilite klinik ki war dan distrik. E prezizeman mon koz pou mon distrik Port Glaud, kot a diferan repriz mon'n demande ki sirtou sa enn Beoliere, i ganny *at least* en louvertir Lendi ziska Dimans, menm si pa 24er, ki a benefisye bann zabitan ki pa bezwen al Anse Boileau.

E sa i bann refleksyon ki bezwen ganny met devan, e zot osi koman sa departman koman Minis si i antre i bezwen travay lo la aprofondirman pou fer ki sa bann demann, akoz se nou pep ki pe demande sa, i pa mwan, i nou pep ki'n met nou la ki pe demande ki sa bann servis i al a zot laporte.

E san dout mon konstate ki avek tou bon lentansyon Mrs Vidot, i pou sey vin deservi sa

rol parey in reponn dan son bann repons, me mon swet li tou de bon.

E osi mon osi koman enn bann *ex-travayer* lasante ki'n dan domenn farmasetik, mon enplor mon bann lezot koleg ki ankor la ki pe travay, pou kontinyen travay pou nou pei e tou travayer ki dan Minister Lasante osi, pou zot kontinyen dezers zot profesyonnalite. Mersi.

### **MR SPEAKER**

Mersi Onorab. Onorab Norbert Loizeau.

### **HON NORBERT LOIZEAU**

Mersi Mr Speaker. Bonzour tou dimoun, bonzour zabitan Bel Air ki a lekout devan televizyon ek radyo. Mr Speaker mersi pou donn mwan sa sans pou fer en pei lentervansyon an siportan nominasyon Mrs Vidot.

Mwan personnelman mon konn Mrs Vidot pou en bon pe letan, i en zanmi pros lafanmir osi. Mon konnen ki Mrs Vidot i en dimoun ki pou kapab fer sa travay. I en dimoun ki ase konpetan, mon'n get son *CV* e son *CV* i dir en ta keksoz e atraver son *CV* mwan, mon napa okenn dout ki i pa pou en bon travay.

E mon asire mon dapre mon leksperyans letan mon pe

gete, Mrs Vidot se li ki bezwen vin Minis Lasante, atraver ki mon pe get son CV e mon krwar li. Me selman Mr Speaker pou annan en gro latas devan li sa i kler. Mon'n ekout kestyon sorti lo lot kote latab, e mon'n war ki Gouvernman sortan parey zot in dir, ki siporte par zot lab pa'n fer naryen pou nou lasante. Mr Speaker si mon pe koz manti dimoun deor ki a dir, naryen zot pa'n fer.

Akoz mon'n dir sa Mr Speaker? Onorab Ghislain taler ou a koze, ou'n koze mon pa'n *disturb* ou, les mwan koze *ok*. Mr Speaker wi atraver ou Mr Speaker, me selman nou pa ekspekte mirak sorti kot Mrs Vidot parey laba pe ekspekte mirak.

Nou konnen i annan pou dir i ti *PS* i pa'n fer naryen, me anba sa ladministrasyon sortan ki zot in dir laba, eski Mrs Vidot pou kapab fer keksoz? Eski i ti pou kapab fer serten desizyon, ki li i anvi fer anba sa administrative ki sortan laba ki zot in dir?

Non i pa ti pou kapab fer Mr Speaker. Se pour sa rezon ki in tournen, Mrs Vidot in tournen akoz i annan konfyans dan *LDS* dan sa ladministrasyon.

Onorab Loze in dir enterferans politik, in dir ti

annan, zot ti mete dan lasante kot serten keksoz, serten dimoun ki ti merit ganny serten tretman ti ganny met en kote akoz lenterferans politik. In dir poudir lenterferans politik. Si in dir sa, savedir ti annan Onorab Loze mon war ou pe lev ou lanmen?

Si ti annan ou'n lev ou lanmen ou'n dir ti annan! Mr Speaker nou, nou pou siport son nominasyon, akoz nou konnen ki i en fanm ki pou kapab fer keksoz. E avek nou sipor dan Lasanble, avek nou sipor sa nouvo Gouvernman ki la mwan, mon krwar ki Mrs Vidot pou fer en bon travay.

Nou sipor Lasanble ki nou pou donn li, ler zot pou rod sa Lopital Logan La Digue pandan 20an la, ki ozordi msye mon'n oubliy son non pe rode atraver ou Mr Speaker, Onorab Uranie eskiz mwan, mon byen ek li, konmsi ler mon get 20an, plis ki 20an zot pe esper en lopital ozordi zot pe gel avek Mrs Vidot pou donn zot en lopital? Mrs Vidot pou vin donn zot en lopital Mr Speaker? Mrs Vidot zot Gouvernman ti'n merit donn zot en lopital, e mwan si mon ti dimoun La Digue!

### **MR SPEAKER**

Onorab, Onorab! Mon ti konpran nou pe debat lo konpetans Mrs Vidot, silvouple.

**HON NORBERT LOIZEAU**

Mr Speaker, me selman ler mon vwar sa bann kalite kestyon vini, sorti kot en Gouvernman sortan, ki zot ki ti merit fer sa ozordi pe demann ...!

**MR SPEAKER**

Ou'n fer ou pwen mersi. Kontinyen avek konpetans Mrs Vidot.

**HON NORBERT LOIZEAU**

Ok Mr Speaker. Mr Speaker mon ti anvi dir bokou keksoz, me selman mon anvi dir avek bann dimoun lo kote Gouvernman sortan ki nou, nou pou ekout swa Lepep Seselwa. Ler pep La Digue pou demann Mrs Vidot zot lopital ki pandan plis ki 20an pa ankor gannyen, nou pa pou pran 20an nou pou met dan Bidze. Nou pou donn dimoun La Digue zot lopital!

***(APPLAUSE)***

Zour nou pou rod nou sant pou bann dimoun ki pe pran *methadone*, nou pou rode nou pou donn zot. E mon krwar Mrs Vidot i en dimoun ki ekoute. E avek nou isi ler i pou

demann nou en keksoz ki nou pou aprouve son Bidze pou li gannyen avek sa Gouvernman dirize, par Prezidan Ramkalawan, Mr Speaker, nou napa dout ki nou lasante pa pou avans devan. Mr Speaker mon annan bokou pou dir selman mon ava termin la. Mersi.

**MR SPEAKER**

Mersi. Mersi pou terminen, mon krwar ti'n ler. Mersi Onorab Loizeau. Onorab Clifford Andre.

**HON CLIFFORD ANDRE**

Mersi Mr Speaker. Bonswar you Manm Onorab bonswar tou dimoun ki a lekout. Mr Speaker ozordi nou'n temwanny en dimoun ki'n vin devan nou ki'n ganny propoze par Prezidan Ramkalawan pou pran en *post* Minis. E nou'n temwanny en dimoun ki'n fer en progresyon dan en sekter kot in etidye, e in monte e monte, Onorab Aglae in dir nou bann parkour.

So alors apre ki in pas *PS*, *Special Advisor* dan Minister Lasante, i zis apropiye e fit pou li okip en pozisyon ki pou permet li prezan, pou desarz en responsabilite ministeryel, kot i pou konpran letan bann lezot dimoun dan sa Minister, dan sa profesyon pe koz avek li.

So i pou kapab *relate* sa bann keksoz ki zon bann *staff* pe koz avek, me en keksoz ki, letan mon'n enterakte avek li, Onorab Henrie in dir ki poudir, sa kestyon ki mon'n poz li lo permet Seselwa ki aletranze retournen pou vin travay e mon vwar larepons pou mwan i ideal. Akoz menm si i annan en etranze, en Seselwa plito ki pe travay aletranze, i kapab fer en kontribisyon kot i ete, oubyen letan i pe vin konze Sesel, pou li fer sa kontribisyon.

So Minister i kapab annan en form *package* ki i gete, pou kapab permet sa dimoun asiste. Alors ou deza vwar ki i pe mazin lo ki mannyer pou *entice* e ankouraz sa Seselwa pou retourn Sesel. So pou man sa i montre mwan konpetans sa madanm dan sa sekter i vremen alaoter.

E mwan koman en profesyonnel, koman en politisyen mon pou siport son nominasyon. E mon konnen lezot pou fer parey. Pou annan en deba lo serten keksoz ki zot ava met devan, me selman a lafen dizour zot pour aprouv nominasyon Mrs Vidot, alors pa neseler mon demann zot pou fer sa aköz mon konnen zot pou fer.

Me en pwen ki mon ti a kontan Mrs Vidot i pran an

konsiderasyon la, letan nou pe get son konpetans, bann travayer lasante dan tou sekter ki drayver lanbilans, ki bann teknisyen ki travay avek masin pou aranze, laport i bezwen ouver pou zot kapab annan en dialog letan i neseler.

Nou konnen ki pou annan bokou pou fer, me selman permet sa dialog aköz i annan bokou sa konplent, ki zot pa ekout nou zot pa tann nou, zot pa permet nou met nou bann konsern devan. So sa i ti ava en keksoz ki mwan mon ti a demande.

*Anyway*, tou dimoun ki pou vin isi, bann Minis ki pe vin isi, mon pou demande ki zot pran sa an konsiderasyon. Alors avek sa Mr Speaker mon ti a kontan konfirmen ki mwan Onorab Clifford Andre, Manm Elekte pou Anse Aux Pins, mon pou donn mon sipor nominasyon Mrs Vidot. Mersi.

### **MR SPEAKER**

Mersi Onorab. Onorab Rosie Bistoquet.

### **HON ROSIE BISTOQUET**

Mersi Mr Speaker. Mon osi parey mon bann lezot koleg mon pou siport sa Mosyon, aköz mon'n ganny sa leksperyans pou mon travay avek Mrs Vidot. E parey nou'n

vwar lo son CV avek enteraksyon ki nou'n fer avek li, mon pou dir i annan en *quality experience*.

Akoz mon dir sa se aköz i pa fasil dan en Minister, mwan mon konn Minister Lasante en bon pe letan, ki nou annan bann *leaders* ki annan en *vast experience* dan diferan domenn. Par egzanp nou pou koz dan *health system* ki i annan sa leksperyans, i annan sa konesans kalifikasyon, dan *Policy*, dan *planning*, dan *operational research, monitoring and evaluation, manpower development*.

E sa ki nou'n trouve ankor i Manm lo diferan Komite Nasyonal e Enternasyonal ki relye avek lasante. E menm letan nou koz lo *Commonwealth* dan lasante, dan Minister Lasante nou swiv tou bann Lalwa Angle parey nou dir kot i konsern *health system*.

E an plis ki sa nou'n trouve poudir in form parti e mon konnen poudir in travay en kantite avek *WHO*, e *WHO* ki *set standards* tou bann *health standards* pou *well*, bann ki *members of WHO, health system standards*.

E an plis ki sa, sa ki nou'n trouve dan son CV in *engage* avek *civil societies*;- *which is*, sa mon krwar i tre enportan, pour

si par egzanp i ganny sa portfolyo Minister Lasante, aköz nou bezwen bann *NGOs* pou travay avek Minister Lasante.

En lot keksoz ki nou bezwen pran kont osi, se ki mon krwar sel Minister ki *multi-disciplinary* se Minister Lasante. I annan ners, i annan dokter, i annan *drivers*, i annan *porters*, i annan tou, tou, tou divers kalite disiplin.

E Mrs Vidot in enn sa dimoun ki'n travay avek sa bann dimoun. E mwan mon'n ganny sans travay avek li, mon pa'n zanmen war li in soutir ners, e o kontrer in met tou dimoun dan menm pannyen e in tret tou dimoun parey.

E an menm tan Mrs Vidot i en madanm. E nou'n konnen dan Lasante e sirtou dan Minister Lasante kot nou parey dan lemonn i ete; "*it is a man's world, it's not a woman's world*" parey nou'n trouve.

E alors sa ki mwan mon pe dir, annou siport Mrs Vidot e donn li sa sans. Aköz lasante nou komans tret nenport ki dimoun *from the womb but just before the tomb*. Alors mon pou donn tou sa sipor Mrs Vidot. Mersi.

**MR SPEAKER**

Mersi Onorab. Onorab Clive Roucou.

**HON CLIVE ROUCOU**

Mersi Mr Speaker. Mr Speaker mon osi mon bezwen pran sa loportinite ankor enn fwa, pou mwan re felisit Mrs Vidot dan son nominasyon, koman Minis. E preferableman ler nou'n lir son CV e nou'n tann li pe debat, pe koze devan nou konnen ki son forte ankor enn fwa, i dan Minister Lasante e pou mwan mon pran en gran loner koman en ners i vremen fer fyer nou profesyon koman *nurses*.

E pou mwan, ler mon regard son bann kestyon ki'n ganny demande avek li, in pran letan pou li eksplike e reponn. E sa i montre en kalite dan Mrs Vidot ki en dimoun ki pare pou ekoute e pare pou reponn e idantifye problem e rezourd problem. Alors mon pran sa loportinite pou mwan remersye li en kantite.

Be spesifikman ler mon'n demann li kestyon lo lespwar pou Minister Lasante. E mon krwar i sa dimoun ki pou redonn Minister Lasante sa lespwar kot dimoun, Lepep Seselwa, i a reganny sa konfidans dan nou sistenm lasante. I a redonn sa konfidans pou nou bann profesyonnel lasante.

Alor san dout mon krwar Mrs Vidot i sa dimoun ideal pou remet nou servis lasante, lo sa pedestal kot i devret ete, si nou Prezidan Ramkalawan i decide donn li sa portfolyo.

Alors mwan koman en ners koman en *colleague* pou li, alors mwan donn li tou sa sipor e mon demann nou 7enm Lasanble pou siport son nominasyon. Mersi.

**MR SPEAKER**

Mersi Onorab. Onorab Chantal Ghislain.

**HON CHANTAL GHISLAIN**

Mersi Mr Speaker. Bonn apre midi tou dimoun. Mr Speaker i touzour fer en loner pou vwar letan en Digwaz or Digwa i pran plas pozisyon dirizan dan sa pei. Si Mrs Vidot i ganny apwente koman Minis, ki mon konnen i pou gannyen, i a fer dezyenm Digwa, zanfan Digwa ki vin Minis isi Sesel.

*And* koman en Digwaz sa i fer mwan fyer osi. Mon konn Mrs Vidot koman en zanfan La Digue. Wi, i bokou pli vye ki mwan, me selman mon konn li byen, mon konn ofet tou son bann fanmir an antye. *And* son bann ser zot in lekol, zot in fer mon lekol si ou vwar mon ozordi mon'n ariv sa grander mon'n

ariv kot mon ete, mon bezwen dir zot mersi.

*And* mon ti dan 5enm Lasanble letan Mrs Vidot ti *PS* Lasante *and* apre in vin *advisor*. Sa ki mon kapab dir lo sa madanm, non selman akoz i en Digwaz, be selman mon konnen i en madanm ki ou kapab kominik byen avek, ki pa pe pou kapab annan en konversasyon avek li.

Apard son bann kalifikasyon koman en *nurse* e koman en profesyonnel lasante. E pour mwan se lo sa bann baz osi ki mwan mon pou donn sipor Mrs Vidot, pou li kapab desarz son responsabilite koman Minis. Mersi.

### **MR SPEAKER**

Mersi Onorab. Onorab Johan Loze.

### **HON JOHAN LOZE**

Mersi Mr Speaker. Mr Speaker mon ti oule koriz serten mi apreansyon ki'n ganny kree par Onorab Norbert (Vidot), Norbert Loizeau (*sorry*).

Onorab Loizeau in *insinuate* ki mwan mon'n dir ki ti annan lenterferans politik letan ki Mrs Vidot ti *PS*, e ki sa in enterfer avek son louvraz ki konpletman fo. Onorab Loizeau in koz en mansonz kategorik, ki

son labitid dan sa Lasanble *but that is known never mind*.

Nou, nou pe demann kestyon, ki nou fonksyon Mr Speaker. Mon krwar Onorab li i pe koz kestyon li osi.

### **MR SPEAKER**

Onorab, Onorab Loze eskiz mwan, mon obzekte en pti ki ou'n dir ki mansonz kategorik ki son labitid dan sa Lasanble, Selman mon pa *mind*, mon pa *mind* si ou'n dir ki in koz en mansonz la. Me selman mon krwar ou bezwen evite fer bann lakizasyon zeneral.

Silvouple kontinyen. Ou kapab reponn Onorab Loizeau, me pa fer bann lakizasyon ki zis zeneral.

### **HON JOHAN LOZE**

Mr Speaker an 2 ou 3 repriz mon'n koriz bann mansonz ki in koze, i pa fer premye fwa. Be Mr Speaker selman mon pa krwar i en bon komansman. Akoz mwan mon pa pe asiz la fransman, pou mwan rode ki zot pe dir, obsed avek, *twist* pou ganny en pti pwen.

Nou tou nou kapab pe fer nou fonksyon ki nou sipoze pe fer ozordi, ki poz kestyon bann kandida ministeryel ki pe vin devan nou. Onorab si i pa santi i annan kapasite, ouswa lanvi pou desarz son fonksyon

esansyel, i kapab reste trankil i a bezwen asize *point* ledwa e dir keksoz ki fo.

Lopital i dan Bidze, Lopital Logan, i dir zot pou mete, be i dan Bidze, i anba konstriksyon Lopital Logan. *Issue* ki ti annan avek sete landrwa pou konstri zot ti'n dezagree. Mersi Mr Speaker.

**MR SPEAKER**

Onorab kontinyen avek deba lo konpetans Mrs Vidot. Mersi Onorab. Onorab Sebastien Pillay. Oule antre dan en repons, ankor? Mon pa vreman swete ki 2 Manm i komans en *duel* antre zot, si oule eklersi en pwen, tre byen mon a permet ou laparol, wi.

**HON NORBERT LOIZEAU**

Mersi Mr Speaker. Pou komanse mon anv'i dir Onorab Loze ki mon'n ganny elekte li i lo *rebat*. Premye. Dezyenmman ...

**HON SEBASTIEN PILLAY**

Mr Speaker. Sa i en lensilt sa! I en lensilt pou ou lotorite koman en Speaker. Fer li *retract sa statement!*

**HON NORBERT LOIZEAU**

... dezyenmman li i lo proporsyonnel.

**MR SPEAKER**

Onorab, ou a ekout mwan en pti kou?

**HON NORBERT LOIZEAU**

Wi *ok*.

**MR SPEAKER**

Sa deba i pa devret vin en lesanz ant ou ek Onorab Loze oubyen okenn lot Manm. Sa deba i devret lo konpetans Mrs Vidot pou vin en Minis. Silvouple i *ok*, ou ou'n dir en keksoz, li in reponn ou, ou ou'n komans reponn li, termin la e kontinyen lo konpetans Mrs Vidot.

**HON NORBERT LOIZEAU**

Mon ava al *straight* lo sa *point* se tou.

**MR SPEAKER**

Wi *ok*, ou'n fer li. *Carry on*.

**HON NORBERT LOIZEAU**

*Ok*. Ler mon ti pe koze, mon ti pe koz lo kestyon ki li i ti pe demann Mrs Vidot konsernan mannyer i pou dil ek, si pou annan lenterferans politik. Prezan mwan mon'n dir vi ki in vin ek kestyon lenterferans politik, savedir i ti annan lenterferans politik dan Minister! Se sa mon pwen ki mon ti pe fer sorti. Li avek son

grander lespri i pa'n tann sa byen. Mersi.

**MR SPEAKER**

Ok, mersi Onorab. Onorab Sebastien Pillay.

**HON SEBASTIEN PILLAY**

Mersi Mr Speaker. Mr Speaker mon tre kontan premyerman pou mon war bann Manm LDS, pe partisip aktivman dan deba. I paret ki mon komanter bomaten in tous zot en pti git, mon byen kontan.

Dezyenmman, mon krwar poudir i byen ki nou'n kapab tann Mrs Vidot eksprim son lekor, lo diferan size ki'n koz lo la. Me selman mwan mon ankor annan en, mon bezwen senser. Mon ankor annan en krentif, akoz sa Minister i en Minister ki tro bokou letan, menm i ava annan dimoun ki ava dir mwan an deor ou Gouvernman ti la.

Zot kapab dir mwan sa ki zot anv'i lo mon Gouvernman! Ozordi pa mwan ki dan Gouvernman, se zot! E mwan mon rol se fer sir ki sa Gouvernman i delivre! Kontan, pa kontan e mon rol pou fer sir sa Gouvernman i delivre.

So mwan si mon santi senserman ki sa kandida malgre i annan son leksperyans, malgre i en

dimoun formidab, me mon santi ki i annan en keksoz ki *worry* mwan, ki sa ki i pou al rankontre dan sa Minister, eski sa pa pou fer li petet, mon pa oule servi sa mo rann zarm.

Me mon war li petet pe servi li, akoz mon rapel li ler i ti PS i ti en dimoun fantastik, i ti en dimoun, e vre i en dimoun tre konpetan. E mon pa pou vot kont son lapwentman byensir, mon pou swet li tou de bon dan son lapwentman.

E mon pou demann tou dimoun ki pou travay avek li, pou donn li tou zot sipor. Mon konnen poudir LDS pou aprouv son lapwentman. Zot in fini dir. Me lo mon kote sa ki mon pou fer sir, se ki mon pou fer sir poudir mon pou ed Mrs Vidot mon mye posib, pou asire ki i annan latransparans dan Minister Lasante.

Pou asire ki i ava ganny bann sipor nesaser *from* bann Bidze ki vini. Akoz mon pour mwan, mon pa pe vin get sa ki mon parti pe al benefisyé, mon pou bezwen get sa ki pep Seselwa pou benefisyé.

*Whether or not* mon pe fer li la, *whether or not* mon pa'n fer li oparavan i met egal. Ozordi mon dan sa sez e mon louvraz pour fer li, alors mon pou fer li *to the best of my ability*.

Avek sa Mr Speaker i reste mwan pou swet Mrs Vidot, mon konnen nou pa pou ganny sans war li, tou le meyer posib e ki Bondye i a beni li dan son fonksyon, ki mon konnen i pou en latas vremen difisil. Mersi Mr Speaker.

### **MR SPEAKER**

Mersi Onorab Pillay. Nou'n ariv a lafen mon lalis deba alors mon a pas laparol a Onorab Georges lo son *Reply*.

### **HON BERNARD GEORGES**

Mersi Mr Speaker. Tre briyevman mon ti a kontan dir 2 pti keksoz. Premyerman Mrs Vidot i en dimoun ki mwan mon konn tre byen, parey bokou nou, e ki ou mon konnen ou konn li ankor pli byen Mr Speaker. E nou tou nou konn son konpetans ek son kapasite.

Dezyenm keksoz ki mon ti a kontan dir se i en keksoz eksitan, ler ou vwar dan premye kandida ki nou ti annan apre midi, en zwenn ki pe kit en karyer pou li *join* Gouvernman e servi son pei, ek en madanm ki'n fini pran son retret, ki li osi in deside sorti *from retirement* e von en don pei atraver travay dan Gouvernman.

E sa mon krwar, i montre ki filozofi sa Gouvernman an plas ki Sesel, i pour tou son

zanfan i enn ki absoliman manifik. Akoz la nou annan en zenn ki pa ankor ganny 40an e i en madanm ki li in pran son retret deza, tou lede zot in pare pour vin devan e pour ede pour fer nou epi avanse.

Nou pe koz lo konpetans Mrs Vidot, personn pa'n kapab eksprim okenn dout lo son konpetans. Nou tou nou pe prezimen ki i pe al dan Minister Lasante ankor enn fwa avek kandida i en prezonpsyon ki toutafe normal. I en Minister ki gran, i en Minister ki annan bokou defi, e i en Minister ki difisil pour fer marse.

Alor mwan mon krwar, e mon absoliman konvenki, ki Mrs Vidot i sa dimoun ki sa Minister i bezwen a sa moman. E donk mon napa okenn dout ki i pou fer son mye, e i pou fer ki sa Minister i *achieve* son bann rezilta ki i merite pou *achieve* avek tou bann defi ki i annan.

Alor mon lans en lapel avek tou bann Manm apre midi, pou nou *endorse* sa madanm, fer li ganny apwente dan *Cabinet* Prezidan Ramkalawan e pour ki nou Minister Lasante i ganny en nouvo souf. Mersi Mr Speaker.

### **MR SPEAKER**

Mersi Onorab. *Ok*, mon krwar nou a met sa Mosyon pou vot.

Eski ou lir Mosyon ankor oubyen mon zis *call for a vote*?

**HON BERNARD GEORGES**

Non, Mr Speaker. *Actually*, prosedir se ki ou met sa Mosyon *to the House*, ou dir ki Mosyon devan nou se ki Lasanble i aprouv lapwentman ki Prezidan i anvi fer pour ki Mrs Peggy Antoinette Vidot i vin en Minis. E pour formel sa kestyon e nou vot lo sa kestyon.

**MR SPEAKER**

Tre byen, mon a lir sa Mosyon pou nou *put to the vote*.

*In accordance with Articles 63(1) and 62 of the Constitution, this Assembly approves the proposed appointment by the President of the Republic of Mrs Peggy Antoinette Vidot to the office of Minister.*

Alor nou a *call for a vote*, tou bann ki an faver lev lanmen silvouple? *Ok* Madanm Clerk, *Thank you*, tou bann ki kont lev lanmen? Madanm Clerk ou'n ganny bann ki'n *abstain*? Mersi.

Lapwentman Mrs Peggy Vidot koman Minis in ganny aprouve par 26 vot pour, *saying yes*, 0 vot kont, e 8 in *abstain*. Alor mon deklar sa Mosyon in pase. Mersi, eklersi mwan, nou *ok*? *Thank you, ok* mersi.

Si ou permet mwan, mon krwar nou pou kapab fer ankor en kandida. E mon pa konnen si i korek Madanm Clerk pou mon kapab demann ou si ou kapab aranze. Pour si i annan plis bann dimoun ki pe atann laba, ki nou a pran *the next candidate* ki lo *Order* i Mrs Patricia Francourt, e ki nou a kapab les lezot ale silvouple. Akoz mon krwar i ankor annan laba deor, *ok*? Mersi bokou.

Alor, prezan nou ava apel Mrs Patricia Juliette Francourt. *Ops Motion* avan, *agree*. Mersi eskiz mwan. Mosyon Onorab Georges.

**HON BERNARD GEORGES**

Mersi Mr Speaker. Mr Speaker trwazyenm Mosyon apre midi i *comme swivan*;

*In accordance with Articles 63(1) and 69(2) of the Constitution, this Assembly approves the proposed appointment by the President of the Republic of Mrs Patricia Juliette Francourt to the office of the Minister.* Mersi Mr Speaker.

**MR SPEAKER**

I annan ki segonde? *Seconded* Onorab William.

**HON WAVEN WILLIAM**

Mersi Mr Speaker. Mosyon pou lapwentman i ganny segonde. Mersi.

**MR SPEAKER**

Mersi Onorab. Prezan mon ava apel Mrs Patricia Francourt. An preparasyon nou ava al dan *Committee Stage* pou sa letap. Bonn apre midi Mrs Francourt e byenveni e nou leskiz pou latant ki petet in en pe long. E prezan nou pe al dan staz kestyon, donk nou ava al direk ladan?

Premyerman wi, parey labitid nou permet Mrs Francourt en pti moman 2 minit silvouple pou prezant son lekor.

**MRS PATRICIA FRANCOURT**

Bonn apre midi Mr Speaker. Bonn apre midi Onorab e bonn apre midi tou bann dimoun ki a lekout. *So it's a pleasure for me* pou dan Lasanble ozordi. Mon fer en pti *brief* lo mon *journey* parey nou dir, parey nou parkour.

Mon enn bann dimoun ki pa'n Sesel *for a long time*, e ozordi letan mon ganny apele la i fer mon en gran lazwa, e mon vremen fyer. *I am very proud and I am very proud to be a Seychellois. So I left Seychelles in 1987.* Mon ti kit Sesel, *not*

*because I wanted to, but I had to.*

Me selman i ti en *blessing in disguise for me*. In anmenn bokou keksoz *which was very good for me in terms of mon devlopman, in terms of mon bann karyer e bann keksoz ki mon ti anvi fer.*

Alor mon ti war mwan *grow in what I had a vision to do. Unfortunately, it was until the country that I loved very much, i ti dan en lot pei ki ti embrace me and I loved that.*

So dan mon karyer an Langleter, mon'n vwar mon mon'n fer en kantite. E akoz mon ti ganny bokou loportinite, mon ti war mwan *grow*. E mon sorti dan en karyer labank dan Sesel, *I used to work for the Central Bank for 2 years at a very young age of 18years old.* E mon'n war mwan mon antre dan Langleter, mon antre dan labank ankor. I pa ti en louvraz ki mon ti anvi fer, me selman ou konnen letan ou zenn, ou antre dan en domenn *and you work there.*

*And I stayed there for 10years. I hated the job with a passion. So then I said ki mon bezwen fer pou mwan kapab sanz mon karyer e antre dan sa profesyon ki mon kontan? E mon ti antre dan bann louvraz volonter, kot nou fer bokou*

louvraz pour ed lazenes ek lafanmir ki *vulnerable*, vilnerab parey nou dir.

E apre 2an dan bann louvraz volonter, mon ti war mwan *retrain myself completely* antre dan en lot *field*. E sa *field* ti ledikasyon. E mon'n travay dan sa domenn ankor pou 10an. Letan mon'n ganny demande pour fer mon CV mon realize 32an, mon pa'n fer mon CV *which is very good*.

Savedir mon *ability to stay in the job e be senser e loyal e allegiance* avek sa louvraz, *is very strong, and that's something that I pride on*.

So 23 years dan Langleter, mon ti deside pou mwan retourn Sesel. *And* bokou zot la, zot in pas kot mwan Langleter. E zot konnen ki mon ti en, nou ti en dimoun vreman akeyant e en dimoun ki ti *welcome* tou dimoun. E *this is what I missed in the UK*. Mon ti anvi retourn Sesel pour vin - *be part of Seychellois*, parey mwan menm e anmenn mon *expertise*.

E bann ki'n pas kot mwan, zot in bezwen war tanzantan mon annan bann *folders* ki montre, ki mon pou vin fer dan Sesel ler mon retournen. E bokou dimoun *impress*. Bokou dimoun ti dir; 'be ou, ou reste Langleter, ki ou pou vin fer

Sesel ek tou ou *folders* ki ou met la?'

*But I had a dream and I wanted to be able to come back to Seychelles, and share what I had learned. And I did*. E erezman letan mon ti retournen pou mwan, mon ti ganny *embrace* par en Minis ansyen ki ti krwar dan sa ki mon anvi fer.

E letan i ti war ki mon pe anmennen sirtou pou Minister Ledikasyon, i ti vreman kontan e i ti dir ek mwan, nou annan en gran *gap* dan Sesel, e sa ki ou pou anmennen i vreman byen.

E sa ti pou travay avek bann zenn ki *at risk* e in fer bann program pou zot. E mon'n pas en kantite letan ladan, devlop bann program, enplimant bann program, ki'n reste *very good practices for a very long time*.

So si ou pou demann mwan, mon pou dir mon'n fer en gran diferans avek bann senn, avek lafanmir. *Right now in Seychelles* kantmenm mon pa lontan isi, mon kontan vwar bokou dimoun i aksepte *me for who I am and the touch that I brought to the families*.

*And then* mon karyer i devlop plis ankor isi dan Sesel mon antre dan *workforce training*, so mon fer mon prop *consultancy*. E zot war lo mon

*CV mon CV i very simple mon because I don't believe in long pages. It's what I do that matters, not what is on paper. It's the outcome that you see and I believe in that very strongly.*

E mon'n antre dan *workforce training* e mon'n fer en kantite *training all over*. E sa en lavantaz pou mwan sa, akoz mon war li dan tou fason. Mon war bann *gaps*, mon war bann *good practices*. *And when I see that*, i fer mwan annan en *oversight*. Konmsi mon kapab parey an deor ou war ki pe pase isi anba.

*E that puts me in a very strong position. So mon karyer i mix dan ledikasyon, dan bokou training dan sosyal, ki mon'n fer avek bokou staff, but osi bann organizations ki prive.*

*E mon consultancy is working very well I must say, so to be asked to leave what I enjoy doing, e mon en psychotherapist osi, mon annan bokou kliyan, to be asked to leave that and come and do this job I was very, very, very pleased. So si mon ganny sa loportinite, tou sa ki mon'n aprann dan tou sa ki mon'n fer isi Sesel, is just going to be transferred lo en lanpler bokou pli for.*

E mon pou annan plis lenpak, akoz mon pou

direkteman kot mon kapab fer lenpak.

*So this is brief where I am today, e mon espere ki mon bann expertise e mon bann knowledge ki mon annan, i kapab fer en gran diferans dan Sesel. Mersi.*

### **MR SPEAKER**

Mersi Mrs Francourt. Nou a ouver pou kestyon. Silvouple tenir zot lanmen anler en pti moman. *Ok.*

Alor sa ki mon pou fer si zot permet mwan, mon pou al par 2 kestyon, mon a permet 2 kestyon en kote, mon a pas 2 kestyon en kote menm si zot pa direkteman dan mon lord, e mon krwar koumsa mon a kapab kouver tou. *Ok*, alor avek sa mon pou apel premye Onorab Naddy Zialor.

### **HON NADDY ZIALOR**

Mersi Mr Speaker. Bonswar Mrs Francourt, i en plezir pou mwan vwar ou devan nou koman en nominasyon pou Minis. Annefe zis en pti komanter an pasan, mon rapel mon'n deza annan en enteraksyon avek ou dan en program laznes, vizavi dezabilite e petet mon kestyon i ava vize ver sa.

Ou koman en profesyonnel, petet donn nou

en ptigit ou apersi letan ou vwar lazenes pe viv avek dezabilite, ki mannyer ou war zot konteks isi Sesel? E si i arive ki demen bomaten dan Gouvernman dizour, ou ganny en portfolyo lazenes dizon, ki pou ou laspirasyon an sa ki konsern lasante dezabilite Sesel? Mersi.

**MR SPEAKER**

Mersi Onorab. Mrs Francourt.

**MRS PATRICIA FRANCOURT**

Mersi Onorab. wi i ti en plezir pou zwenn ou *for the very first time*. Mon konnen poudir en bon pe letan, mon ti pe sey zwenn ou, *I never did* be selman lo sa platform Konekte. Zenn mon ti ganny sans vwar ou. E i ti en group dezabilite ki nou ti fer sa sesyon avek, *which is to "Come to be heard."*

Enn mon forte ki byen for letan mon ti Langleter, ti travay pou bann zanfan ki annan *special educational needs, right?* E sa i bann zanfan ki annan abilite difisil *in terms of academic*, me osi fizik, *physical*. Si zot ti annan *impairment* par egzantp en *impairment sourd*, pa kapab koz byen, menm bann *physical impairment*.

E sa forte kot mon ti travay, zot war lo mon CV i mark *Lampton School*, ti *the best school in the country*

*around inclusion*. So letan nou pe koz *inclusion* savedir nou pe koz egalite pour tou, *no matter what*, so napa okenn diferans. Egalite pour tou.

E se sa ki mon'n sey fer letan mon'n retourn Sesel premye bann *training* ki mon ti fer pou Minister Ledikasyon, e mon ti kontan ki zot ti *embrace* sa aköz i ti nouvo, se fer bokou *workshops around raising awareness lo inclusivity*.

*So inclusion* koman en *Policy*, e mon ti annan, e mon koleg Langleter ki mon ti envit isi. Aköz nou de nou ti *almost partners* dan sa domenn e nou ti menm *advice* Departman Ledikasyon Langleter lo *inclusion*.

So mon ti envit mon koleg isi pou nou kapab derive en *Policy*. E premye *Policy* ti pou ganny derive aköz nou ti fer en *audit around inclusion* e letan nou ti fer sa Sesel al *right now* Minister Ledikasyon i annan li en *Policy lo inclusion*. So pour mwan sa i en keksoz aker. *Thank you*.

**MR SPEAKER**

Mersi Mrs Francourt. Onorab Regina Esparon.

**HON REGINA ESPARON**

Mersi Mr Speaker. An vi sa degradasyon moral ki nou pei

pe fer fas avek e sa kantite fleo sosyal ki kontinyen ogmante de zour an zour ki pe afekte pei, e Mrs Francourt ou'n koz lo sa bann fleo dan bann programm Konekte. Zenn ki ou fer de tanzantan lo *SBC*.

E koman en dimoun ki pe vin travay dan Gouvernman pou pran en pos Minis, kwa ki ou pou anvizaze fer ki pour ede re etabli moralite e bon valer dan nou sosyete?

An vi ki 40poursan nou popilasyon in ganny grade anba lapovrete, kwa ki ou pou fer an diferaman ki pou ede anmenn en soulazman dan lavi sa 40poursan fanmir lapovrete? Mersi.

**MR SPEAKER**

Mersi Onorab. Wi Mrs Francourt

**MRS PATRICIA FRANCOURT**

Onorab mersi pou ou kestyon. Mon pa konnen ki portfolyo mon pe pran, so mwan mon en dimoun ki *very strategic* mwan. Mon kontan asize, regarde, analize e *then* fer mon bann desizyon.

Letan mon'n travay pou Minister. *2 prime ministries was Education* avek Sosyal. Mon ti annan lavantaz pou mon vwar bann *good practices*, be osi mon'n vwar bann *gaps*.

E mon bann *gaps* annan de fwa, mon'n sey vin devan pour fer tande mon lavwa, menm fer *advocacy*, mon'n fer *advocacy* vremen for mwan.

Mon'n al *State House 2* fwa, pou anmenn mon lavwa for menm, pou dir, "*you know what? This needs to change, this needs to change*" and so on, sirtou lo bann *inter-ministerial relationships* en, akoz nou bezwen mazine poudir tou keksoz ant bann Minister i zwenn ansanm.

Mon'n deza al *State House* kot mon ti fer zot war poudir tou sa bann Minister i annan en *correlation*. I zwenn ansanm. Ou pa kapab dir poudir tir lazene, i pa al ek *Tourism*, i pa al avek *Employment*, tou i vin ansanm. So ki mon pou fer, mon krwar *is best for me*, pou le moman, mon pa pou tro trakas mon latet pou rod solisyon mwan. Akoz mon bezwen *identify* ki sa bann *issues* ki sa bann problem, e azout li avek sa, ki mon deza konnen. So pour mwan *that would be the task that I start off with*.

**MR SPEAKER**

Mersi Mrs Francourt. Onorab Lemiel.

**HON SYLVIANNE LEMIEL**

Mersi Mr Speaker. Bonswar Mrs Francourt. Mon kontan ozordi mon vwar ou la devan, ganny propoze pou vin en Minis.

Mon'n deza annan enteraksyon avek ou e mon konnen ou annan en leker pou ou bann zanfan. Ou'n travay avek bann zanfan, sirtou nou pe koz nou bann zanfan ki en pe vilnerab. E mon konnen ki i annan bann program ki ou ti pe fer avek Minister Ledikasyon, kot ou i pe sey anmenn sa bann zanfan ansanm dan bann letan vakans,

Menm si ou pe dir ki ou pa ankor ganny portfolyo, ou pa ankor ganny portfolyo, ou pa konnen ki portfolyo ou pou gannnen, me mon santi ki sa portfolyo Sosyal pe ale ek ou.

So petet en pti kestyon pou mwan demann ou, si i arive ki ou ganny sa plas dan Minister Lafanmir, petet ki ou plan ou pe mazin vin avek pou bann fanmir vilnerab? Bann zanfan ek zot lafanmir li menm ki nou konnen, ozordi nou pe kriy ayoyo akoz sa. Ki petet dan ou plan ou pe mazin ou menm si ou vin sa Minis ki ou pou fer pou zot? Mersi.

### **MR SPEAKER**

Mersi Onorab. Mrs Francourt. *Yes, go ahead.*

### **MRS PATRICIA FRANCOURT**

Mersi Onorab. *And it's very true* ki nou de nou dyalog vreman souvan, sirtou lo bann zanfan ki vilnerab e mon apresye sa relasyon ki ou annan avek mwan. Akoz mwan mon travay avek tou dimoun mwan. Ou konnen mon napa kote isi, kote laba. *When it comes to children* avek fanmir ki vilnerab, *I am on top of it.*

So mon konnen ki nou'n ed en kantite zanfan osi, sirtou dan ou distrik, *so chapeau to you* osi. Bon mwan mon war parey mon dir ou bann *gaps*, en kantite *gaps*. Annan de fwa mon *come up* avek solisyon pou dir be annou sey sa. Mazinen kot mon sorti mon'n war tou sa bann *gaps many, many years ago.*

Prezan letan ou pe retourn Sesel ou pe sey *contextualize*, ou pe sey met li dan konteks avek Sesel. I annan pou marse, i annan pa pou marse. Be sa ki enportan se ki mannyer nou *embrace* lide, e ki mannyer nou war lide koman en keksoz ki pozitiv. Apre i annan solisyon osi ki anmennen.

So pou mwan, mon *believe* dan en *holistic approach, right?* So ler nou pe dir lafanmir, pou

*mwan the thinking around it, is the whole of it, the whole. So zanfana, paran, extended families all of that.*

Mon krwar si nou mazin *many years ago*, fanmir ti annan sa, ou konnen. Be in kase *for many reasons*. E mazine ki mon dan en domenn *psychology, psychotherapy* mon konpran sa, akoz mon'n *study human behaviors, attitude and mindset*.

E bokou i annan pou fer avek bann *circumstances* ki lafanmir i ladan, *right?* Mon pa'n *dissect*, akoz parey mon'n dir mon pa konn mon portfolyo, mon pa ankor *dissect data* lo sa bann keksoz ki ou pe dir mwan, me selman mon konnen poudir *once I get my portfolio, I will spend a lot of time* pou mwan *dissect* tou sa bann keksoz.

E anmenn sa bann nide ki mwan mon feel i kapab fer en gran diferans, sirtou letan pou nou kapab *take away* sa bann *social ills* ki pe tap nou pei bokou. *Because I've seen it all before. So Sesel doesn't have to re-invent the wheel. We can do it.*

### **MR SPEAKER**

Mersi Mrs Francourt. Onorab Aglae.

### **HON EGBERT AGALE**

Mersi Mr Speaker. Bonswar Mrs Francourt. Petet mon premye kestyon, mon ava demande Mrs Francourt, ou'n pas en komanter dan enn ou larepons, ki mon en pti pe enkyet dabor, kot ou'n dir ou pa pou vin kas latet ek bann problem de lavans;- ki mon santi poudir ler mon pe get ou *background* ki ou'n forte ladan, i annan en pe melanz parey ou'n dir lazene, ansanm avek kot i konsern en pe bann *social services*.

E nou konstate poudir Sesel pe devlope e an devlope ou fer fas avek bokou bann defi, bann malez. E sa i normal sa nou war dan bann lemond eksteryer. E Sesel li i annan son ta problem li osi, kot i konsern nou lazene, kot i konsern nou kominote, savedir nou lavi sosyal.

Alors petet kwa ki ou santi, si ou pe ganny mete dan en portfolyo parey *ok*, pou ou vi ki ou osi ou'n en bon pe letan an deor Sesel, pou ou kapab konpran problem reel sa pep, dan en fason limedya ase vit, pour ki ou kapab *come up with solutions*, pou ou kapab;- pa neserman rezourd tou problem, me met anba kontrol? Mon kapab dir.

E dezyenm kestyon ki mon ti a kontan demann ou, petet

mon'n war ou'n ganny swazir *over* petet en lot Seselwa ki ti isi, i normal ou en Seselwa ou osi malgre ou pa'n isi.

Petet kwa ki fer ou pli meyer, mon kapab dir, kwa ki ou konsider ou pli meyer pou ou kapab etande, vin koman en Minis e pran en portfolyo dan sa direksyon parey? Mersi.

**MR SPEAKER**

Mersi Onorab. Mrs Francourt.

**MRS PATRICIA FRANCOURT**

Mersi Onorab pou ou kestyon. Mon konnen nou'n rankontre osi, dan diferan fason ki nou'n travay avek laznes dan bann program. *Again thank you for that.* Si ou konsider 10an pa en ta letan, mwan mon konsider 10an depi ler mon retournen en bon pti pe letan.

So mon'n ganny ase letan pou mon kapab antre dan fabrikasyon Sesel e konpran. E sa bann program ki mon'n etabli avek Minister Ledikasyon, si ou war i annan sikse ozordi, *it's because I developed it* dan konteks Sesel. Savedir mon bezwen konpran mannyer konteks Sesel i ete.

I pa vadir ler mon'n reste *away*, mon pa ti vin Sesel souvan. *Every year I visited Seychelles* e mon swiv Sesel toulezour, *so I knew.* So, mon ti

vreman dan en *strong* pozisyon pou mwan konnen poudir *these are the issues, these are the problems.*

So sa fabrikasyon mon *very aware.* E *the success of* sa bann program ki mon'n kree pour Sesel, *it speaks for itself right?* E pou sa pi git letan ki nou'n rann sa bann program ki ti *endorse by the* Minis avan, menm *Cabinet* avan, nou'n war poudir ti fer en gran diferans.

*So, in terms of* anmay en Seselwa ki'n retournen ki ofe avek tou sa bann keksoz, mon krwar 10an i dan mwan ase letan pou mwan ofe. Petet si *it was 2years ago* mon ti a dir ou kekfwa mon pa a tro ofe. Be 10an *I am well onto it.*

**MR SPEAKER**

Mersi Madanm. Onorab Deshiela Bastienne.

**HON DESHEILA BASTIENNE**

Mersi Mr Speaker. Bonswar Mrs Francourt. I fer mwan en gran plezir pou vwar ou la ozordi, e pou nou bann madanm ankor i en lazwa ler nou vwar bann madanm ozordi, dan nou sosyete ki pe pouse pou ariv devan, dan bann plas ki pou anmenn dibyen pou nou pei.

Vi ki, mon kestyon pou al dan sa laliny, vi ki mon'n swiv

bokou ou program lo medya tou dernyerman, kot ou'n koz ek bokou bann zanfan ki ankor pe lekol. E byensir sa bann zanfan in grandi, zot ti ankor ptipti zot in grandi.

E ler mon'n ekout bokou bann keksoz ki ou ti pe koz lo la, bokou bann program, kot i ti annan bann serten lefe advers kot sa bann zanfan zot menm zot ti a pe fer, ki zot ti pe akonte zot menm fransman ki mannyer zot sove dan lekol serten keksoz ki zot al fer.

Alor mon kestyon pou ou, i pou vin en pti pe lo sa laliny. Vi ki konmela letan ou pe marse mon pe zwenn bokou zanfan, menm i annan ki ankor dan *pampers*, zot pe marse aswar dan semen, dan *uniform* lekol, ou pe menm demande be sa zanfan sa laz ki pe fer lo semen?

Pou mwan mon ti a kontan demann ou Mrs Francourt, si konmela ou ganny sa portfolyo Minister kot i pou anglob osi rol lafanmir, eski ou pou apiye lo bann program sansibilizasyon an kolaborasyon avek lafors lapolis pou met bann paran azour?

Pou donn zot sa konesans ki i en lofans pou bann zanfan ki ankor dan *pampers* ankor pe marse. Se sa an gran disan ki sanz zot lespri ki fer zot al dan lot kalite lavi, en lot kalite

fason, kot zot perdi respe menm pou dan zot lekol, zot sove.

E mon ti ava kontan, mon ti ava kontan konnen si ou pou apiy lo sa bann program, pou kapab anmenn en pe plis lord, koup en pe bann problem sosyal ki pe egziste dan lafanmir konmela. Mersi.

### **MR SPEAKER**

Mersi Onorab. Mrs Francourt.

### **MRS PATRICIA FRANCOURT**

Mersi Onorab. Mon kontan ki ou'n swiv sa program. Ou konnen sa program la i en program ki, mon lo *NCC Board by the way* zot war dan mon *CV, for the longest time*. Letan nou koz lo zanfan, mon toultan demande, be oli zanfan la pou dir son lopinyon?

*And I pushed, and I pushed, and I pushed*, akoz mon *believe* poudir si i annan en keksoz pou fer avek zanfan, zanfan i bezwen donn en lopinyon. *The time has changed right*, e zanfan i ofe avek kwa ki bon pou zot e kwa ki pa bon pou zot.

So sa program in en *eye opener* li pou Sesel, akoz mon krwar en kantite dimoun premye fwa zot tann lavwa zenn. Be osi sa bann zenn i koz laverite. So si zot koz laverite nou, nou pe aprann en kantite.

En kantite keksoz ki nou pa ti konnen, *is coming out through the program.*

Se sa ki ou war mon pa ziz zot dan sa program. Mon les zot koze *and we the audience deduce* kwa ki pe vini. Akoz i annan dimoun i dir ou be ou devret dir li pa fer sa, pa fer sa, pa fer sa.

*That's not my job.* Nou ki bezwen war ki zanfan pe fer ki byen, ki zanfan pe fer ki pa pe byen, kote ki nou devret *step in.* Sa *it's our job as adults.* Ou konnen pli gro keksoz ki mon realize, Sesel i annan en kantite Lalwa li, Lalwa i la li, nou pli gro defi se enplimantasyon.

So ler ou koz lapolis, lapolis pa i konnen poudir en zanfan anba laz ki devret fer ki i pa devret fer *and so on, and so on.* Sosyal i devret konn son *remit* li osi, Ledikasyon i konn son *remit*, tou sa bann lazans *inter agency to do with children, they all have the rules.*

Manke pli byen ki kot mwan mon sorti. Ou konpran? Be solman *its implementation which is always the problem. So who do we hold accountable?* E sa mon pli gro *issue* ki mon anvi *challenge, accountability. Who do we say you are accountable?* E en lot group osi ladan se paran, *how do we hold them accountable?* Lalwa i la li.

So nou bezwen regarde ki manner sa bann Lalwa i ganny enplimante. *But again like I say, I don't know my portfolio yet. If it is a portfolio that I am going to undertake or given to me.* Mon annan en ta nide, en ta keksoz pou anmenn devan. Mersi.

### **MR SPEAKER**

Mersi Mrs Francourt. Onorab Richard Labrosse.

### **HON RICHARD LABROSSE**

Bonswar tou dimoun. Mrs Francourt ler mon'n get en pe ou CV apre ler mon ekout ou, ou'n eksplik plizyer dimoun ki ou'n ganny sans travay avek. Mon ti a kontan konn ou pwennvi personnel en pti pe an bref, ki manner ou war sistenm sosyal parmi zanfan dan Sesel?

E si ou ganny apwente kekfwa dan Minister Sosyal, kwa ki bann lezot benefis an plis ki ou pou anmennen pou amelyore, ki si ou pe dir mwan i o, ou pou fer li desann, si ou pou al dir mwan i bon ki manner ou pou amelyore? Mersi.

### **MR SPEAKER**

Mersi Onorab, Mrs Francourt.

### **MRS PATRICIA FRANCOURT**

Mon ti *wish* mon annan en *magic wand* en? Ou konnen tou sa bann zanfan ki nou pe koze, ki Onorab Lemiel ti pe *refer to*, ki zot osi zot konnen ki mon travay avek, i bann manmarmay ki nou klasifye *at risk, right?*

So deza zot *known to social services*. Zot *statistics* i montre ki zot vreman o, *and the family could be at risk as well for many reasons, right?* So letan nou gete ki savedir sa definisyon *at risk*, ou kapab kas li i en gran definisyon *in itself, right?* *At risk of harm and so on, even suicide, even emotional and so on.*

So letan nou regarde letan i annan bann *gaps*, i *most of the time* petet sa ki Sosyal in anvi fer, me solman zot osi zot lanmen i anmare. En kantite fwa zot lanmen i anmare. Mon gard bann program par egzanp, ki nou'n fer pou fer en sa entervansyon, ler bann zanfan i dan program zot annan en *culture change* ki arive avek zot. Zot *behavior* i sanze. Zot *ok zot*.

Be letan zot sorti eski nou annan *manpower*, nou annan resours pou nou kapab *sustain* ki zot in fer? Eski nou annan *manpower*, nou annan resours pou nou kapab fer en swivi lo bann zanfan? So annan de fwa lanmen i anmare. So mon

krwar nou bezwen *prioritize what needs to happen in terms of human resource, but* osi *infrastructure*.

Par egzanp mon konnen sosyal ti pe *run* en program *long term*, pou bann zanfan bann garson ki ti *at risk*. Be letan nou napa *the right infrastructure* kot zot ti pe fer, zanfan i kapab sove. Bann marmarmay ki ti petet annan *at risk at a very, very high level*.

Be si nou napa *the right environment, conducive environment*, ki mannyer nou pou *sustain?* So program i *fail*. So mon santi poudir petet zot lanmen in anmare *in terms of petet*, nou pa'n priyoritiz sa koman en *priority*. Nou pa'n pran sa bann keksoz koman en *priority*.

E en keksoz ki enteresan, dernyen group ki mon ti travay avek ti bann fiy, mon krwar zot in tann mon lo televizyon koz about 29 fiy ki mon ti travay avek premye fwa, en group fiy. Dan 29 fiy ki mon ti travay avek 22 ti teste pozitiv pou drog. Sa i alarman. So si dan 29, 22 i teste pozitiv pou drog, diferan kalite *types of drugs, then what is the rest of the population of girls like?* Ou konpran?

Be ki mon fer ler sa bann manmarmay i fini sa bann program? *Again* ou, petet

Sosyal i anvi fer sa, sa, sa, sa *but is the budget enough?* Nou annan *premise*;- par egzanj mon konnen mon ti al kot *Cabinet* dernyen pou fer en *case* pou nou annan en sant. Pou nou kapab kontinyen sa bann travay ek zanj *long term, up to now* oli sa sant? Ou konpran? So i bann lide ki kekfwa mon krwar *you know* mon pa pou reste trankil lo la. *I am always advocating about children and children's right, right? So, I will keep pushing for more. Thank you.*

**MR SPEAKER**

Mersi Mrs Francourt.

**HON RICHARD LABROSSE**

En pti kestyon siplemanter Mr Speaker, en?

**MR SPEAKER**

Wi, mon a permet ou.

**HON RICHARD LABROSSE**

Konmsi ler mon'n ekout ou la ou'n donn mwan en lenpresyon, ou'n koz lo en pe ki bann profesyonnel dan sa domenn, zot lanmen in anmare. Eski ou pe dir mon ki administrasyon avan konmsi zot pa'n *point* plis lo sa bann problem? Ouswa ou pe dir mon i ti en problem ki ti pe zis *flow for the sake*, ki

zis sa departman ti egziste koumsanmenm?

**MRS PATRICIA FRANCOURT**

*It could be a combination of many things. I mean enfrastriktir ti enn, human resource is another, Bidze, I can go on. So it could be a combination of many things, ki petet whoever gets this portfolio needs to look at very, very finely* pou regarde.

Akoz ou konnen letan ou fer sa *data* ki mon'n donn zot, 22 fiy dan 29 la, si ou pe kalkil *school population of Seychelles*, lot plizyer 5an ki vini, i lo lot group zanj ki pou lo *methadone* sa. Nou pa fer en keksoz ozordi, *they will be the 'methadoners'* parey mon apel zot. Ou konpran, i pou difisil. E oli nou *workforce by then?* So *we need to do something now.*

**MR SPEAKER**

Mersi Mrs Francourt. Onorab Cosgrow.

**HON WALLACE COSGROW**

Mersi Mr Speaker. Bonswar Mrs Francourt. Mr Speaker mon kestyon petet i en kestyon ki ti merit ganny demande komansman deba, komansman sesyon.

Mon krwar i enportan, akoz ler mon pe get CV Mrs

Francourt, mon pe war en kantite bann *short courses* ki mon'n enterpret li koman bann *short courses*.

Me mon krwar i enportan akoz sa domenn ki Mrs Francourt i ladan, domenn lafanmir, domenn sosyal, domenn ledikasyon, i en domenn ki annan en kantite profesyonnel ki ganny *train* ozordi isi Sesel. E sa bann profesyonnel zot a nivo *Degree* zot a nivo *Masters, graduate* ek postgrad kalifikasyon.

So mon krwar i enportan dabor pou mwan demann Mrs Francourt, ki egzakteman akoz mon war en kantite bann *short courses* lo la, ki egzakteman son kalifikasyon profesyonnel? E baze lo sa larepons kalifikasyon profesyonnel, ki manner, dan ki sekter i krwar i mye plase pou deservi son kalifikasyon, son lekspertiz?

Mr Speaker mon'n ekout Mrs Francourt, mon konnen Mrs Francourt i annan en kantite leksperyans in dir nou li menm. Me solman i enportan pou nou osi konnen son kalifikasyon, son baz profesyonnel. Akoz dan sa sekter parey mon'n dir i annan bokou, bokou bann dimoun ki'n ganny *train* a diferan nivo isi. Mersi bokou Mr Speaker.

**MR SPEAKER**

Mersi Onorab, Mrs Francourt.

**MRS PATRICIA FRANCOURT**

Mersi Onorab pou ou kestyon. *So over the years* mon'n ganny plizyer sans pou fer tou sort kalite *academic professional level, at very high standard. I chose not to. Akoz mwan mon believe mon hands on the ground and through experience, this is where I was going to be at my very best.*

Alor kestyon ki mon demann mon lekor, si vre nou annan sa kantite profesyonnel ki *at such high level in the Seychelles*, oli zot? Ki zot in fer? Zot esper Mrs Francourt sorti Langleter avek tou son *short courses* pou li vin Sesel?

**(APPLAUSE)**

**MR SPEAKER**

Mersi Mrs Francourt. Kestyon siplemanter?

**HON WALLACE COSGROW**

I annan en kestyon pa'n ganny reponn Mr Speaker.

**MR SPEAKER**

Ok mon permet ou. Remet li ankor *please*.

**HON WALLACE COSGROW**

Ok, mersi Mr Speaker. Mrs Francourt i annan sa dezyenm bout kestyon kot baze lo kalifikasyon, ki sekter ou panse ou ti ava pli byen? Akoz ou pa'n dir nou, *well* ou'n dir ou pa konnen ki Minister ou pou al ladan, so ki sekter ou krwar ou ti ava pli *better suited* pou ou kapab desarz ou fonksyon koman Minis? Mersi.

**MRS PATRICIA FRANCOURT**

*Sorry about that*, mon pa'n reponn sa kestyon. Be letan ou gete mon parey ou dir an Angle en *all rounder*. Mon kapab antre dan *Youth*, mon kapab antre dan Sosyal, mon kapab antre dan en bout Ledikasyon. Be pa i *nice* sa?

**MR SPEAKER**

Mersi Mrs Francourt. Onorab Samynadin.

**HON KELLY SAMYNADIN**

Bonswar Mr Speaker. Bonswar a tous. Mon'n konstate ki Mrs Francourt i annan en gran afilyasyon dan domenn ledikasyon avek lafanmir, mon'n reisi ganny sans zwenn ou dan mon parkour dan ledikasyon kot ou'n fer bann *workshops* avek nou bann *teachers* dan lekol kot mon ti pe travay e osi bann etidyan.

E mon felisit ou pou sa travay merveye ki ou pe fer e ki ou pou kontinyen fer. Mon kestyon i an lyen avek konteks lafanmir; dizon demen ou ganny sa portfolyo Lafanmir, ki bann eleman ou konsern pertinan ki ou santi i devret ganny adrese lo nivo lafanmir dan en konteks Nasyonal? E ki bann mezir ki ou pe mazin antreprann, pou ou *handle* sa bann *still* sityasyon? Mersi.

**MR SPEAKER**

Mersi Onorab. Mrs Francourt.

**MRS PATRICIA FRANCOURT**

Mersi Onorab. *I remember you now*, mersi. *It's always a pleasure* pou vin dan bann lekol e *depart with my knowledge*. Ou konnen, mwan, mon'n *very privileged* letan mon'n al deor pou aprann en kantite. E *the value that they put me up on*, letan mon deor, mon krwar Sesel i devret met mwan 5 fwa plis, oubyen 10 fwa plis, *right? Because this is what I bring back. I bring experience back to the Seychelles*. E leksperyans zanmen ou kapab konte lo en bout papye, *you know*.

*So it's nice to hear that from you*. Ou konnen fanmir *that's the word*, fanmir *is the one where we start with, you know*. Dan nou leksperyans

letan ou war nou pe *run* sa bann kalite program, ki mon'n *devise*, mon'n enplimante, *there's a lot of thinking that goes on*. *A lot of thinking* ki ou kapab apros tou keksoz dan en *holistic approach*, *right*? Ki ou pe konmans *the baz*, sa *baz of it*, *right*?

Kote ki'n al mal? Par egzanp mon osi mon pou konmans travay ek bann fiy ki mon dir ou 22 lo drog, be kote, *why*? So, mon bezwen al dan fanmir pou mwan konnen *why*? *Is it dysfunctional*? *Is this* bann *disaffection* ki annan dan fanmir? *Is it* povrete? Ou bezwen konpran, ou bezwen annan en *interpretation* e en *analysis on that*, *right*?

*So it has to start from grassroots level, from the very beginning*. Apre *community society* osi. Eski i annan keksoz pou nou zenn fer, *for example*? Ki zot angaze ladan? Akoz ou sa bann zenn par egzanp ki ou war nou travay avek, i dir ou,” Be *Miss* ki annan pou fer?” Konpran?

So letan mon pe angaze, mwan mon dan en sityasyon vremen privilezye mwan, akoz mon pe war zanfana, mon pe war zanfana, mon pe war paran, gran paran, *extended family, all in one*. La prezan ki ou kapab

*identify* kote problem i ete. *Thank you*.

### **MR SPEAKER**

Mersi Madanm. Onorab Waven William.

### **HON WAVEN WILLIAM**

Mr Speaker kestyon in ganny demande. Mersi.

### **MR SPEAKER**

Mersi. Onorab Arissol.

### **HON PHILLIP ARISSOL**

Mersi Mr Speaker. Bonn apre midi Mrs Francourt. Mrs Francourt ki ou krwar i manke dan Sesel, ki fer ki nou bann zenn i tonm dan move lenfliyans? E ki ou krwar ou kapab anmennen pou sanz sa tandans? Mersi.

### **MR SPEAKER**

Mersi. *Go ahead* Mrs Francourt.

### **MRS PATRICIA FRANCOURT**

*Thank you*, mersi. Larepons i vremen senp, nou bezwen demann nou lekor ki nou *provide*? Ki provizyon, nou annan pou nou bann zenn? Mon krwar si nou get *around* nou a war ki provizyon ki nou annan, ki nou napa. En kantite nou napa. So nou bann zenn i *idle*. *I idle what do they do?* So

sa i en gran defi pou nou.  
Mersi.

**MR SPEAKER**

Oule en lot keston? Yes,  
Onorab Arissol?

**HON PHILLIP ARISSOL**

Wi, kwa ki ou krwar ou kapab  
anmennen pou kapab sanz sa  
tandans?

**MRS PATRICIA FRANCOURT**

Mwan mon krwar, *anyway* i tou  
depan domenn ki mon ladan.  
Bidze i zwe en gran rol, Bidze i  
zwe en gran rol. *One.*

Sa *belief* dan sa ki ou pou  
al fer osi i enportan. Si ou pa  
*believe* dan sa ki ou pe al fer la,  
ou pou pran li leze. *Be I don't do  
things by* pran li leze. Tou  
dimoun i konn mwan poudir ler  
ou war mon *embark* dan en  
keksoz la, *hundred to hundred  
percent is the result.* Mon pa fer  
li *half/half.* Mon pe *go all the  
way with it.*

E si ou war mwan dan  
mon'n fek vini mon'n kapab tap  
laport *State House 2* fwa, pou  
mwan al anmenn bann konsern  
e demann *advocacy* e demann  
keston. Kwa ki mon pa pou  
fer?

**MR SPEAKER**

Mersi Mrs Francourt. Onorab  
Sebastien Pillay.

**HON SEBASTIEN PILLAY**

Mersi Mr Speaker. Mr Speaker  
mon'n ekout Mrs Francourt  
navig son lekor *across* plizyer  
*minefield* ozordi, plizyer keston  
e in fer sa avek en serten  
deksterite, ou a dir mwan i en  
*ballerina.*

Mrs Francourt ou *strike*  
mwan *as somebody* ki kontan  
pe bouze. Ou *very pacey*, ou  
kontan ou pe fer en kantite  
keksoz. E mon konnen ou  
kontan *involve* dan en kantite  
*causes*, akoz *you really want to  
help.* *But as a* Minister ou pou  
bezwen vwar ou dan  
sirkonstans, kot ou pou bezwen  
zero in e komans administre sa  
Minister.

*You will not be able to be  
as hands on,* akoz la ou pou  
annan ou bann dimoun ki ou  
pou rode, ou bann  
*psychoanalyst*, ou bann  
psikolog ki ou bezwen fer sa  
travay.

So mon premye keston  
pou ou se, eski ou santi poudir  
ou karakter ki ou, ou annan *as  
an individual*, e mon konnen  
poudir ou annan en *very strong  
character*, ou en dimoun ki tre  
devoe ek sa ki ou fer, eski ou  
santi ou karakter *as an  
individual*, i pour kapab ganny  
*tampered?* Pou permet ou pou  
*allow* lespas pou lezot dimoun

kapab travay avek ou? Akoz mon konnen ou devoue, mon pa pe dout ou lanvi pou travay.

Dezyenmman, nou osi konnen ki bokou bann pasyan e ou menm ou, ou konnen atraver ou bann travay ki ou'n fer lo en nivo personnel ou *consultancy*, i annan pasyan ki *relapse* en kantite, akoz i annan bann *triggers* dan sosyete ki remet zot kot zot ete.

So ou annan en *high relapse incidence* avek bann pasyan. So kwa ki ou pou fer as Minis pou ou kapab sey target sa eleman? Si ou ganny apwente dan sa portfolyo. E dernyen pti keston, i osi annan plizyer dimoun ki'n travay dan Departman Servis Sosyal, ki a en moman ou en lot in sorti. Eski ou pou war li nesese, akoz sa bann dimoun i annan en baz leksperyans, lo bann diferan kominote.

Ou pou war li nesese as en endividi, ki anvi war sa Minister progresse, pare pou *allow* sa bann dimoun pou re antre dan sa Minister, pou fer sa kontribisyon. Mersi Mr Speaker.

**MR SPEAKER**

Mersi Onorab. Mrs Francourt.

**MRS PATRICIA FRANCOURT**

*Thank you.* Mon kontan ki ou rekonnèt mon *enthusiasm*, letan ou war mon fer en keksoz mon vin avek *passion*. Mon osi *describe* mon lekor as a *very good leader*. So mazine sa louvraz ki melanze, parey ou dir i vin ek en kantite *skills*. E bann *skills* ki vreman konkret ki fodre ou annan.

*So, I know how to lead. I know how to nurture. I know how to empower. I know how to take a sit back. I know how to listen.* So sa i sa bote ki mon anmennen. E ler mon ti an deor Sesel, zot dir “kot ou war Patricia i ete, *it's like it's infectious.*” I anmenn son tim avek li. Ler mon vin Sesel, zot dir mwan parey, kot ou war Patricia i ete *it's like she's infectious*, i anmenn son tim avek li. So mwan mon konnen mannyer mon pou diriz en tim, e pou kit mon tim ...

*There is nothing wrong* si ou pe kit ou tim *committed, responsible, accountable and still have the passion.* Akoz *I believe this is what drives* sanzman, konmsi pou fer sa domenn marse.

Akoz si ou tim i *passionate*, e ou tim i for, e ou tim i *believe, they will go all the way with you.* E mwan mon en dimoun ki mon pa zanmen krwaz lanmen pou asize. Si

mon tim i kapab vin avek mwan, mon Minister i kapab vin avek mwan e mon ki anmenn sa kalite lenfliyans devan *it can only be a good thing non? Thank you* pou sa enn.

Bann *relapse* ou pe koz lo *drugs*, ou pe *relate to that?* Fodre mon konpran plis sa seksyon mon pa'n port en ta latansyon lo adilt, mon'n port en ta latansyon lo zanfan, akoz mon ti travay plis avek zanfan isi.

Me selman mon pa krwar poudir i annan en gran diferans ki mannyer, ou pou dil avek *relapse*. *Again*, i pour letan program pe marse eski nou annan *follow-up*.

Eski nou annan *the right environment?* Eski nou annan resours? Eski nou annan larzan pou fer *continuous programs* pou *rehabilitation and so on?* Alor i pou vin dan en fason antye. Nou pa pou kapab konmsi fer en bout, pa fer lot bout.

E *relapse most of the time* i arive, sirtou bann zenn ki mwan mon'n travay avek, zot fer program, zot fer *cold turkey*, zot sorti, zot byen, zot al 1 mwan lekol, 2 mwan lekol. *They relapse, why?* Akoz zot tourn *back to the environment*. E si lanvironnman pa'n met

keksoz an plas *to sustain, we're back to square one*.

### **MR SPEAKER**

Mersi Mrs Francourt. Onorab Rosie Bistoquet.

### **HON ROSIE BISTOQUET**

Mersi Onorab.

### **MR SPEAKER**

Pardon, eskiz mwan oule zis ranforsi en pti kestyon, ale. En pti moman Mrs Bistoquet. Onorab Pillay.

### **HON SEBASTIEN PILLAY**

Mersi Mr Speaker. Dan ou larepons ki ou'n donn mon la ou'n *strike* mwan *as somebody who likes to be very hands on*. I enportan pou mwan konn sa, akoz mon konpran en pe, e mon konn en pe ou kapasite. E mon'n war ou lantouzyazm ou travay ler ou ki pe *take the lead*.

Eski ou pou pare pou *delegate* avek lezot dimoun dan sa Minister? Akoz *you are a very strong character. It's a very good positive* pou ou. Me selman Departman Zafer Sosyal i en Minister ki ranpli avek en kantite *nuance*.

E ou bezwen en pratikan dan sa domenn pou vremen konpran li e ou konpran ki mon pe sey dir ou. Eski ou pou pare pou *allow* sa *delegation of*

*duties* avek lezot dimoun? Pou les lezot dimoun travay akote ou, pou zot kapab ed ou akonpli sa vizyon ki petet ou ava annan pou sa Minister? Mersi Mr Speaker.

**MR SPEAKER**

Mersi. Wi Mrs Francourt.

**MRS PATRICIA FRANCOURT**

Mon krwar mon'n dir sa mo *empowering*. So si mon pe dir mon *empower and I know for sure I do*. Akoz i annan en gran popilasyon Sesel ki dir zot sa madanm i *empower!* Be *empower* vedir mon les ou debout lo ou 2 lipye, *and I do delegate*. *And I know the boundaries and I know how to be*.

*So being a leader* ou konpran sa bann keksoz. Me selman si ou a pe *lead* avek *passion, that's also very great*. Akoz ou *whole* Minister pou al avek ou avek *passion*. *So I do understand* ki ou pe dir, eski mon pare pou mwan kapab *take a backseat, yes*. *And I understand what empowering is, what taking leadership, is and it does work*.

Par egzanp mon dir ou nou *run* en program 75 zanfan dan vakans pou en rezidansyel mon annan mon *25 members of staff*. Mon pa kapab fer sa mon

tousel. Si mon pa ti pe *delegate* mon pa ti *empower* zot mon pa ti fer zot *strong*, mon pa ti pou la ozordi. Mon ti pou dan lopital. *So I know*.

*But it's the passion*. Ou konnen. Mon *believe* poudir *change is influences by the passion that you bring to the work*. *So I believe very strongly in that*. *Thank you*.

**MR SPEAKER**

Mersi Mrs Francourt. Onorab Rosie i ou tour prezan, wi.

**HON ROSIE BISTOQUET**

Mersi *Honorable* Mr Speaker. Patricia bonn apre midi. Nou'n ganny sans travay ansanm plizyer fwa, sirtou dan *COVID-19 psychosocial support*, e nou ankor pe kontinyen, *which is a good sign*.

Mwan mon annan en kestyon lo *intergenerational gaps, or relations*, en. Mon konnen isi Sesel nou annan, nou apel sa en *aging population*, ki nou annan an bon pe dimoun pe vyeyi, nou'n ariv par egzanp letan nou pe gete bann madanm sirtou zot vyeyi plis ki bann msye.

Nou *life expectancy* osi, mon pa konn la avek sa *COVID* ki mannyer i ava ete. An plis ki sa nou napa sa, '*no more extended families*' parey lontan

nou ti annan, kot bann fiy bann manman, zenn manman ouswa ti al travay, ti kot zot zanfan avek zot paran pou veye.

Nou annan en zenn zenerasyon avek *their own mindsets*, ki i fer ki zot annan diferan lopinyon. E parey en bon pe Seselwa i dir bann zanfan konmela bann zanfan *computers*.

Nou trouve osi ki i annan bann striktir ki'n ganny kree dan nou sosyete, parey *Old People's Home*. E apre nou'n trouv *carer* in antre ladan antre ladan. Nou'n trouv kreasyon bann *flats*.

### **MR SPEAKER**

Mrs Bistoquet poz kestyon silvouple.

### **HON ROSIE BISTOQUET**

Wi, mon kestyon se ki i napa en lanvironnman *conducive*. Alors ki mon pe demande ki par egzantp si ou get sa portfolyo pou Sosyal, avek Lafanmir ki bann Polisi, bann plan, ki ou pou met an plas espesyalman bann program, ki pou vize dan 2 kote;- *upwards and downwards support* pou sa group dimoun? Mersi.

### **MR SPEAKER**

Mersi. Mrs Francourt

### **MRS PATRICIA FRANCOURT**

Mersi. *And it's good to see you.* Mon konnen nou'n fer bokou louvraz ankor ansanm, *which has been great* letan COVID. Again i pou enteresan pou mwan konnen mon portfolyo, pou mwan kapab regard bann *policies* ki *existing*. E si i annan *we build on it*. Si napa *we have to create*.

Ou ti pe koz bann *intergeneration gaps*. For example sirtou bann madanm. E enn bann program ki mon ti kontan fer e *again* mon krwar, ou konnen annandler ou fer en *trial and error*, avek bann program aköz ou lespri i toultan pe *buzz, what can I do, what can I do?*

E mon *drive* - ou konnen, mon toultan dir mon en *ideas person, I drive the idea forward, but I also encourage people to finish it*, pa toultan mwan ki kapab fer tou. So enn bann keksoz ki nou fer nou *breach the gap between the young; sirtou bann fiy, the young and the older generation*.

E mon konnen i annan dimoun la dan sa lasal, ki'n fer bann sesyon parey, kot nou asize konmsi tou *reminisce*, re konnen re konn bann valer. E i en moman fantastik pou bann zenn. Aköz kekfwa parey ou dir, zot pa ganny letan pou zot

asize, konekte avek bann dimoun pli aze e *share* en pti pe sa bann leksperyans.

Me *even* konnen *what was the history like*. Ou a krwar nou bliye aköz zanzan i zis lo *iPad and stuff like that*. So i byen i annan en kantite program, ki mon'n war i marse *out of Seychelles*. E dan *context* Sesel mon krwar mon kapab anmenn bann lide avek en tim.

Zot osi zot annan lide, be kekfwa annandler lide *doesn't come forward*. E mon war en kantite lide *that comes forward that can work to bridge the gap* en pti pe. Mersi.

### **MR SPEAKER**

Mersi Mrs Francourt. Onorab Chantal Ghislain.

### **HON CHANTAL GHISLAIN**

Mersi Mr Speaker. Bonn apre midi tou dimoun. Mr Speaker Mrs Francourt i annan en parol, me selman mon pa pe ganny byen, aköz mon pa pe war *verbatim* la ki in dir an en parol in servi letan i ti pe dekrir bann Degre bann profesyonnel isi. *And* letan in fer referans letan i pe demande oli zot, ki zot in fer?

Mon kestyon se, mon pa'n tro ganny en konpran ki in vremen dir en relasyon avek Degre sa bann profesyonnel. Ler in demande osi ki oli zot e ki

zot pe fer? Mon kestyon kekfwa pour Mrs Francourt mon ti pe demann li ki solisyon i annan pou li vin avek, pour kapab anmenn sanzman?

*And* apre en dezyenm kestyon, Mrs Francourt i dir nou i annan en *consultancy firm*, mon pe zis demann li ki pou arive avek son *firm* la, si an ka i vin Minis.

E trwa kar sa bann keksoz ki i fer dan son *firm*, i annan pou fer avek Lafanmir. I annan pou fer avek Sosyal *and all*. Si an ka i vin Minis dan *Social Affairs or Lafanmir*, eski i pa pou antre an konfrontasyon son *consultancy firm* avek son travay koman en Minis? Mersi.

### **MR SPEAKER**

Mersi Onorab. Wi, Mrs Francourt *carry on*.

### **MRS PATRICIA FRANCOURT**

*Thank you*. Mersi Onorab, mon a pran sa enn dernyen. Depi ler mon ti ganny demande e propoze pou mwan pran sa pozisyon *as a Minister, I am not practicing in my consultancy firm*. Avek en pe regre mon'n les li ale. Aköz mon konnen *what I do i workforce training*. Me osi mon annan mon *own practice* terapi, so sa in fini ale. *So I know* mon bezwen transparan, mon bezwen travay dan en

fason ki *the law requires me* letan ou pran en lot *post*.

*So that is gone.* Mon ankor pe ganny en kantite mon bann kliyan personnel *one to one*, ki pe dir mwan, “Be savedir ou pa pou vin kapab fer sa?” Non, mon konpran the *balance between the two roles*. *And I’ll follow the rules, that I am supposed to, which is that one.*

*What I meant* ler mon ti pe dir *degree of professionals is*, mon ti a kontan *they come forward, you know?* Mon ti a kontan *they come forward, you know? Come up with innovative ideas. Come up with what you’ve studied. Right?*

*Akoz the degree was something that was on paper. I had many opportunities to do all of that, many, many times. I chose not to, because mon ti en hands on person ki kontan ganny leksperyans, right?*

*So I will encourage sa ki annan sa bann expertise, e sa ki annan sa bann academic background avek knowledge and everything, vin devan vin donn en koudmen.*

E mwan enn sel legzanp mon kapab dir ozordi, ler Gouvernman nouvo i koz lo dimoun ki deor, *I am an example of dimoun ki ti deor, ki'n come back to my country to*

*give; to give back you know? And mon lapel i koumsa mwan.*

*Come and give back!* I annan en kantite *expertise, Sesel, deor. The country needs you. So bann dimoun ki annan zot expertise, mon annan total respe pou zot. Definitely come forward and share e montre. So I am open to meet.*

### **MR SPEAKER**

Mersi Madanm. Onorab Wavel Woodcock.

### **HON WAVEL WOODCOCK**

Mersi Mr Speaker. Mrs Francourt letan mon pe get ou bann kalifikasyon ki ou annan, bann *training* ki ou fer. Parey i annan bokou pou fer avek domenn sosyal, *Social Affairs*, e la mon vwar i annan 4 *area* ki ou’n *train* ladan, ki vreman annan en gran lenportans pou ou konteks ki nou sosyete ozordi.

Mon vwar ou’n fer *training* dan *child protection*, dan *cyber bullying, bullying in itself. Working with depression, domestic violence training.* Ozordi, pa bokou letan pase, ti annan en gro *case* ki’n vreman alarm Lepep Seselwa kot i konsern labi, labi bann zanfan, Sirtou labi seksyel ki i ase alarman dan nou pei. *Bullying* osi i *continually on the rise* dan

nou bann lekol. E osi depresyon i en fakter ki pe fer ki bokou dimoun ozordi pe pran zot lavi, pe komet swisid. E osi vyolans domestik osi i en keksoz ki *on the rise*.

*Assuming* ki ou pran sa portfolyo *Social Affairs*, en pe ki ou pou anmennen, ki bann keksoz ki ou bann Polisi, ou bann propozisyon, ki ou pou anmennen, ki pou ede avek sa bann sikonstans, sa bann diferan domenn ki nou pe fer fas avek bokou difikilte dan nou pei? Mersi.

**MR SPEAKER**

Mersi Onorab. Mrs Francourt.

**MRS PATRICIA FRANCOURT**

Mersi Onorab. *And I think this is why* mon leksperyans i vreman *vast*. Dan tou sa bann domenn ki, *you know*, portfolyo ki kapab donn mwan, mon konnen mon leksperyans i vreman *vast* ladan. Ler ou koz lo *bullying for example*, letan mon'n isi, nou'n *work very closely in running* diferan kalite *workshop around that*. So, mon annan sa *expertise* ki mon'n *part with the knowledge*.

*Policies around that*, mon konnen i annan *NGO* ki pe travay vreman *for to be able to get Policies*, menm Lalwa, *Legislation in place to be able to*

fer sa bann keksoz vin Lalwa. Mon konnen i annan *NGOs* ki pe fer sa vreman byen e pe travay.

So, tousala i bezwen *come ansanm*. Ki i vini, toultan mon vwar i sa separasyon ant *interministerial or agencies, if they were to come together*. Lanmen drwat i konnen ki lanmen gos i fer, i fer en gran diferans. *The working in silo attitude and mentality needs to stop!* E sa si i sanze, *oh, my gosh a lot of the problem will be solved?* So, tou sa ki ou pe dir la, i sa *approach in partnership rather than working in silo*.

**MR SPEAKER**

Mersi Mrs Francourt. Onorab Audrey Vidot.

**HON AUDREY VIDOT**

Mersi Mr Chair. Mrs Francourt, si ou ganny en portfolyo pou Lafanmir, ki ou pozisyon lo bann Polisi pou adopsyon zanfan, e lo travay Tribinal Lafanmir? Baze petet lo bann defayans ozordi?

E dezyenmman, enn bann *challenge* dan bann diferan departman tel parey lo kote Departman Sosyal, Lasante, Ledikasyon, bann *social workers* ozordi i annan bann *challenges*, avek bann nouvo mantalite avek travay bann

dimoun, espesyalman nou bann zenn.

Si ou ganny pe enport ki portfolyo, ki petet baze lo ou leksperyans ki ou annan, ki ou plan petet pou petet donn sipor Gouvernman, oubyen pou fer Gouvernman kapab elve en pti pe, pou donn sipor sa bann travay sosyal, pou zot kapab pli byen kapab delivre zot travay dan zot lorganizasyon ozordi?

**MR SPEAKER**

Mersi Onorab. Mrs Francourt.

**MRS PATRICIA FRANCOURT**

Mersi Onorab. Ou'n donn mwan 2 kestyon *food for thought* la, akoz mon pa *familiar* avek si annan en *Policy* dan *Sesel in terms of adoption of children*. So, sa i en keksoz pou mwan al regarde e *read up upon*. *I don't know if there is*. *I'm not sure*. E mon mazine i bezwen annan en *framework* pou *social workers*. Akoz *social workers* sa louvraz ki zot fer, *is a very, very hard job under difficult circumstances sometimes*. So, *again* i en keksoz pou mwan *familiarize myself with, in terms of* konnen ki annan, ki napa e regarde *were the gaps is*. So, pou mwan i pou mwan i pou en *sensitization exercise*.

*Right now*, mon pa kapab dir ou akoz mon pa'n al dan sa domenn an profon. Mersi.

**MR SPEAKER**

Mersi Mrs Francourt. Onorab Michel Roucou.

**HON MICHEL ROUCOU**

Mersi Mr Speaker. Bonswar ankore en kou. Bonswar Mrs Francourt. Mrs Francourt, mwan mon kestyon i ki lespwar ki ou pou anmennen pou bann paran, ouswa pou bann manman ki pe okip en zanfani ki'n perdi son paran, pour vi ki nou vwar poudir i annan bokou zot, espesyalman bann madanm ki'n anmas en zanfani, ouswa 2 zanfani ki'n perdi en paran. Swa sa paran in mor, swa sa paran in tonm dan kek problemm adiksyon, ouswa dan lalkol.

Ki lespwar ou annan pou sa bann paran? Akoz nou vwar poudir ozordi bokou bann paran, swa bann paran tousel ouswa bann paran parey mon'n dir, ki pe okip en zanfani ki'n perdi son paran. Ki i vwar li, li tousel. Ki lespwar ou annan pou sa group paran? Mersi Mr Speaker.

**MR SPEAKER**

Mersi Onorab. Mrs Francourt.

**MRS PATRICIA FRANCOURT**

Mon mazinen ou pe dir *through death*, ou pe dir? *Ok?* Mon konnen poudir i annan bann program dan lekòl ki ankadre bann zanfan lo kote ledikasyon, be nou, par egzanj dan enn mon *voluntary piece of work* ki nou fer, mon'n kree en group pou bann zanfan ki'n perdi zot paran *through cancer*. Mon krwar zot ti vwar sa dan lo Konekte.Zenn *last week*. E bann program parey ki devret *duplicated and replicated*. Pou nou vwar poudir, be ou konnen kwa, en zanfan letan i perdi son paran, si pa ganny sa *right ankadreman in terms of terapi, in terms of follow-up, in terms of legal guardians*, bann keksoz koumsa, i pou *loose*. *They are going to be loose*.

So, ki mannyer nou *close the gap* e pou fer sir poudir bann program ki annan an plas, i ankadre sa bann zanfan e swiv sa bann zanfan? E nou ti vwar ki sa group manrmay *Hope for Kids*, dan *Cancer Concern Association*, *because this program nurtured them, 2 years ago, until now*. Sanmenm sa ki ou vwar sa bann zanfan ti kapab vini, vin koz about zot paran ki zot in perdi *through cancer*. *The rest of the Seychelles was crying. They were not. They were at a good*

*place* kot zot in *become resilient* e zot annan konfidans pou koz *about* sa. So, bann program ki pran plas ki pou kapab ed sa bann keksoz. So, *again* i en *gap analysis* pou gete, petet pou vwar ki nou annan, ki nou napa. Mersi.

**MR SPEAKER**

Mersi Mrs Francourt. A sa pwen nou'n ariv a lafen seri kestyon e mon krwar ou'n gannyen en kestyon, non? Ale, silvouple.

**HON CHANTAL GHISLAIN**

Vitman Mr Speaker. Mrs Francourt in fer referans avek en kestyon ki ti'n demande oparavan. Kot in dir i pa konnen si i annan en *social workers*, kek sa. Mon pe zis demande si par egzanj. Par egzanj letan i ti'n ganny demande pou vini, ki kantite resers in fer pou li konnen i annan en *Social Workers Act*, osi i annan lezot Polisi ki annan pou fer avek adopsyon osi, isi. Sa i mon kestyon. Mersi Mr Speaker.

**MR SPEAKER**

Mersi Onorab. Mrs Francourt, ou a reponn sa.

**MRS PATRICIA FRANCOURT**

Mersi Onorab. *Definitely* mon pa pou'n fer resers, akoz si mon'n ganny dir *a few day ago* poudir mon pou vin en *Minister*. Mon pa pou kapab al get dan *Youth*, al get dan Ledikasyon, al get dan Sosyal, al get dan lot. I pou tro bokou pou mwan. *So, when the time is right, I will do the research. Thank you.*

**MR SPEAKER**

Mersi Mrs Francourt. La nou'n ariv a lafen nou seri kestyon. Ou pa ti'n lev ou lanmen. Mon'n permet enn, mon a bezwen permet lot. Me selman i ava dernyen silvouple. Onorab Adelaide.

**HON FRANCOIS ADELAIDE**

Mersi Mr Chair, ou vreman zenere. Bonswar Mrs Francourt. Mrs Francourt, ou konnen *failure* ansyen Gouvernman se inabilite pou zot pran desizyon. E mon'n tann ou dir ou en *leader* e ou pou fer sir keksoz i marse. E mwan mon pou vot pou ou, pou ki, mon fer sir ki ou pran desizyon. Eski ou en dimoun ki pran desizyon ki ferm, ki responsab e ki pou *accountable* pou ou aksyon?

*Then* apre, eski ou *believe* dan *reshuffle Cabinet of Ministers*? Akoz ki nou'n trouve dan leparse, ler en Minis i *fail*

dan en landrwa zot *reshuffle*. Eski ou *believe* ladan? Mersi.

**MR SPEAKER**

Mersi Onorab. Mrs Francourt.

**MRS PATRICIA FRANCOURT**

Wi, mon en *very much a decisive person*. Mon fer desizyon. Akoz *this is what I do as part of my work*. Sa ki mon profesyon. Se pou ed dimoun kapab pran desizyon, *the right decisions, right? To empower them and make them be able to be strong, stand on their own 2 feet and so on. This is what sa whole training ki mon leksperyans in anmennen. Reshuffle, si i anmenn benefits, why not? Si i pa anmenn benefits, why should we?*

**MR SPEAKER**

Mersi. Bon la nou'n ariv a lafen e mon pou remersye Mrs Francourt pou son prezans avek nou e pou reponn kestyon nou bann Manm Onorab. Avek sa mon a dir li i kapab kit Lasanble e bonn sware e mersi bokou.

**(MRS PATRICIA FRANCOURT WAS EXCUSED FROM THE HOUSE)**

**MR SPEAKER**

Ok, mon krwar prezan nou a retourn dan staz Lasanble pou nou kontinyen e nou ava antre dan staz deba. Onorab Henrie, ou kapab komanse, wi.

### **HON GERVAIS HENRIE**

Mersi Mr Speaker. Mon'n ekout Mrs Francourt avek bokou lentere. Parski son prezantasyon ouswa son personnalite, ou son *credential* ki in met devan nou, in diferan avek sa 2 dimoun ki'n vin avan. Sa 2 dimoun ki'n vin avan, mon'n vwar zot koman en pe *technocrate*. E bann *technocrate* letan mon ti pe fer kanpanya Mont Buxton, mon'n dir ek mon bann dimoun poudir zot bann dimoun ki napa, zot get keksoz an nwanr ek blan zot. Si *the Policy or the law doesn't say it, they won't entertain you*.

Be li sa ki in demontre avek nou ozordi, e sa ki mon kontan, sa pasyon. Mon vwar li i parey en aktivis ki pou pouse pou bann keksoz arive. E sirtou, sirtou en pwen ki in touse ki mon'n kontan. Kot in dir bann Minister i annan en koneksyon. E mon kontan en dimoun ki pou al avek sa kalite filozofi dan *Cabinet*, pou asire ki sa ladministrasyon Prezidan Ramkalawan i travay koman en lekip. E si i kapab anmenn sa kontribisyon i pou bon.

E apre i annan sa laspe leksperyans ki li i vin avek. In ganny *challenge* lo kestyon son kalifikasyon. Be wi, son larepons pa'n kler lo sa size. Me selman pou mwan, nou bezwen realize pou bann dimoun ki a lekout deor, poudir i pa selman kalifikasyon ki fer en dimoun fer en travay byen. Leksperyans i konte. Pasyon i konte. Devosyon pou sa travay, i konte. In koz ek nou lo son leksperyans koman en Seselwa ki'n egzile. E ankor i reflekte sa enklisivite ki ladministrasyon Prezidan Ramkalawan i oule met a laporte Seselwa.

Dimoun ki sorti aryer ki'n vini, ki ti bezwen kit pei pou rezon ki zot pa ti anvi. Me zot in retournen pou vin donn en koudmen, akoz Sesel i pour tou son zanfan.

Prezan, en keksoz ki mon pe donn mon bann voter dan Mont Buxton lasirans, e tou pep Seselwa, nou, nou pou fer sir e mon pe swete ganny zot sipor. Nou pou bezwen fer sa Gouvernman marse. E sa bann Minis nou pou asire poudir zot *accountable*. Nou pou fer sir poudir zot delivre. E mersi pou ou kestyon Onorab Adelaide, letan ou'n demann li, ou'n *challenge* li si koman en *leader* i pou pran en desizyon. Ziska dernyen er, ziska ler in dir sa.

Finalman mon'n dir, "Ah, sa ki mon ti anvi tande." Sa ki mon ti anvi tande.

E dan kestyon *reshuffle*. *If she doesn't deliver*, nou pa pou kapab kontinyen siporte. So? Finalman dan son dernyen larepons Onorab Adelaide, in reasir mwan poudir i en dimoun ki konsyan sa responsabilite ki nou pe donn li. E nou koman *Caucus LDS*, nou'n demande ki nou zwenn avek *Cabinet* souvan, pour ki nou reponn. Nou donn zot sa sipor, nou anmenn sa *feedback* ki nou bann dimoun dan distrik pe enport ki zot in vote, me nou pe reprezant pep Seselwa. Parey Speaker in dir nou bomaten, pou asire ki nou *Cabinet* i delivre pour Sesel.

E alors, mon kontan sa lenerzi, sa pasyon ki Mrs Francourt pou anmenn dan *Cabinet*. Donk mon reasir tou pep Seselwa, poudir i en madanm ki fodre nou donn li en sans pou delivre pour Sesel. Mersi.

### **MR SPEAKER**

Mersi Onorab. Onorab Wavel Woodcock.

### **HON WAVEL WOODCOCK**

Mersi Mr Speaker. Mr Speaker, ler mon'n ekout Mrs Madanm, en keksoz ki kler se ki sa

madanm i annan leksperyans. I en madanm ki *hands on*. I en madanm ki konnen ki pe fer. E ler mon pe get son kalifikasyon, sa bann diferan *field* ki in *train* ladan, parey mon'n mansyonn en pe, *child protection training, bullying, working with depression, domestic violence, overcoming anger, positive parenting* e plizyer lezot domenn ki mon santi i pou anmenn en kontribisyon enportan, sirtou kot i konsern *social affairs*.

Nou pa konnen ki portfolyo i pe pran, selman sa ki kler se ki sa madanm i en madanm ki annan konpetans, i kosto, e i konpetan e i kapab. E in malere Mr Speaker, ki mon'n tann detrwa Manm lo lot kote latab ki'n kestyonn en pe konpetans sa madanm. Pourtan Onorab Adelaide in koz en pe dan bann *Cabinet* lepase anba ansyen administrasyon Mr Faure, e menm administrasyon Mr Michel, kot ti annan bann *reshuffling of Cabinet of Minister*.

Nou'n vwar e i annan en sa ansyen Minis ki dan nou Lasanble ozordi koman en *MNA*, ki i ti ganny *reshuffle*. *And at one-point* i ti pe tenir en portfolyo Lagrikiltir ek *Fisheries* e napa okenn leksperyans dan *agriculture and fisheries*. E la

ozordi i pe kestyonn konpetans en madanm, ki i konnen ki i pe fer. I dan sa domenn e ki nenport ki kestyon ki zot in demann li in kapab reponn avek lentelizans, ki montre nou klerman poudir sa madanm i kapab!

I en madanm ki mwan mon *believe* e ki mon konfidan ki i pou fer en bon louvraz, dan plizyer portfolyo ki nou kapab met li anba la. Menm Ledikasyon, Sosyal e menm pou travay avek lazenes. Alors mwan koman Onorab Elekte pou Grand Anse Praslin dan 7enm Lasanble Nasyonal, mon pou siport Mrs Francourt, e mon pou demann tou bann Manm dan sa Lasanble Nasyonal pou aport zot sipor pou Mrs Francourt. Mersi bokou.

### **MR SPEAKER**

Mersi. Onorab Naddy Zialor.

### **HON NADDY ZIALOR**

Mersi Mr Speaker. Bonswar. Mon pou tre bref. Mwan osi mon pe aport mon sipor pou Mrs Francourt, koman nominasyon Minis dan Gouvernman dizour. Zis an pasan mon ti a kontan fer en pti komanter.

Ou konnen, pli gran liniversite, se liniversite lavi. E

pou mwan letan mon pe ekout Mrs Francourt, son parkour lavi, i fer mwan realiz en keksoz. Annefe, letan mon'n osi ekout bann Manm e sa se *leadership*. Sa ki Sesel i bezwen ozordi pe enport ki portfolyo ki ou pou pe donn sa madanm, me baze lo son CV e son leksperyans. I pou senpleman montre Sesel ki, ki swa i pou dan Lafanmir, ki swa i pou dan Lazenés, ki swa i pou kot Ledikasyon, me i annan sa *leadership quality* pou li delivre pou sa Sesel ki nou, nou pe espekte. Mersi Mr Speaker.

### **MR SPEAKER**

Mersi Onorab. Onorab Regina Esparon.

### **HON REGINA ESPARON**

Mersi Mr Speaker. Mon pou aport mon soutyen pou nominasyon Mrs Francourt, en dimoun ki depi in retourn Sesel i reste dan distrik Glacis. Savedir enn mon zabitan. En madanm ki annan en leksperyans dan diferan domenn, parey in eksplik nou. Labank, sosyal, travay ek zenn, eksetera.

Mrs Francourt i annan en pasyon pou travay ek bann zenn. En dimoun ki kontan ekoute avan i reazir parey li menm li in eksplik nou. Koman

en konsiltan ki'n ganny ekspoze dan diferan domenn, *physiotherapy, behavioral therapy, emotional literacy ek life skills development*, mon napa dout ki i pou fer en bon travay pou lafanmir.

Mon konnen ki dan lepase, isi menm dan sa 6em Lasanble, avek son *involvement* ek *Cancer Concern* lannen pase. i ti ganny sans enterakte ek *Caucus* bann Madanm, kot diferan aktivite ti ganny organize pou Mwan Kanser. E nou'n vwar son konpetans, son konpasyon pou bann dimoun ki'n ganny afekte ek kanser. Son *involvement* ek *oncology*, kot koman en *Vice-Chairman* pou *Cancer Concern*. E sa latous final ki in mete dan tou sa ki i fer. Kot i pe toultan pouse pou ganny sa ki meyer, pou bann pasyan ki pe viv ek kanser.

Mr Speaker, sirtou koman en madanm, nou la pou siport bann madanm. E mwan mon pou dir ki mon napa okenn dout ki avek sa leksperyans ki i annan, ki i pou fer en bon travay. Mersi Mr Speaker.

### **MR SPEAKER**

Mersi Onorab. Onorab Johan Loze.

### **HON JOHAN LOZE**

Mersi Mr Speaker. Mr Speaker, apre midi la nou'n vwar en madanm avek en personnalite vreman eblouisan. I en madanm ki i kler son laservel i mars vreman vit, bokou pli vit ki larestan nou. E sa i *come across* dan lafason ki i koze. *She is a real fast thinker*. E mwan personnelman, mon swet li bonn sans dan son parkour. Mon swet li bonn sans lo *Cabinet* Prezidan Ramkalawan. Me selman i annan en pti keksoz ki mon anvi dir osi.

Mon anvi ed *Minister* Francourt, parey mon anvi ed Gouvernman Prezidan Ramkalawan. E pou mwan sit Onorab Ferrari, akoz mon konnen zot, zot pa kapab fer li zot. Zot pa pou kapab fer li zot! Alors dan sa zefor pou mwan ed Minis Francourt, mon pou sizere ki i *tender* en *apology* avek bann zenn profesyonnel Seselwa, avek tou profesyonnel Seselwa pou sa komanter ki in fer dan nou Lasanble ozordi.

Mon krwar *she is big enough to e* ki i devret fer li, *tender* en *apology* pou tou profesyonnel Seselwa. Parey mon'n dir, *she is a real fast thinker*, en parol in sap li, in dir, i regretab. Petet i pa realize, me i annan en leokri pe komans leve deor par sa komanter ki in

fer. E personn pa ti pe kestyonn son konpetans.

Onorab Cosgrow in kestyonn son kalifikasyon *and rightly so*. In zis demann li en kestyon lo son kalifikasyon *and* en parol in sap pli. So, napa rezonn pou zot defansiv. Mon konpran akoz zot defansiv. Zot annan sa mantalite lopoziyon avek zot. Zot anvi opoz tou keksoz. I menm annan en Onorab boner ki ti krwar i ankor dan Lopoziyon. So, mwan mon anvi ed, mon anvi ed zot, mon anvi ed Gouvernman Prezidan Ramkalawan. E parey mon'n dir, mon konnen zot pa pou kapab fer li zot. Zot napa sa kouraz. So, mon'n fer sa ki zot, zot pa kapab fer. Mersi Mr Speaker.

### **MR SPEAKER**

Mersi. Onorab Sebastien Pillay.

### **HON SEBASTIEN PILLAY**

Mersi Mr Speaker. Nou'n pran en pe letan pou nou regard en *prospective Minister* dan Gouvernman Prezidan Ramkalawan, ki'n prezant devan Lasanble. E nou'n regard li an tout fransiz, me nou demann li bann kestyon fran, bann kestyon ki petet i pa ti a kontan reponn. Me nou'n bezwen demann li, akoz lafason

ki in prezant li devan nou Lasanble, i fer ki i neserer ki nou demann serten kestyon.

Mon ti a kontan *remind* Lasanble, en keksoz enportan. Si ladministrasyon Mr Michel, si ladministrasyon Mr. Faure ti fer e nou ti dir pa bon, pa vo lapenn nou repet li. Pa vin la anndan pou nou dir dan Gouvernman avan ti annan sa, ti annan sa, e nou menm nou ti dir pa bon e apre pou nou vin re fer li. In fini sa letan!

Nou vin la anndan pou nou vin fer sa ki nou krwar i pli byen. E sa ki Onorab Loze in eksprimen, annou fran. Mwan mon kontan Mrs Francourt, i en dimoun ki mon konnen i bouz at a *very fast pace*. I kontan vwar keksoz ganny fer byen. *There's no doubt about it*, e mon pa kestyonn son abilite fer sa louvraz.

Me mon konnen parmi zot asize lo sa kote lata, i annan bokou zot ki'n ofanse par serten komanter ki in fer. Si zot onnet ek zot lekor, akoz mon konnen bokou zot in etidye pandan plizyer lannen pou zot ganny bann Degre.

E sa i pa en referans lo kapasite Mrs Francourt vin Minis, non! Akoz sa leksperyans vin la anndan pou sa madanm, pou *face* en Lasanble, i en leksperyans ki pa

fasil. E zot konn tre byen akoz zot in met plizyer dimoun ki'n vin dan sa sez pandan 6em Lasanble dan menm pozisyon. Me pozitiv ki sa bann dimoun ki'n vini lo zot kote in annan, se ki bann keston ki nou, nou'n demann zot...

**MR SPEAKER**

Me Onorab, retourn lo Mrs Francourt silvouple.

*(laughter)*

**HON SEBASTIEN PILLAY**

Mersi Mr Speaker. Mr Speaker, mon bezwen ed nou Lasanble etabli en konteks, akoz nou'n ariv lo en desizyon....

**MR SPEAKER**

Wi, me ou a ed nou par reste lo size. Mersi.

**HON SEBASTIEN PILLAY**

Mon pe al reste lo size Mr Speaker. Mersi pou *remind* mwan, e mon kontan ou pe pran sa lapros pou kit nou tou lo size. I tre byen, mon felisit ou pou sa.

Sa ki enportan dan sa ki pou arive avek Mrs Francourt, se ki i pou al dan en Minister ki vreman, vreman difisil. En Minister osi difisil parey Minister Lasante. E mon krwar i pou annan en pe *soul*

*searching* pou Mrs Francourt pou li fer, akoz i ou bezwen kapab travay avek lezot profesyonnel ki dan sa Minister.

Mon'n ekout sa ki Onorab Henri in dir vizavi en larepons ki in donn Onorab Adelaide lo sa keston. Me i paret mwan Onorab Henrie pa'n ekout byen sa larepons li. Akoz sa larepons ki sa madanm in dir ou, *if it benefits yes, if it doesn't benefits, no*. Ou konpran? I pou annan lenstans kot en Gouvernman pou bezwen fer sanzman.

E mon krwar sa ki pou enportan, se ki koman en Lasanble, zot ki an mazorite, pa vin en *surrogate Government* dan Lasanble, akoz zot pa pou kapab kit zot prop *executive to task*. Zot kapab mangonnen, zot kapab dir sa ki zot anvi, me zot konnen sa i en realite, e nou'n pas ladan.

**MR SPEAKER**

Onorab, silvouple.

*(Interruption)*

**HON SEBASTIEN PILLAY**

An konklizyon.

**MR SPEAKER**

Mersi, mersi, *conclude*.

**HON SEBASTIEN PILLAY**

Mon konnen ou apresye mon pe konklir Mr Speaker. An konklizyon, mwan mon krwar poudir Mrs Francourt i kapab al dan sa pozisyon, me selman mon ti kontan enplor Mrs Francourt, pou fer son mye, pou kapab travay avek tou profesyonnel, ki ava annan dan sa domenn, sa Minister. Akoz fransman en *echo* ki'n gannyen deor, mon pa kapab lalang. Mon pa kapab pa dir laverite, *echo* ki'n gannyen deor e plizyer *text* ki mon'n resevwar. Zot rapel *text*, zot rapel *text* non?

*(laughter)*

**HON SEBASTIEN PILLAY**

Zot rapel *text* en? Zot rapel *text*. I paret mwan ler ou asiz dan sa sez, sa bann *text* i vini !

*(Interruption)*

**MR SPEAKER**

Silvouple annou gard lord. Ou ti dir mwan ou pe al *conclude*, *conclude* lo Mrs Francourt, pa entrodwi en lot size ankor. Mersi.

**HON SEBASTIEN PILLAY**

Mersi Mr Speaker. Sa bann *text* lo sa size in dir mwan koumsa zis *remind* sa madanm *to take an approach where we try to*

*bring people together as far, as much as possible* e sanmenm mon'n demann sa bann kestyon.

So, mon krwar lo mon kote parey nou'n vwar bomaten Mr Speaker, mon pa pe egzize ki manner okenn Manm pou vote. I annan Manm ki annan leksperyans personnel, *deal* avek sa madanm ki manner in travay avek zot. E zot ava vote *accordingly* baze lo sa leksperyans. I ava annan lezot Manm ki ava annan lezot leksperyans. I ava annan Manm ki ava fer lezot refleksyon, me selman mon pa pou vot kont lapwentman sa madanm, mon swet li tou le meyer. Mon krwar i en madanm ki'n pas atraver bokou dan son lavi, e ki Bondye i a beni li dan son louvraz e ki i ava kapab fer *proud*, pa zis son fanmir e nou pei. E mon remerci ou pou latansyon Mr Speaker e mon remerci Lasanble, zot lendilzans pou *allow* mwan pou fer sa 2 pti komanter an plis. Mersi.

**MR SPEAKER**

Mersi Onorab. Onorab Wallace Cosgrow.

**HON WALLACE COSGROW**

Mersi pou donn mwan sa laparol aswar la. Mr Speaker,

dabor, avan mon vin lo la, mon ti a kontan zis klarifye en pti klarifikasyon lo en komantr ki Onorab Wavel Woodcock in fer. Zis pou mwan *remind* Onorab Wavel Woodcock, depi 2004 ziska 2010 mon'n travay dan Seksyon *Planning* Minister Lagrikiltir ek Lapes. Apre mon'n travay dan Lazans Lagrikiltir. Mon'n travay avek bann dimoun tel ki defen Walter Talma, defen Finley Racombo. Zis pou asir li poudir mon annan konpetans dan lagrikiltir ek lapes. Mersi bokou Mr Speaker.

Mr Speaker, mon ti a kontan kontinyen an dizan ki mon kekyon pou Mrs Francourt konsernan son kalifikasyon, i pa ti en kekyon ki mon ti pe atak son abilite. Nou'n vwar Mrs Francourt in eksplike, son abilite tou Manm in vwar. Mon kekyon sete ler mon'n get sa CV, mon pa'n vwar en kalifikasyon spesifik. Alors i enportan ki mon demande, akoz pep deor, dimoun ki pe ekoute, i bezwen konnen lekel sa dimoun ki pe vin son Minis e i bezwen konnen ki son kalifikasyon.

E mon realize ki poudir sa kekyon in osi anmenn bann Manm MNA lot kote latab lo defansiv akoz enn, de zot, zot in antre pou defann en pti pe sa.

Me i *ok*, i *ok* sa. Akoz i fer pep vwar deor ki poudir zot konsernen avek sa, zot anvi vwar le meyer pou zot kandida e nou osi nou anvi zot kandida ministeryel. E nou osi anvi vwar le meyer kandida ministeryel pou pep, pou Sesel.

So, Mr Speaker i pa'n dan okenn move fason. Mon swet Mrs Francourt avek tou bann lezot Minis ki'n pase avan bonn sans, e mon krwar i kapab fer ase bon travay. Mersi bokou.

### **MR SPEAKER**

Mersi bokou. Nou'n ariv a lafen deba, mon a pas laparol Onorab Georges.

### **HON BERNARD GEORGES**

Mersi Mr Speaker. Mr Speaker, i annan *2 schools of thought* lo lekel ki bann meyer Minis.

1) E sa se sa ki Langleter, sirtou i fer, me bokou pei kot i annan en sistenm Parlmanter. E sa se ou pa zanmen met en Minis dan en departman ki li i annan en konpetans ladan. Akoz? Akoz sa Minis pa sipoze annan en konpetans dan en departman. Sa Minis son rol se senpleman pou li anmenn Polisi Gouvernman dan sa Minister. Se sa bann dimoun anba li, depi *permanent Secretary*, an desandan ki sipoze bann teknisyen ki fer marse Minister.

Lot *school of thought*, se ki ou met en Minis, en teknisyen, en *technocrate* ki konn sa Minister, ansarz en Minister. E sa nou vwar bokou dan bann rezim Prezidansyel, me pa neserman. Me en keksoz ki mon konnen ki Prezidan Ramkalawan in anvi fer e i pe fer sa pou en rezon senp, se ki ler ou pran en ladministrasyon pou premyer fwa, i tre itil pou met dimoun ki annan en konpetans, me pa selman en konpetans, me ki annan en lafinite, ki annan en pasyon dan sa Minister kot ou pou met li.

Akoz ler ou annan en pasyon, se koumsa ki ou kapab fer en Minister marse, dan en fason vit, ler ou pe pran pouvwar pou premye fwa. Apre en serten peryod lannen, ou kapab *rotate* sa bann dimoun, akoz zot in fini ganny leksperyans gouvnenen.

Me ler ou pe antre dan Gouvrenman pou premyer fwa, i tre itil pou ou met dimoun ki annan en pasyon, ki annan en konesans, e ki anvi fer sa Minister marse. Akoz se sel fason ki zot kapab tir li lo zero, anmenn li lo 60miles *per hour* dan 3 segonn.

Alors, ou vwar, mon pa kapab antre dan latet Prezidan, me mon vwar en *pattern* dan sa

ki i pe fer. E mon krwar ki sa kandida ki nou'n vwar ozordi, Mrs Francourt ki mon konn li tre byen, me nou pa isi pou vot pou dimoun akoz nou konn zot. Nou isi pou aprouv zot, akoz zot annan en konpetans e zot in demontre sa konpetans devan nou. E mon krwar se sa egzakteman ki Prezidan ti annan antet ler i ti rod sa madanm pou vin en Minis.

Annefe mwan, pandan plizyer lannen deza, mon'n kestyonn mon lekor, akoz mon konn sa madanm tre byen. Mon'n kestyonn mon lekor, akoz ki i pa ankor ganny anmase par en Gouvrenman pou li vin Minis? Akoz mon konn son konpetans e nou tou nou konn son konpetans, lo zot kote latab, *comme* nou kote latab. In travay avek bokou, bokou dimoun. Nou konn son pasyon, nou konn son afinite pou sa travay ki i fer. Me la ozordi in ganny apele pou deservi sa fonksyon. E mon napa okenn dout, parey mon konnen zot tou zot napa okenn dout.

Mon pa dakor ki ozordi in dir en keksoz ki ti *out of turn*. Me annou pa, mon pa anvi antre dan sa deba, akoz in ganny deza ase koz lo la. Sa madanm, tou bann dimoun Mr Speaker, tou bann dimoun ki

annan en pasyon i fer serten dimoun enkyet e sa nou vwar. Akoz zot *passionate*.

E Mrs Francourt pa en leksepsyon. Ler nou mezir nou avek li, bokou nou, *we are found wanting*. Akoz i *think* bokou pli vit, ki nou. I artikil keksoz bokou pli vit ki nou, e nou, nou pe taye pou *catch up* avek li. E nou bezwen konpran li dan sa konteks, ki i pou en Minis ekstraordiner e sa mon konnen. E Prezidan Ramkalawan i konnen. E donk mon fini ozordi an dizan, ki in en *breath of fresh air*, ki'n ed nou konklir en long lazournen lo en not pozitiv, e lo en not enerzetik.

Donk Mr Speaker, mon krwar ki sa madanm, anfen mon konvenki ki sa madanm pou en bon Minis e i pou ganny nou sipor dan sa Lasanble la aswar. Mersi bokou.

### **MR SPEAKER**

Mersi Onorab, mon a re lir Mosyon pou nou met li pou vote ; *In accordance with Articles 63(1) and 69(2) of the Constitution, this Assembly approves the proposed appointment by the President of the Republic of Mrs Patricia Juliette Francourt to the office of Minister.*

Nou a pran en vote prezan, *those in favor please hands up? Ok, thank you* Madanm Clerk. *Those against, hands up? Thank you.* Mersi, Mosyon pou aprouv apwentman Mrs Patricia Francourt in pase 25 vot pour, zero vot kont e 9 *abstain*. Alors mon deklar Mosyon aprouve. Mersi.

Bon a se moman mon krwar i ti pou en pe difisil pou rebran en lot kandida. Alor mon pou *move* ki nou *adjourn* deba ou demen bomaten 9er e nou a kontinyen avek lezot. Yes.

### **HON EGBERT AGLAE**

Mr Speaker, mon annan en pwen mon oule klarifye. An giz ki ozordi i nou premye sesyon e baze lo bann kominikasyon ki Clerk ti fer dan *WhatsApp group*, vi ki annan nouvo Manm osi la ki ti pou annan en *proper induction* ki mon vwar pa'n ganny fer, parey ti ganny sizere. E an menm tan mon pe sizere vi ki *IT* atraver lofis Clerk pou sirtou bann *email address* pou nou ganny nou bann dokiman *soft copy*, i enportan pou nou kapab dokimante e resevwar li ase fasilman. Si provizyon ase vitman i kapab ganny fer pou fasilite en pe nou travay dan sa Lasanble, dan plas esper bann *hard copies* vini. Mersi.

**MR SPEAKER**

Madanm Clerk i asir mwan ki zot pou fer zot mye, pou ou gannye sa bann dokiman demen bomaten. Wi Onorab.

**HON CHANTAL GHISLAIN**

Mr Speaker, mon annan en pti keston an se konsernan *housekeeping*, an se ki konsern delo. Mon vwar li konmsi en pti pe difisil, pou bouze tanzantan pou leve pou al rod delo. *And* pou en bon pe letan ou labous i reste sek, ou pa pe kapab pe leve tou lazournen pou sa. Mon pe regarde si pa posibil pou nou retourn nou *jug* delo *or* boutey delo lo nou latab *please*? Mersi bokou.

**MR SPEAKER**

Madanm Clerk ou a note *please*, pou nou regarde ki laranzman ou kapab fer. Mersi bokou. Alor, *session adjourn*.

**(ADJOURNMENT)**

